

Литература Дагъистан

16+

# Гьалмагъдеш

ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ



**Т. Сягидовлис**  
**70 дус**

**4/2019**

**июль - август**

**Х. Хіяббобовас - 70 дус**





# Гьалмагъдеш



## ЛИТЕРАТУРНО-ХУДОЖЕСТВЕННЫЙ И ОБЩЕСТВЕННО-ПОЛИТИЧЕСКИЙ ЖУРНАЛ

Учредитель: Министерство информатизации, связи и массовых коммуникаций  
Республики Дагестан

---

**РУКОВОДИТЕЛЬ - БЕКИ РЕДАКТОР**  
Мурад МяхИяммадович ГЯХИМАДОВ

**ЖАВАБЛА СЕКРЕТАРЬ**  
Т. ЗУРГЪАЛОВА

**РЕДАКЦИЯЛА КОЛЛЕГИЯ**  
XI. Кьурбанов (журналла редактор)  
Кь. Мигърабов  
Т.СягИдов

**ЖАМИГИЯТЛА СОВЕТ**  
А. Гябдулманапова  
И. Ибрагъимов  
Ш. МяхИяммадов  
Х. ХИябидова  
Х. Юсупов  
И. МяхИяммадов

**4**  
**2019**

**июль - август**

---

Кел бази гьачам  
дурабулхъан

Выходит один раз в два месяца

1952 ибил дуслизиб  
акIахъубси саби

Журнал основан в 1952 году

Государственное бюджетное учреждение  
Республики Дагестан “Редакция республиканских литературных  
журналов “Соколенок” и “Литературный Дагестан”.

**ЖУРНАЛЛИЗИР ЛЕР:**

**ДРАМАТУРГИЯ**

**Къасум-Бег МИГЪРАБОВ.** Сагид.....3

**П Р О З А**

**Ибрагъим ИБРАГЪИМОВ:** Цализиб ва хилизиб.....18

**Мяхъяммад ТАХСУРМАНОВ.** Дигай.....27

**ПОЭЗИЯ**

**Имин МЯХИЯММАДОВ.** Назмурти.....32

**Гяли-Асхъяб МЯХИЯММАДОВ.** Сонетуни ва назмурти.....37

**НУШАЧИВ ГЯХИЛАДЛИ**

**Дагъистна халкъла поэт Мирза ДАВЫДОВ.** Халкъла гьалмагъ.....43

**ТАВСУЛТАН СЯГИДОВЛИС – 70 ДУС**

**Гябдулла ВЯХИДОВ.** Даргала литературализиб сагаси у ва сагаси жура.....45

**Тавсултан СЯГИДОВ.** Умхала суннатчиби.....49

**ХАБУРТИ**

**Нурулгъуда РАЖАБОВА.** Зубарти дилшухели.....55

**Аминат ХИЯПИЗОВА.** Нешла муэр, Шайтанат, Убай неш.....66

**Хадижат ХИЯБИБОВА.** Назмурти.....73

**ФОЛЬКЛОР**

**Патимат ВЯХИДОВА.** Азгъин урши.....80

**Гяша КЪУРБАНОВА.** Багъираби.....96

**О Ч Е Р К У Н И**

**Мяхъяммад ТАХСУРМАНОВ.** Гьарра шайчив пагъмучевси.....82

**Аминат ГЯБДУЛМАНАПОВА.** Мез дяркъес багъандан. Гьар-урла

гямрула бикьруми.....86

**Камиуб журналла гьалмагъ.....92**

**Тухтуртала ва писательтала тямада.....94**

---

Регистрационный номер: серия ПИ №ТУ05-00416  
выдан Управлением Роскомнадзора по Республике Дагестан от 22.04. 2019 г.

**Типография:** ООО «Издательство «Феникс-пресс»  
**Адрес типографии:** 367018, РД, г. Махачкала, пр. Петра I, 61

**ГЪАЛМАГЪДЕШ №4 2019 г.**

*На даргинском языке*

Выход в свет 29.07. 2019 г. Тираж 380 экз.

Заказ № 417 Цена свободная.

Печать офсетная. Бумага офсетная.

Формат 70x108 <sup>1</sup>/<sub>16</sub>.

Усл. печ. л. 8,4.

Усл. изд. л. 8,7.

*Редакция и издатель: Государственное бюджетное учреждение Республики Дагестан “Редакция республиканских литературных журналов “Соколенок” и “Литературный Дагестан”.*

*Адрес редакции и издателя: 367000, РД, г. Махачкала, ул. Даниялова, д. 55.*

**Электронный адрес редакции:**

litdag@mail.ru

# Драматургия

Къасум-Бег МИГЪРАБОВ



## САГИД

ХІЯБЪИБИЛ СУРАТ

(Хъарахъуд)

*Халаси улкъайличилси шаласи кабинет. Жузи ва белкІаначилти папкаби, къасурбачи кадихъибти шкафуни. КІел устІул. Цала гІела Сагид кайшли лукІули сай. Итил бацІли саби. Хапли телефон зангъбулхъан.*

**САГИД.** ЛехІихъулра, Гябдуллаев Сагид. *(ЛехІдеи)* ВагІялайкум салам. Дебали гІяхІси... Хизри МяхІяммадович, лехІихъулра хІечи... Да... да... угъу... Ил... гъм... *(ЛехІдеи)* абзур статья ахІен къалли, хІуни хІербарибси виадли, иргъади. Тезисуни сари, бикІуливан, къалипуни. Ге, хІябалра макъала. Адамтази делчІахъес ва чула пикри бурахъес. ХІергъира... юх... ахІен. Чила ихтияр биэс гІягІниси илгъуна масъала ирзухІели? ИлкІун статья ахІен конституцияла ва уголовное правола. Ге... гІе... набзиб илгъуна ихтияр леб. Халкъла багъудила Наркоматли набчи хъарбарили саби ил шайчиб хІянчи барахъес, гъатІира аргъесли бурасли, набчи хъарбарибси саби даргала литературный мез чердикІахъес ва ил шайчир гІягІнидиркути къяйдурти акІахъес... *(ЛехІдеи)* ГъатІира бархъли бурасли, илди къяйдуртала хІекълизибси къанун акІахъес... *(ЛехІдеи)* Ге, илди нуни гъаладихъибти далилтани Ахъушала лугъат хъулчили касахъес ихтияр бирули саби. Ихтияр ахІенну, ил секІал бархъли биъни марбирули саби. Чи... чи?... Корреспондент?... Агара. Ваили ахІен... ГІяхІси... бирехІе интервью... *(Ил замана кабинетлизи ургарти гІямрула адам айцІур)*. ХІера иш гъанна ацІили лев, Хизри МяхІяммадович. Дила пикрили иш ил хІуни вархъибси мухбир виэс гІягІнили сай. Баркалла. Дуги-бархІи гІяхІдираб. *(Трубка кабирхъу)*

**ХІЯБИБ,** Ассаламу гІялайкум! Ну «Колхозла байрахъ» газетала корреспондент сайра, нушала редакцияли хІечи вархъилра, хІела статьяла хІекълизив. *(Някъ гъалабуцили Сагидличи гъамирар)*.

**САГИД.** Дебали гІяхІси саби. Наб Сагид бикІар. Сагид НухІкъадиевич. Кайи ит ута касану. *(Сагидла устІулла гъала кабихъили ута кайрар, гІур хапли алзан)*

**ХІЯБІБ.** Наб ХІябиб бикІар.

**САГИД.** (*ЛукІути кІапІрачи ручка кабирхъу ва михъирла гьалар някъби делси ХІябибличи хІерикІули*). ЛехІихъула хІечи.

**ХІЯБІБ.** Ну редакторли вархъилра, хІурматла Сагид НухІкъадиевич, се хъулчили буцили, яра... гъм... гъи-гъа... дуцили, хІуни нушала литературала мезлис ахъушала лугъат касес гІягІнили биъни кабизахъулрил. Ил пикри сегъунти далилтани марбирулил.

**САГИД.** Далилти ишди сари. Ахъушала мезли гъайбикІули саби ил районна ва Лавашала районна дарх касахІелли, гъану цара шила халкъ. Илдицад халкъ гъайбикІуси гІур цалра лугъат агара даргала. Ил цаибил далил. Илди гъайбикІути шимала мер-мусаличир сари бегІлара халати базурти: ГІяяла, Лавашала ва Ахъушала. Ила башули саби лебилра дарганти ва саби-ургаб имцІали ахъушала мезли гъайбикІули саби. «Дарган» газета, сунесра гъанна «Колхозла байрахъ» бикІуси се мезли дурабулхъули? Гъайгъайра, – ахъушала, алфавит латинна биалра. Вирхула, гъамли урусла алфавит алІахъниличи. Ил шухІярилизивра узула ну. ЖамигІятлис гъаладихъести баянтира лер. Ил хІябъибил далил. КайсхІе авъибилра. Ил саби иш гІергъиси... Даргала округла центр чинаб саби? Лавашаб. Илабти се мезли гъайбикІули? Ахъушала. Масала, хІурхъила лугъатли иру «*хІеркІлердухисгво, яра букъурагволла, тІвохІмехІамгъурти, игъбаллиши мишули къякъяллахІбакІисара?*» Ишди дугъби дурехІе ахъушала мезли: *хІеркІли ардухесгу, букъур агарла, ца къякъра хІебакІесара*. Багъеслигу, чиди мезли дурес гъамадлил. Ге, ахъушала мезла дугъби ирес гъамадти сари. Дурес къяанти къяпІти кІел хІярп ишар камли сари. Иличибли хІурехъила лугъатла къадри гІяшбарес, вари, дигули ахІенра наб. СенахІенну Батирай гъайикІути ва учІути мез черяхІти мез сарину. Дила пикри ГІялибек ГІялибекович Такъу-Къадинира гІеббуциб. Набчил къабулли сай СаяИд МяхІяммадович ГІямаровра. Вирхула ил чевяхІси педагог ветарниличи.

**ХІЯБІБ.** ХІебиалли...

**САГИД.** Гъм... гІе-гІе... БелкІен... ИмцІали бахъал даргала халкъ гъайбикІути, политикала ва экономикала гІямру-шуртІрала дугъби имцІали тьяништи мез сархІели ахъушала мез, даргала литературала мезлис хъулчили касни лайикъли бетарули саби. Илар агарти дугъби, масала, тІабигІятличил дархдасунти, цархІилти лугъатуназирад кайсехІе. Масала, хІурехъила, сирхІяла ва муирала. Илдала тІабигІят давлачербси сабину. МицІирагла, вава-къарла, вацІа-къадала чІябар илдала лебгІеб давлачербси саби.

**ХІЯБІБ.** Баркалла. ХІела пикри аргъира.

(*ХІябиб аркъян. Кабинетлизи Анатолий Нестерович Генко айцІур*)

**ГЕНКО.** Здравствуйте, Сагид Нухкадиевич.

**САГИД.** Здравствуйте, Анатолий Нестерович. (*Сагидли ил хъябруцуруцу ва, сунела разидеш иргъахъули, хъутри хъуцІрумачи пахъ-пахъдиру*) Рад Вас видеть. Когда?..

**ГЕНКО.** За отсутствием состава (*гІяшли*) преступления (*алавчар хІерилзан*) отпущен. Не знаю, на долго ли.

**САГИД.** И что они Вам предъявляют, т.е. инкриминуют? Садитесь, Анатолий Нестерович.

**ГЕНКО.** Что-что?.. По большому счёту – ничего. Неверное, толкование греческой мифологии и т. д. и т. п. Сам знаешь. А сидеть времени нету. Зашёл

сообщить, что приехал Тахо-Годи. И (*гЯишли, хИлхИ аргъесли, Сагидла лхИличи мухИли гъамбарили*), мне кажется тучи над ним сгущаются. Этот склочник Самурский обратно возвращён в Дагестан. А он из тех, кто любить докладывать наверх то, что хотят услышать. И он, постарается выслуживаться. Оправдать, так сказать, доверие. Понял?.. (*ЛехИдеи*) Ну я пошёл – в Табасаранию еду.

(*Аркъян*)

**САГИД.** Понял... (*Ил вачавархили сай*) се балагъ саби гъари иш? ГЯлибеклара лертигу грекунала мифологияличила, хЯбалра имамличила хЯнчурби. 1877 ибил дусла чечентала ва дагъистанлантала дяви секъяйда дигара пайдалабарес бираргу... «Кавказла халкъла поэзияла антология»... (*ЛехИдеи*) Гъари ил чеэс аркъяс. Чейис... чейис... (*Хапбарили бяхИличи чебяхИкахъибси плац, дураулхъан*)

*Сцена билшан*

## **КШИИБИЛ АНЦІБУКЪ**

### **АВЪИБИЛ СУРАТ**

*Имџаси селра агарси, хЛеръибмад гЯхИбизеси хъали. ГЯиши устІул алав дабза гЯнулбачи кабишли саби ГЯлибек Такъу-Къадира Сагидра. Гъалар берк-берж сари. Илли жагали къиџбарибси гъярџа супел замана-замана хЯршбирули сай. Сагид, цаагили плагъбирули напрус, вачавархили сай. Лаџличиб Сталинна портрет саби. Итил бяхИличиб МухИтдин Жамалла «Дубурлантти Ленинничиб» бикІуси картина.*

**САГИД.** Сен биалра, ГЯлибек ГЯлибекович, нуни аргъес вирули ахІенра, улкалис се биубсил? Ишдицад душмантти бируттив? Цаибти мугЯллимти, тухтурти, хЯлал-залалли бузути гЯлимти, художникуни... гъм... революциялис лерилра цакъани харждарибти большевикуни пяхИли бетихъулигу... Сен?

**ГЯЛИБЕК ТАКЪУ-КЪАДИ.** Хейрар, Сагид НухІкъадиевич, хІела суайс бусягІят бархъси жаваб гес. СенахІенну, дахъал сабабти лер. Бархибдеш леб илаб, илкъяйдали, бижгурдешра. Къянти дакІиб ириъра илис гъалабси 32-ибил дуслизирра. Дегъти дуспири илди, илбагъандан сабухъ лебГлеб камси сабри бучибси. Гъал процентла къадарлизибцун. Хаслира Украинализиб ва Кавказлизиб. Политбюроли кІел комиссия акІахъуб (*тІама лебГлеб гЯишбиру*) Молотовла ва Кагановичла бекІдешлиур. Илдани кабизахъур колхозникунани ва кулакунани сабухъ дигІянбирни. Лебилра илди биалли пунтчибази халбариб... Илбагъандан азирти кулакбариб... (*Пигъала касили, кІелра хъатли суркбиру ва чягъир сунтІдиру*) сегъуна тІемал, вегІебш. Ванзала тІем иргъулра. Дерхъаб, Сагид. Чум дус ил дев хІебурилрал нуни... Де-е-р-хъ-а-б! Эгъ, вегІебш!

**САГИД.** Дерхъаб!

(*КІилинра дужа. Такъу-Къадини, чягъир держили, къакъ някъ сунтІбиру*)

Киров кавшили гІергъи биалли цархІил кампания бехІбихъиб – партия

умубириси. Бегла камли шел азирцад партияла кьукьябала букри убкасиб, цацабехI... (*Някъ хIяртбиру, кабушени иргъахъули*). ВецIал-гъал азирцад колхозник.

**САГИД.** (*ГъакIбарили бекI*) Марлира Сталиннизи аргъахъес... чилра агарсив?

**ТАКЪУ-КЪАДИ.** Кировлис гIергъи ил чичи лехIихъуси? Гъарли-марли закони дулъутира баргиб биалли. Балу-балули... Динчибани бекI ахъбуциб, шаригIятгIебти дакIубиуб. ДяхIликала чегъурти «къалп большевикуни». Илгъуна манзил гужла урхамтази хIейкес багъандан, Сагид, чIумаси къакъ, яра (Сталинна портретличи лишанбиру) икIала гIеверцни.

**САГИД.** ХIу къалли, ГIялибек ГIялибекович, лерилра гIямру улка ва партия багъандан харждарибси хIяракатчи сайри. ХIу Ленинничил гъунивайри... иличил ихтилатикIули калунри... Ну арукибхIелира, тяп илди гъай сари, лебил улка душманта бицIибсиван. Гъар чинабалра шпионтиван...

**ТАКЪУ-КЪАДИ.** Генкола гъайличи, Сагид, дебали чекайзурли, илди таманси бархъдешван къабулдарес гIягIнили ахIен, сенахIенну сегъунадигара белкI, бурибси гъай, гIягIниси шайчи ласбатес бала илдани. Ну багъудила, юстицияла наркомли, Республикала прокурорли, Халкъла судла председательли, бузерила комиссарли, Совнаркомла председателъла къуллукъуни ва Дагъиста ЦИК-ла председателъли, заманалис биалра, узули калунра. Илди дусмазир хатIаби кахIедикибу гъатIи набзирад? ХIятта, хIялалли узес къасбарили калунра виаслира. Гъанна Союзла миллатунала масъултазив узулра. Дараза агарли гъимиркад аркъусиван билзули саби. (*ЛехIдеш. Мурхъси гъигъбалта*). ХIези виасли, Сагид, тиладибарес дигулра: мяхIкамли ви. ХIуни балулригу, сегъунти масъулти тIашлил миллатла гъалар. Чили ирзули илди, хIуни хъархIеахъадли? Нуни балулра хIела сархибдешуначила, амма арзес гIягIнити дахъал сари. Алфавит, грамматика, словарьги, синтаксис, морфология... Гъм... Селис тикрардирути? ХIуни гIяхIил балулри ну селичила сайрал. Батирайла ва цархIилти поэтунала творчествоби, халкъла мухIлила пагъму... Даргала проза касахIелли?.. Чинаба ил?

**САГИД.** ХIу, хIурматла ГIялибек ГIялибекович, гъар архIяличи аркъухIели аманат балтуси дудешван гъайикIулри. Наб дигулра хIу вирхули...

**ТАКЪУ-КЪАДИ.** Чили бала, Сагид, чина ласбирарал гIямрула дякъ? Чинаб къябударал?.. (*Сагидли чягъир картIу*). Балулрив? БекIла чеди ахъбуцибси шушка тIашаэс вирар. Амма ил гъакIбаралли... (*бурусси къябиу, гарала тигъайчи хIеризурли, ил устIулличчи кабирхъу ва, шайчибад шайчи ца бара пяхъбиру*) ГъакIбаралли, Сагид, тIашаэс хIейрар. Халаси цIакъ гIягIниси саби ил бекIлизи чехIегахъили шулумаэс.

**САГИД.** Ил ахъбуцили саби викIулрив хIу? Сен? Се багъандан?

**ТАКЪУ-КЪАДИ.** Гъм... ХIу пикриикIулри, Сагид, пикри... Политикализивад гъарахъли виънила лишан саби ил. Ну иличи разилира сайра... Ил гIягIниси далил саби, Сагид, нушала культуралис.

**САГИД.** БегI гъалав... гъм... ХIу чевверхи набчивад, илкъяйда чейулри нуни, ГIялибек ГIялибекович, бурасли хIези, гъузгъалдили... Гъачам гъатIи тиладибирулра, чевверхи.

**ГIЯЛИБЕК ТАКЪУ-КЪАДИ.** Дати илди, Сагид... (*алзан, дяхIличибад хъат хIяришбарили, мурхъси гъигъбалта*) Се чевверхи дирути... чебиулрив, хIуни аргъири дила аги. Дила хабчаб Нинази виубра илди васвасъала



хЛедагъахъес, амма хЛузи... СенахЕнну хЛуни дяхЦун чедиули ахЕнри, адамла адабла дунъя, илала РухЛа аги, ца хЕръили иргъулри. Илбагъандан, Сагид, хЕзибадли селра дигЯнхЕбирис: гЕе, дила уркИи гъузгъалдили саби, сенахЕнну... гъм... буресра кахли саби.. амма... гъм... (*БекI чуйнара-сера пяхъярбиру*) абз багъахъурсигъуна аги къалли улкализиб. «ГЯяркъянаби» ургабси абз. Чили бахъал бургул «душманти», Англия, Германияла ва Турцияла жасусуни.. ХЕзи бурасли, цацабехИти политбюрола члентала хъунрира туснакъуназиб саби (*Сталинна портретличи гЛурра хЕрирлан*). Сен...

**САГИД.** СенахЕнну илкъяйда илди урехилиуб бихЕес вирухЕели. Чула бажардилизиб бахъ къайгъилизиб биахъес.

**ГЯЯЛИБЕК ТАКЪУ-КЪАДИ.** Вот-вот.. БегЛа урехила, Сагид, мерличибти ГЯрзачиби ва бюрократуни саби. Ну вирхули ахЕнра иш сагали иша чарухъес виубси Нажмутдинничи... Самурский дебали къясси, цархИлла сархибдешличи, хЯтта гЯхIси чархараличи валли хЯсадси «лампаушкан» сай. Багировла кумекличил чурухъун ил ва чедиулрив сегъунти репресияби дехИдихъибал. Илала кагъар леб, НКВД-лизи белкИи, челябкъалализиб гъатИра бахъал «халкъла душманти» къирбарес чейсулра ибси. Сайгъунти имансизуни саби Сорокинра, илкъяйдали Ломоносовра.

**САГИД.** (*мурхъси гъигъбушили, чягъир кертIу ва селра хЕели, хЯтта къутIара хЕбарили, бужа*) ГЕе... мусибатла дусми сари... Белгагардеш гъарилличи вякъкабизурси.

**ГЯЯЛИБЕК ТАКЪУ-КЪАДИ.** ГъатИра урехила ва мусибатла анЦбукъуначила иргъехЕе нушани Сагид, сенахЕнну дяхЯгар замана... гъм... Сецад хЕйгулихъалли, бикъруми ва бутIакъянчиби сарра. Къяркъси авторла мусибат-комедияла.

**САГИД.** Дигули ахЕнра вирхес.

**ГЯЯЛИБЕК ТАКЪУ-КЪАДИ.** (*гъунчIдиру хъуцIруми*) Амма дирхехЕе.

**САГИД.** Селичи?

**ГЯЯЛИБЕК ТАКЪУ-КЪАДИ.** СеличикIун... гъм... уркIеЦиличира... беликиличира... Шулумбухъес белики... (*пикрумази мурхъикур*) бе... (*Лехдеш*) къасанни биалли сецад лерал... ДурхИнира, сунела вегЕебш...

**САГИД.** Гъари, ГЯялибек ГЯялибекович, ваши дужехЕе ишди хЕунТена держ, ишди пергер зяхИматчибани майалира дигилира иркули дакIахъибти тIутИла муришин. ГъанбуршехЕе пергер Батирай, мемухЕн Дамадан, ГЯяли-ХЯжи, узби Далгатхъали, Къара Къараев ва Багъатирла ГЯялибег! Илди ва гъанхЕебушили калунти. Хаслира бержес дигулра ва уркИила ванадешличил бурес дигулра ца гъатИи чевяхIси гЯлимла, Кавказла культура ва Элладала литература дяркъурси, миллатуни-ургарти масъулти руркъуси хЯракатчи ва миллатлизив бегЛа урибси дарган Такъу- Къадила у, сенахЕнну хЕела гЯмрула гъуни ва культурализира историзира хЛуни кабихъибси къиян – ил игитдешла гъунар саби! Держаб!

**ГЯЯЛИБЕК-ТАКЪУ-КЪАДИ.** (*гъинчIизурли*) Бахъ дебали чевяхIварра хЛуни, Сагид, ну, сен-биалра ванаси девлис баркалла... (*КИилинра лутIи-къуртIли дужа*) Белики, Сагид...

**САГИД.** Белики...

**САГИД.** Иш улкализив вирулира политикализивад хъархЕерагарли

хҠерис? Вари нура ахҠенра. Шайх-ул-исламличил ит секҠал барила дила уркҠира цараван бузули саби, ГҠялибек ГҠялибекович.

**ТАКЪУ-КЪАДИ.** Нуни бурибси бара. Мурхъмайруд. ХҠела дунъя – литература саби. Мез сари. Фольклор саби. Илав узен. Ил хҠед дила аманат саби. Аманат...

## ШУИБИЛ СУРАТ

*Сагид хъулибси кабинетлизив, бекҠ буцили кайили сай. Ил дебали вачавархили сай, манзил-манзил, гъакҠбирули бекҠ, алзули сай, вет-сад къунзухъи, сагали кайрули сай. Хъули къумурличил Зубайдат арицҠур ва илала гъала чяй кадирхъу.*

**ЗУБАЙДАТ.** Се биубли? (Гъалабси утала дубличи гҠяширули) ХҠукҠун хҠулкҠули хъули чарухъунри, ахирра школабала программабира учебникра хъараахъурра, ва илди гъамли нушала даргала алфавитла хҠурпрачил дирар или. БетхҠерулив гъари дураэс? Убъяхъилив хҠукму?..

**САГИД.** (БекҠ ахъбуцили хъунуйчи хҠерилзан. Пялхъярбиру бекҠ, илала хҠулби нургъба дицҠили сари) Ю-ю-х, иш дунъя ахҠен... (Мякълабси къамаслизибад гҠяркъила шиша кайсу ва, устҠулла дублабси истакайзи картҠили, бужа).

**ЗУБАЙДАТ.** Сагид, хҠуникҠун хҠебужас или гъай гири. ХҠейрулрив гъай марбарес.

**САГИД.** Се саби дила гъай, Зубайдат? Се саби .. Агара ГҠялибек Такъу-Къади, Зубайдат. Даг ил... (илис кавишили сай эс дигули ахҠен) ШуцҠайчирра имцҠали урусла школа абхъибси, урусла театр абхъибси, Дагъистайс музейти акҠахъубси, бегҠлара чихъти, Дагъиста ЦИК-ла председателъла заместителъла, цацахҠели председателълара къуллукъуни дузахъуси адам, улкала политикаличи къаршиси хҠяракатдешлизив гҠяйиблаварили сай, пантюркизмала жигарла бутҠакъянчиван.

*(Сагидли ца гъатҠи картҠу, бержес или вализурмад, Зубайдатли ил кебису ва, сунени цагъакҠли бержили, устҠулличи кабирхъу. Сагид иличи уркҠухъи вякъизурли сай. Зубайдатли селра чҠямрахҠебарили, муруй бирус бирули сунела хҠевала дулгъа сунтҠбиру)*

**ЗУБАЙДАТ.** ХҠяблар нур адалкаб сунела. Бунагъ-хатҠаличивад Аллагъ чевверхаб. Чум дус виублирив ил?

**САГИД.** АвцҠанну шура. Нуйчив вецҠал дусра-сера халал сайри. (БекҠ цаагили гъакҠбирули сай, биубсиличи вирхаэс хҠейрули)

**ЗУБАЙДАТ.** ХҠези чили буриба иличила?

**САГИД.** Буржуйта акҠахъубси миллатчидешла пантуркистунала къукъяла член сайри хҠу бикҠули саби илизи. Нуни балули ахҠенра чинаб сабил ил къукъя! Гъм... цҠакъси хабар хҠебиалли... (Зубайдатлизи) «Дагъиста правдализи» кабяхъили саби иличила. Радиолизибадра буриб. Ил ухҠнакаъниличила балулри нуни, амма илкъяйда жявли къисмат ирзни хҠебагъурра. Ишдус июньна ахирличив вякъунрагу ну Москвализи...

**ЗУБАЙДАТ.** Ге, вякъунри.

**САГИД.** Ил итхҠели ухҠнакаилри... УхҠнакаилри МяхҠяммад Далгатра, Къоркъмасовра. Ва хҠера, авал баз дикили-хҠедикили... (ЛехҠеи) Нина Петровначил гҠяхҠцахҠи калунра ихтилатикҠули... Азара Муъминатра

хъулибри – келра рурси. Хіяжи-Мурадра МяхІячра ну дураулхъухІели хъули чарбухъун. Хъябсабуцира илди ва чІумабахъес махбарра. Амма уркІи цІали игулри дила. Нина Петровна ла хІулбазиб нуни чебаира къисматличил баришкарїғнила лишан.

**ЗУБАЙДАТ.** ХІуни набзи селра хІеири иличила. Баралра се саби илдани барибси? Се гІяйиб леба илдачиб...

**САГИД.** ХІура рачарархахъес хІейгули, Зубайдат... Эгъ-гъ-гъ... УркІила лутІилаб, палдализиб бираргу, бишес бекІхІебируси гантари, тѳп илкъяйда дила уркІила лутІилабра лебри ил. Азадвалтнеличи хъул... Енукидзела делозизи гъудурбарили саби илди. Илала бархкъянабиван. (*Кайрур ва бусягІят алзан*). Балулрив, история ва дунъяла тарих инсаниятли алкІахъуси саби бикІни хатІа саби. Ил гъаббашанти, пархГІякълула хІяракатчибани саби бируси. Пелибек агарси виалри, чили дирутири ишди илини дарибти хІянчи. Лерилра шалубачи чеветаили: бекІахъудила, багъудила, арадешла, бузерила, юстицияла, миллатуни-ургарти, литература, театрти-музейтала ва ГІилму-ахтардила. Гъаб-убла Грецияла мифологияличила балли белкІун халаси хІянчи. Ил кабахъибси саби... Гъм... Нина Петровнани бурни хІясибли, илала лебилра архив арбухили саби илдани...

*(Унзализи къутІдирхъу ва, хъа бегІтани селра айчи, НКВД-ла кІел хІянчизар хъули абицІур)*

**АЦИБСИ.** Ну ГЪ-ла старший лейтенант Сунгъуров сайра. Иш дила кумекчи сай ГЪ-ла лейтенант ГІялиев.

*(Зубайдат, се бирусил, се рикІусил хІебалули, гъачам муруйчи гІур абацІибтачи хІеррикІули, лергІер рачарархили сари)*

**САГИД.** Рукъен, Зубайдат, пигълуми ха бакІибти гІяхІлас.

**СУНГЪУРОВ.** (*Саркъибси ва чІумабарибси тІамаличил*) Нуша иша дужес дакІибти ахІенра, хІу арукес дакІибтира.

**ЗУБАЙДАТ.** (*Рачарархили*) Чи... чина арукес? Се саби... гъм... гъари.

**САГИД.** Зубайдат, рукъен хІела тавхайзи.

**СУНГЪУРОВ.** Мякъяд! Ишар буйрухъуни лугуси ну сайра. Шишалра марулхъад? (*Сагидла гъалав тІашкайзурли*) ХІела фамилия, у ва дудешла у...

**САГИД.** ГІябдуллагъхъала НухІкъадила урши Сагид сайра ну.

**СУНГЪУРОВ.** ГІябдуллаев Сагид НухІкъадиевич?

**САГИД.** Ге.

**СУНГЪУРОВ.** Илкъяйда биалли, гражданин ГІябдуллаев, улкаличи къаршили бургъути гІеббурци багъандан ва илдачил чІумаси бархбас бузахъни багъандан РСФСР-ла уголовный кодексла 58-8 ва 58-11 ибти статьяби хъулчилидуцили хІу гІярестоватвирулри.

**ЗУБАЙДАТ.** Ва Аллагъ, ишдачигу! (*Ил дуцІли аркъян. Сунгъуровли лейтенантлис илис гІелавад дуравхъахъес лишанбиру. Ил дураулхъан*) Гражданин ГІябдуллаев, иш хъулир хІела белкІани, литература ва цархІилти улкала законни къадагъадарибти ва улкала политика балтІуси селра лебу?

**САГИД.** Агара.

**СУНГЪУРОВ.** ХІела лерилра белкІани ишар сарив?

**САГИД.** АхІен. Ну узуси институтлизир, дила кабинетлизир сари имцІатигъунти.

**СУНГЪУРОВ.** Или биалли, нушани хІела лерилра белкІани, ишартира ихартира конфисковатьдирулра. Ахтардидарес.

**САГИД.** ПяхIси. Ца бержес дигулра, хIуни набчил хIебужаду?  
**СУНГЪУРОВ.** *(Иличи вякьизурли)* Масхурта угьулрив? Угьен... угьен...  
ХIердикIехIе сейкIудал гIур...  
**САГИД.** Дерхъаб! Араливираб ЧевяхIси Сталин! Арали бираб къия халкъ!

## УРЕГ-ИБИЛ СУРАТ

*Туснакъла камера. ЧIябарличи кабахъибси, мегълизибад барибсигъуна устIул. Лацла бяхIри къукърарти сари. Мегъла мурчIа гъабарибси, къаси агарси улкъайлабад баиуси шала камли биъни багъандан, устIулличибси вакъ-чирагъра абалки саби. Сунгъуров устIулла гIела кайшли сай. Ила Сагид левкули сай.*

**СУНГЪУРОВ.** Кайи, гражданин ГIябдуллаев.

**САГИД.** *(Улкъайличи хIер ланIбалтули)* Баркалла.

**СУНГЪУРОВ.** Пикриухъахъес хIед замана гира нуни, амма дила баркъуди хIуни къиматлабирули ахIенри. Белики, иш гъакIлис бархъдеш буриши.

**САГИД.** Бархъдеш ахIи хIебурес нуни хъябаррагу. Дила дудешлира хъарбарибсири, мурталра мар бурахъес.

**СУНГЪУРОВ.** ХIебиалли бура, Такъу-Къадилара ишабти мерла пантуркистуналара ургаб бархбас къябхIебердахъес хIуни се хIянчи бирадил.

**САГИД.** Нуни пантуркистунуи балути ахIен. ГIялибек ГIялибековичличи биалли ну, июнь базличив, нушала институтлис кумек гIягIнили, тиладиличли вякъунсири. Ил ухIнакаъни нуни балуси ахIенри. БагъурхIели – дебали пашманвиубра.

**СУНГЪУРОВ.** Сен?

**САГИД.** СенкIун лерилра гIилму ва цIакъани, балугъла ваили-хIеили левалли, улка ва халкъ гъанси гъазализир деркIибси, республикала бегIла чихъти къуллукъуначив узули калунси адам вершадешлизив гIяйиблаварилраюну. Ил ва илала адала узбикъури ТIалхIятхъаликIун революцияла къакъбахъуни сабри.

**СУНГЪУРОВ.** Се кагъар итичибад хири хIуни иша? Итала хъулибад?

**САГИД.** Кагъар ахIенри нуни хибси, кагъурти сарри: «Кавказла дубурланта ла поэзияла» антологияла хIекълизирти белкIани.

**СУНГЪУРОВ.** Наб дигули ахIенра хIу чIумаси тяхIярли хъараэс. Ил барасли, хIуни гъар секIал дурид, гъайгъайра, хIела насихIятчиливан...

**САГИД.** Илини се дуриба гъатIи?

**СУНГЪУРОВ.** СекIун, сецадхIи узули калунал улкаличи къаршили, дигIяна-гIяшли Бухаринна ва Троцкийла гъуни, илдала идеяби гIердурцули. Дагъистан Турцияличи бяхIгъабли кабизахъес ва ГIяраса Федерациялизибад дурабухъахъес бируси хIяракатличила. Республикализиб шаригIят бузахъес дигниличила.

**САГИД.** БегI гъалаб иличила иргъулра. Илгъуна бугътан, вирхаи хIу, чебихъес багъандан сецад адам хIейгахъес гIягIнилил. Ил сай, илцад хIейгули гIергъи, сецад духуси адам саял!

**СУНГЪУРОВ.** Большевикунала партияли сай ил гIяйиблаируси. Партия биалли хатIабиркуси ахIен. Яра ил хIекъдешличира хIерхулрив?

**САГИД.** Партия хатIахIебиркниличи вирхулра, амма адамти хатIабиркниличира вирхулра. Партия къалли адамтазибад цалабикибси

саби. Ил чевяхИси гЯлимличи биалли бугъган чебихъили саби умули аХенти, къалпти адамтани. Ил, хІу пикриухъен, илгъуна виалри, гъану шура дус улка багъандан узули, цазаманализив дигЯнали иличи къаршили вяшиКес вирив? Улка гъанни дарибти нушани чедиулра, къаршили барибси се леба? Сен чехІебиахъуси ил!

**СУНГЪУРОВ.** Чебаахъили, кабизахъурХели сабри илис судли кавшеси хІукму дурасибси. Яра хІу ил хІукмуличи хІерхулрив?

**САГИД.** *(Дебали пикриухъи)* Дила дагърила ва бекІла мехІела лерилра гІямзурбази гъавваКира ну, амма иличи вирхаэси цалра сабаб хІебаргира.

**СУНГЪУРОВ.** ХІела пикрили ГЪ-ла хІяъибил даражала комиссар Ломоносовра ДагЦИК-ла секретарь гъалмагъ Сорокинра гІярзачибив?

**САГИД.** Нуни илкъяйда ирав гъатИи? Ну къалли илдала бузериличил тянишси аХенра. Амма гъарил хатІаикес вирар. Сепайда, ил хатІа цацахІели адамла къисматлис бахъ дурхъали кабилзули бирар къадин.

**СУНГЪУРОВ.** Духусила гІердирулрив?

**САГИД.** АхІенра. Гибси гъайлис къянахІейэс дигулра.

**СУНГЪУРОВ.** Чис гибси гъайлис? Такъу-Къадис?

**САГИД.** Ге, илисра.

**СУНГЪУРОВ.** Се гъай бедери гъатИи илис хІуни?

**САГИД.** Се гъайКун «Урусла – даргала словарь» белкІахъес, илкъяйдали «Даргала предложениеличила», мез руркънилизиб фольклорла къадриличила. «Даргала мезла грамматика». Нушала прозаличила... Лерилра дурес вирулив? ХІушани ватасри, илди нуни лукІира, хІушани биалли дирудая илди делчІес ва гІямрулизир пайдаладарес.

**СУНГЪУРОВ.** Нуни?

**САГИД.** ХІунира, гъайгъай, хІела дурхІнанира.

**СУНГЪУРОВ.** Гъамли илди чисалра хІяжатхІедиркур, хІела фонотекаби-монетекаби...

**САГИД.** Сен?

**СУНГЪУРОВ.** СенахІенну лебтанилра урусла грамматика белчІес гІягІнихІели. Лерилра миллатунас илди дураахъес арц декІардарес гІягІнилив? Далхули хІушара, кІакІрумиван дасахъи улкала чархлизи.

**САГИД.** Илди агарли миллат бирусив? Культура, литература, гІилму?

**СУНГЪУРОВ.** Улка хІебирар, хІези бурасли, туснакъуни агарли ва низамличи хІербикІути агарли...

*(Лейтенант ГЯлиев айцІур)*

**ГЯЛИЕВ.** Гъалмагъ старший лейтенант, къалабаси багъахъни леб. Лебилра конференцзаллизи жибирули саби.

**СУНГЪУРОВ.** ГІяхІси *(Алзан)*. ЖагІял гъайдикІехІе... Яра ишдуги... Наб дугели дигахъис «халкъла душманти» хъарбиэс. *(УнзаличивахІ хІерилзули)* Дежурный! *(Ил гъавикІур)* Иш – камерализи! *(Сагид дураулхъан, илис гІелабадли)* Баркъагар... Сепайда, гъатИи... *(Дураулхъан)*

*Сцена билшан*

## ВЕРХЪИБИЛ СУРАТ

*Цябси дуги биалра, гъамли ва гъарахъли даргудути гЯрадабани, заки урцути ракетабани ва ухути хЯрхубала рягъли замана-замана алавла шалабирули саби. Сагидра кЕл гъатИи бургъанра марка-заблира дяхИлира къязыкъуни ва уркъли хЕшличи шурдухъахъунси бухънабаибси хЯрила уди кабишли саби.*

**ГЯЛИЕВ.** Юх, абдал адам сай Гитлер. Дебали абдал...

**САГИД.** Гъайгъайра, сай. Сен ил жаллад гъаникиба хЕд?

**ГЯЛИЕВ.** Ил гъанхЕйкиб наб, Сагид НухКъадиевич. Нуни хъумартес хЕйрула нушала фельдшер Михайлова. Гъал дусра хЕриубси рурси...

**САГИД.** ГЕ-е-е. Чумра гУрра илдигъунти анЦбукъуни чедаиши хУни дургъби тамандийчи.

**ГЯЛИЕВ.** Халаси замана кали ахЕн, Сагид. Сталинградлис гЕргъи ва Кавказла напличи гъуни гЕкИла илдала гъунар агара... пикриухъен хУ, някъ чеббикили, лапначиб жибжиркабухъи саби, амма ил, къацКарики тутияла кУцУйчи, цУмалра дурабуршули ахЕн... Командирла буйрухъ хЕбуэс багъандан.

**САГИД.** Ге... «АхЕн, амма тАма дурамадуршид...» бикАлли, се бируси? Сунела вегЕбш, душман чумал километрла гъарахъли виалли, чили иргъути тАма?

**ГЯЛИЕВ.** Буйрухъбарили биалли, юлдаш, хЕбиалли бургар лехИхъутира. Гъанбиркуру Моздок?! Яни... Урчира иличивси мурдара кягГухЕли? Урчи ахъли хИхИ – хурбикУли, пурхбикУли саби, амма ургъан лехКахъили кягИб. Илала гЯмруличи хЯсратси хЕр хъумартес хЕйрус нуни.

**САГИД.** Гъанна иш Верара... Михайлова...

**ГЯЛИЕВ.** Илбагъандлан сайра ну Гитлерлис мехУр викУси, ишдигъунти бургъанти лебси улка мутИгИбарес вирусив гъатИ?

*(Ил замана гъарахълибад далайла тАма чеихур)*

«До свиданья» милый скажет,

А на сердце камень ляжет...

МехУрбиублив гъари! Итдас буйрухъла авара агарсив?

**САГИД.** Ил буйрухъ хЕри гЕргъи убкасили саби... ХУни хЕргъиририв?

**ГЯЛИЕВ.** ХЕргъирагу. ХЕбиалли асубирулив ахъли гъайикЕс?

**САГИД.** ВявикЕсра асубирар. Илала пайда лебу гъатИ?

**ГЯЛИЕВ.** Леб, гъайгъайра. Учикабикибси гъими дураэс вирулигу

**САГИД.** Башахъен хЕбиалли...

**ГЯЛИЕВ.** Юх... ВявхЕйрис... Далай белЧЕс дигула...

**САГИД.** БелЧЕнгу, дила юлдаш, белЧЕн. Пулеметунала рягълиуб хЕла тАма чуйнара аргъира нуни, амма селра кали ахЕн бекИлизиб. *(ЛехИдеи)* БелЧЕн... ЖагЯл километрцад мерличи линия битАкЕс гЯгИнили биъни гъанбикалли... Э-э-э! *(ХЯртбиру някъ)* чуйна буррав командирлизи ургъес дигула или... «Связистра ургъан сай» викАр.

**ГЯЛИЕВ.** Ге, связистуни хУлби ва лихИби саби дергъла...

**САГИД.** Абзур бархИи унцада къакъличиб калунси тЕнтИра нура балцули калунра бикАр.

**ГЯЛИЕВ.** *(ДукарирхУр)* ХУнира бурид... Амма буреси балад. *(ЛехИдеи)* Гъугу...

– ГьикІди ахь дубрелара  
Гьишди гІвохь муснелара  
Дуру дига дихьили.  
Сен ихьво чула дига?

– ГьикІди цІуб урхьелара  
Гьихди хьанцІ урхьнелара  
Духьунни дуру карцІи.  
Сен ихьво чула карцІи?

ГьикІди ахти дубраши  
Дикьу мургьила марка  
Гьишди гІвяхьти муснаши,  
Гонза ряхІматли булкьан –  
Ихьу кІвилелла дига.

ГьикІди цІуб урхьазирад  
ДухІя дицІур – шин аркъян  
Гьихди хьанцІа урхІнази –  
Ихьу кІвилелла карцІи...

*(Гялиевли, гьаб-убла Батирайли, бучІуси далай багьлалли тІашу)*

**САГИД.** Агь, хІед хІялалдиь, Нариман. ХІуни ну гьанна дила дубуртази ваахьира. Дила пергер МухІела ургубализи... хІятта ну мурталра илав виасра. Ишавван илдачила, ши-шантачила ва гьамтачила шагьарлизив пикрихІейкІира. Жайс ва гІямрулис гьар бархІи урехи... гьм.. *(LexIdesh)* юх, урехи ахІенну – бекІа алавбашухІели ва хІечил хІязтабиркьухІели, гьамтачи диги ва хІяратдеш цІакьдикІули сари. Буйрухьла даражаличи адикили. Ил хІела далай, Нариман, шила гІинизла шин держни, дубурла гьава гьигьбарни ва ахІерсила хІулбази хІеризурли кьгІни саби.

**ГЯЛИЕВ.** Бурид хІунира, Сагид.

**САГИД.** *(Алзан. ХьуцІарличибад сурбухьунси тупанг ванзаличи кабирхьу)* Ишди бурхІназиб дила уркІилизиб акІуб ца халаси произведение. Ил повесть сабил, роман бетарарал хІебалас, амма нуни ил дургьби тамандиубмад лукІас.

**ГЯЛИЕВ.** ХІебиалли акьуси замана хІуни лукІуси ил бургар? Чуйнара чеири...

**САГИД.** БелкІани дирулра. ХьумхІертес... ХІятта чили бала, се бетарарал? Лев Николаевич Толстой викІусири: «ХІела гІямрулис хІуни план мабирид. Амма гьар секІайчи мурталра хІядурли вии...»

**ГЯЛИЕВ.** Вайсиличила пикримаикІуд. Аллагь уркІецІила вегІ сай...

**САГИД.** Гьм... Аллагь викІулрив?... *(Чумал ганз гьаладяхІ кайцІу)* Аллагь, дила юлдаш, гьанна советский ургьан сай... иличи саби умут. *(LexIdesh)* Буришав, се гьанбикибал ца бархІи, Моздокла дуба-карчІализир лералхІели?..

**ГЯЛИЕВ.** БелчІен... гьм... бура-бура...

**САГИД.** «... Нуша, хІези гьайдикІути, хабарла хІурхьи сарра, дубурлан дурхІя. ХІяна Казбекра хІурхьала тьамада Эльбрусра гьаладуцили, нуша хІечи дугьадилзулра. ГІур кьанни бирарну, замана шалгІеббухьайчи, кьайгьибара, бяхья душмайс! Ганзмадирахьаба нуша илала нясти кьашмази, сарира такьсир агарти халкьла хІили диркибти.

Нуша хІед дигахьура, дурхІя. Ил секІал мягІлумли саби. Дянгаа душман гІелавяхІ! Бяхья хІелара нушалара душмайс! ХІуни нуша халдараба хІу дебали дигуси, хІу ахІерли айкьурси хІела ахІерси нешлизи. РегІлара ахІерси ва гІяхІси нешла гІяхІдешра – нушала гІяхІдешлизибад ца бутІа саби, дурхІя...

*(Ракета заки урцар Сагидли буруси тІашу, тупанг кайсу)*

**ГЯЛИЕВ.** ХІябилра гІяхІил белкІири... Гьм... ХІу иша цІала майдайчи левкуси ахІенрину, газетализив узахьес валтусири. ЛукІахьес...

Сегьуна далай сабил «Вставай страна огромная?...» Ил аргьасли, дила





**ГІЯЛИЕВ.** Есть смотреть, товарищ замполит.

**САГИД.** Ишичиб ВатІайчи дигили бицібси далай бирусив гьатІи? (*Тупанг ванзаличи кабирхьу, сайра мякьла кайрар*). Хіезиб илгъуна пагъму лебни хІебагъурра.

**ГІЯЛИЕВ.** Се пагъму бируси? Ца ити, гъав лебхІели, юлдашуначил кайасли, бучІули вирус. Батирайла назму бучІасли, саби-сабил далай алкІан.

**САГИД.** Хіела санигІят?

**ГІЯЛИЕВ.** Илди дила дахъал лер. БукІун виубра, батагъалав бялихъчи, колхозла гІярбачи... Дудешличибад баибси шинкьа багъандан шел дус Сибирьлизирра деркІира. Бархъли бурасли, бузерила-бяркьла лагерьлизив калунра, Обь хІеркІла дублав. Бялихъуни дурцира илар... ХІу?..

**САГИД.** Ну филолог сайра, гІилму-ахтардила институтлизив узулра: словарьти, грамматикала ва литературала учебникуни лукІули, цаладирхъули.

**ГІЯЛИЕВ.** Дебали багаласи санигІят саби хІела. Миллат гъанси... Ил ахъбируси ва гъалабяхІ аркуси.

**САГИД.** Дахъал пикруми, къасани цагъакІли дургъба тІашкаиб.

**ГІЯЛИЕВ.** Лябкъян замана, даимдирид хІуни, Сагид, хІела далдуцуни. Сепайда, гьатІи...

**САГИД.** Сепайда гьатІи?.. (*тамашаиубли*) ХІед се бурес дигулри?

**ГІЯЛИЕВ.** Наб имканхІебикІур хІела жузи, гІилмула гъаргбаркъуни чедаэс...

**САГИД.** Сен или викІулри?

**ГІЯЛИЕВ.** СенахІенну нуни балухІели ну чархІелхъни. РяхІмуагар дергъла цала майдайчив каркус ну. Белики ца шагъарла къакъализив калесра асубирар. Амма хІу Берлиннизи виуд.

**САГИД.** Се сари хІуни дурути?

**ГІЯЛИЕВ.** Рейхстагла ца къаркъализи дила у белкІен, Сагид, хІуни. БелкІен...

**САГИД.** (*ГІяшли, макъамличилван ахІи, имцІали назмуван, амма саркъахъили бучІа*)

**Ламартла цІудар душман,  
Се къаслира се вара?  
Советунала хункІла  
ХІял багъес дигулира?**

**Сталинни дицібти  
Шараб шинна гІинзурби,  
Ламартла цІудар душмайс  
Держес дигули вара?**

**Гулвавнали делкІунти  
ВатІа дянгил майдунти,  
ДецІла шахала занзба  
ДегІес-секІал къас вара?**

**Вавни дахъал ахъ дубрир  
Чубки дахъал цІуб мукъри**

**Ясирдучес къасвара  
Ламартла цІудар душа!**

**Андалишир кІел хІули  
Авлахъла хъула къянба,  
Марли, держабгу хІела,  
Нагагъла хІедержадли  
Шараб шинна гІинзурби,  
Ламартла цІудар душман!**

**Чархла азирра биркІан  
Чакли дехъабгу хІела,  
Нагагъла хІебаалли,  
МялгІун уркІила мурад,  
ХІекъли цІудара душман!**

**ГІЯЛИЕВ.** Гъанна пикрибаррив гъари?

**САГИД.** Дургъби дехІдихъибти цаибти бурхІназибал белкІунси саби. «Нешла тІама» или газетализира кабахъира. Амма... Сен гъанна гъанбикибал хІебалас. УркІили ахІи, ити мухІлилизидикибси хасиятла баркъуди саби...

**ГІЯЛИЕВ.** Дебали гІяхІил саби, сен биалра... Замполитла чІярличиб даршналі гъалаб саби ил жи... (*Мурхъли гъигъбалта*) Ил чІяр...

**САГИД.** Ге, лебил улкара, лерилра нуша, улкала халкъра, ца чІяр, ца къала детаурхІели сай ил гІелавяхІ дянгаибси. Замполитунала илди дугъабизуни, уртахъ, ца ити... чебла ахъни саби...

**ГІЯЛИЕВ.** Сагид, белчІенгу хІела гІяшси тІамаличил ца далай. ХІу къалли гъаман-гъаман чейулри нуни учІули, хІези хІу гъайикІули... Мурт ихтияр луги нушаб ишкъяйда ахъли гъайдикІахъес! Белики гІурра ил «Ни звука» буйрухъ дураэс.

**САГИД.** Се белчІиша, Нариман, нуни? Ну далайчи хІейасли, хІелагъуна тІама агарли гІергъи.

**ГІЯЛИЕВ.** ХІела лебсиличил. Илала дурабадра, сен балулри хІуни, лебал ил хІела – агарал... ХІебучІадли?..

**САГИД.** (*ГІяили*)

**Ял дуцили аждагъа  
Эйдахъли чябхъин дикъул,  
БикІ дуцили чІичІала  
ГІвярчумаглис гъакІдикъул.**

**Мурдайибил урчили  
Гвонзайла тІим айсухъул,  
Дяхъибил гІвярчумагли  
Диривла кІана хъайсул.**

**Мирслиини гвонзаон,  
Вайгъубзни зирзирбикъул,  
Багъали дурхъал мургъи,  
ХІу агворил гъиш дунъя –  
БукІун агворил маза –  
Зая сари ва биллагъ.**

**ГІЯЛИЕВ.** Ва биллагъ, узи Сагид, цІакъти гъай сари. Илдира хІела...

**САГИД.** СейкІулри хІу? Гъайгъайра, Батирайла сари. Нушала поэзияла дудеш – ГІямарла Батирайла.

**ГІЯЛИЕВ.** Дудеш ирив?

**САГИД.** Ге, дудеш. БекІ ибси мягІнализив викІулра. Хъулчи кабахъибси ил сайну. Илис гъалабси нушала поэзия ца ити сабри лебси. Саби-сабилван... Батирайли, халкъла касили хъалли, илдачи хъархІехъили, сай вегІси дунъя акІахъуб. ГІяхІгъабза, хъунул адам, урчи – гІяхІгъабзала юлдашван, ВагІан, игит ва дахъал цархІилти образуні акІахъуб, бекІахъуди-яшавла ва дергъ-гъазала хъарихъуниван. БекІти цІакъаниван. Илбагъандан ил цаибилли кавлан...

*(Гъарахълиб баргбердла гурла чейхур ва илабад заки шала ахъбиубли билшан)*

**ТІАМА.** Связисты к командиру!

**ГІЯЛИЕВ.** Таманбиуб гумай, Сагид. Ваши аркъехІену...

**САГИД.** Ваши, юлдаш...

*(Чили сабил ахъли иру)*

«... За любимую девочку,

За родной уголок...»

*(Илди гъайличи лехІахъили, закивяхІ хІерилзан, гІур биалли, заклизиланІбатурли хІер, хъуцІарличи сурбатурли тупанг, цІябдешилзив ветихъур.*

### **ВатІан багъандан!**

*(Сцена билшан)*

**ТІАМА:** Сагид ГІябдуллаев. ЧевяхІси гІялим, писатель, поэт, публицист, ургъан. Илини чебаиб мутІигІбиубси, бекІ къухІбуцибси Берлин, душма пукъализир цІа, гъятІбиълуми. Дергъла цІала майдайчивра ил, ургъухІелира, линия битІикІули узухІелира сунела бекІси мурадличила пикриикІи – миллатла мезличила, илала культураличила, рухІла давлаличила. Илар акІуб илала машгурти хабурти: «ЦахІулант», «Фрицра Бергара», «ХІушала Гитлерла кІел бекІ леррив?» очеркуни, повестьлис ва романнис хълчни. Повесть белкІун, сунесра «ВатІан багъандан» ибси у бедили. Роман хъараахъес бекІхІейуб. «Урусла-даргала словарь», даргала мезла грамматика. «Фонетика ва морфология» – илра дурабухъунси 1954 ибил дуслизиб сабри, сай гІямрулизивад шалгІевухъи гІергъи. 1955 ибил дуслизиб дурабухъун «ЧердикІибти» произведениебала жуз. ГІяхІцад хІянчурби, сунени ахирличи дикахъес хІейъни багъандан, ишбархІира дурахІедухъи лерал.

Ил гІялим, писатель, ургъан, даргала рухІла давлала байрахъ ахъбуцибси сагакъянчи даимлис нушала уркІбазив кавлан.

*(Сцена билшан)*



# Проза

---



Ибрагъм  
ИБРАГЪИМОВ

## ЦАЛИЗИБ ВА ХИЛИЗИБ

(Хъарахъуд)

– Камаршид! – вявбяхъиб илдала халал Заурбегли.

– Батай някълизи виркуси ахIен! – тикрарбариб къчагъли ва, кIелра някъ гъадатурли, вахъIила юлдаш кIапIурцусиван, Зелимхан сунечи гъажвариб: сурсличи чебуцибси ханжал илала хъянтIализибад дурабикиб...

– Илис ил бекIара баибси саби...

Нукер Заурбегра, Зелимханра, ТIалхIятра дубурла уди кабацIибхIели, гIяскар гъамбиублири. Някълизивад вяхъибси ТIалхIят, юлдашли шалкIувад уцили, багълали вашахъулри. Някълизи атIунси урги гъачамлис жибжирка-бухъи лебалри. Зелимхан урги дурабитIес алавухъунгу, Заурбег къабулхIейкиб.

– АсухIебарар. Хи чяхIдулхъан. Нушала гIяскарла дяхънуша левси сай. Ил илала хIянчи саби...

Дубурла удибси авараглизиб тIутIукабиубси гIяскарличи хIерикIули, Чамсул разиагарли викIулри:

– Гъарбилзули ахIен, бекIлил гъарбилзули ахIен, дила узи Заурбег. Амирчупа къушличи дукеси цалра къчагъ някълизи хIейкиб. Гъу, бура хIуни гъанна, чинадахI аркъутирал?

Заурбеглара я буреси аги я гъав аги. Ил, селра жаваб чархIебарили, сунела урчиличи гъамиуб, улибхъала хIябни ахтардидариб. «Нуни архIя даимбарни ахIенси, гIур балуси агара», – викIусигъунари илра.

ГиччутIрала чурха къадуби вяхъухъун. Гъаргбиубси гIямилизибад, цала-бикибти тамашабирахъули, цалис гIергъи ца ХIямзатра, Жапарра, ХIямадарра дурабухъун.

– Амирчупа къчагъунала урда нушани балуси саби, – иб ХIямзатли, чучи бяхIчили кIайбизурти Зелимханра ТIалхIятра кIапIурцули...

\* \* \*

Ил галгуби дяхъили бетаахъурси халаси чІянкІ сабри. Алавчарли, зубрази дургъутиван ахъдиубли, мигла, шимла ва пурпила галгубани бару бетаахъурлири. ЧІянкІла кІелра шайчир халали ахІенти аварагаунира лерри, чузирра диштІати хІуркІби вихдикІути. Ила дихути кІел гъуни сарри: ца уркурла, сабира машрикъла шайчибад, даршани дусмала зурба галгуби-ургабад, къачагъунала урдаличи дурабулхъуси; итил магърибла шайчибад катхІел кабердибси къяшла дякъ сабри. Илавад хъуралицун ахІи, мурдалира вашес лебригу, чІянкІли урдализив акІубли, мер-мусала мягІна-хІял далуси виалри.

Уцуми РяхІимханна гІяскарли чІянкІ алавбуцибхІели, шала пІякъдикес хІядурлири. Мурхъси вацІала бухІнаб адамти хІербирули биъни балахъути чярти сарри. Ахъти ахІенти, цаличи ца чедетаахъили тІашдатурти, галгубала къялуба ва дерубти вацІа-къарли кІапІдарибти. Абзур дуги ухули, савлилис цІабилкълизир дигубти, гавлидиркъути га сарри калунти. Ил чІянкІла цугдайнибси халал цІабилкъ сабри, гъарил чяртирла гьаларра диштІати ужагъуни лерри.

Урги-дергара чекахъили, урда-алав кІел къараул къунзбикІулри, къачагъунала бекІлибиубси агълу мурхъси гъанкІлизиб сабри.

ЦархІилтазибад ахъдешличил ва чекахъибти гулбачил декІарбулхъуси чяртирла гьала бетаибхІели, кІелра къараул тІашбизур. Ахъ-ахъси цали ириличи бигъунси хурла камла хъутухъ акъубатур, гІур юлдашличи хІеризур.

– ХІуни хупІбириду?

– Бирис, сен хІебируси? Шала пІякъдикили сари, итира тяхІуигули саби.

КІилинра ярга-яргали хъутухъ чуйнарил чебуциб.

– Ишди чягъирла бизиси тІем леб.

– Гъайгъай, ишди хайдакъла ахІен. Дербент-къалала сари.

– Дербент-къалала сен дирути?

– ХІедалусила гІермадирид! Даг чябхъин барибси карбан илабад лябкъуси ахІенрив?

– Нуни сели балуси? Чябхъин бирухІели, ну къаршихІейкира: усанглизив хІушаб хинкІ хІядурбирули калунра.

– Или викІен гъатІи.

– Нушала вегІбекІ Амирчупан чеирив?

– Чеира. Илизибад, дила узи, берцуди биаб. ГІергъиси замана левгІев жиндралаирули сай. РяхІмуагар хІиллакар ветаурли сай, хІи чяхІдарес къалабали сай...

– Балулра... БекІ нукер Батай чарухъи ахІен, белики, сабаб илизиб биэс?

– Асубитар... АнцІдукъи сари ишди вацІализирти гІямрура.

– Набра детІили сари: шилизибси хъалибаргличи чарухъес дигахъира.

– ХъулмайкІуд – ил секІал бетхІерар.

– Сен или викІулри?

– СенахІенну Амирчупай арукъяхъес хІелтари. Гъанбиркулив, се бетаурал Хъандакъ шилизивадси ГІядилбеглис?

– Биркули саби. Къачагъунала урда бархъбатес ибси пикри гъанбушни багъандан, хъяблавяхъяхъиб. Амма ил бархъси ахІенри...

– Ил секІал хІуни вегІбекІлизи аргъахъа.

– Гьамадли аргъахъес хлейрар!

– Эй, гяшли гъайикен: ишди чыртиралара, гъайхедиклухъар, лихби лерти сари.

– Нуша, дила узи, игъбарарти сарра: жанивартиван вацализи чекавцилра, базли гъачамра хъалибарг чебиули ахенра. Иши хъям-къацличил баргибси напакъала се баракат биэса? Хъалибарг гушли саби. Ил къалли буэс, дила рархкъя Хадижат лерри, валлагъ, шанти шакбиклули саби, хлу къачагъ виъни-личи или. Чебиулрив се бетарулил? Нуша сецад дигянкадиублихъар, адамти шакбиклули саби, нушачила убяхиси хабар тинтбиклули саби.

– Паргъатии. Гъайлизибад гяхидеш агара, нушала хянчи даимбарахелли ахенси. Гъари, хлу ит вацала дубличи укьен. Нуни иш нушала вегбекл Амирчупа къушличи херуди бирисну...

– Бара, бара. рахли чеваргибси вегбекли хед хялисван лига-секларла лайбаклесну.

– Диур абдал гъай!

Ахъ-ахъси къачагъли бацбиубси хъутухъ сагали ириличи баршиб. Гур урдала итил шайчи къараул барес ватихьибгу, ца-хябал ганз кацесра бажардихейкиб: михьирлизи атлунси ургили гераиб.

Сунела юлдашлис бетарули анцбукъ аргъес хлейрули, хякизурси цархил къараула гъар-гергъили илала чархлизи атлунти хябал ургили ванзаличи кайкахьиб.

Гур чилирил ахъли вьавбяхьиб:

– Чябхъин! Жан дерцахъая, вацала узби!

Къачагъунала урда сабемцур. Вьав-гъав, гъузгъалди адердиб. Уркбухъи чыртиразибад дурабулхъути къачагъуни, вацализи гъарахъбикес бажардихейкиби, ургнала заблюб чянкличи гербилзулри. Цацабехити чыртиразибад хлулихисабли сабира вацализибяхл урна иртулри.

Вайнукъяби, илабад гьамадли берцес хлебиркни аргъили, камси заманалис ташбизур, иртути ургнира ташаиб. Илди гур се бетарарал хертигъунти сабри.

Урдаличи гьамси ца къукъличибад Чамсулла – гяскарла манкъушли, чула халалла амру иргъахъули, вьавбяхьиб:

– Эй, Амирчупан! Эй, вацала кликъшанти! Ряхимханна гяскарли хлуша алавдуцилрая! Урдализирад чиналра дебшес пурсат хлебирар. Гъавухъес къасбарисиличи сегъуналра ряхиму хлебирар. Илбагъандан калунси ца шартли саби: ярагъра лайдакли, райдиъни, някъличи даклини. Гяскарла халал Чамсулли берхли гъаббаклайчи замана лугули сай. Райдиирая!

Ил къиямала манзил сунела чыртилизив цахулан Амирчупан, се бирусил хлебули, тимкъли буцибси жаниварван сайри. Гъанагарси балагъли урклаилри, сегъуна буйрухъ бедлугусил къачагъуна балули ахенри. Илис марти нукерти, клел къачагъ, шушкнира някъбази цацадарили, чыртила гягъизла гъалаб ташлири ва халалла хъарбаркъ сегъуна бирарал херлири.

– Агъ, хярамзада! Хярамзада! Илди Батайли кибти саби. Ну ил нясличи, падахъус пандахъичи вирхаурра. Увахиси верша увухъун! – суктуиклури Амирчупан.

– Хурматла вегбекл! Батайли вершадеш хедиру, – иб ца нукерли.

Амирчупан, урклухъунхеливан, ташизур, ил нукерличи херизур.

– Се ири?!

– Батай верша ахен, дила вегбекл. Нуни ил валуси сай...

– Батай сегъуна саял нуни хелули валанра?

– Ил хЕд марси адам сайри, хГурматла Амирчупан, – юлдаш гЕвурцули, гГячихъбариб кИибил нукерлира.

Амирчупан кЕлра нукер илмадан кабушесцад гГясилиригу, ханжайчи ухъес къалабахЕйкиб. Пикриухъун: «Наб марти нукерти илкъяйда гъамадли къирбирасли, ну гГур чичи хъарихъусира? Хаслира ишгъуна мусибат чебакИибхЕли? Белики, илди бархъли бикГули биэс? Белики, верша Батай хЕйэс? Чили бала, гъаббухъунти тавлуми-ясиртани РяхИмханничи хабар баахъили сабил? Ишгъуна агилизиб вегЛа адамтала ахЕнну, урхЛа маслигГятра вайси хЕбитар...»

– Гъу, биаб хГуша дикГуси. Се бирехЕв? РяхИмханна някъличи аркъехЕв?

– Юх, илгъуна барес асухЕбитар, хГурматла Амирчупан. Ил гГячихъси бебкЛа саби. ЦАхси бебкЛара саби...

– Дила вегЕбекI, дергълизи дурадулхъехЕ: нуни илгъуна бебкЛа гъалаб чебиула.

– ВегЕбш, дергъ се дергъ бируси? Уцуми РяхИмханни арагЕб гГяскар бархъили ургар. Илдани иш чГянкIличиб, дургЕлализиб нушала жаназунала дег биру.

– Къяшла дякъличирад гъардухъахЕлли, сен-сен бирара?

– Умут агара илабра: бургъанти удикабиэс асубитар.

– Илабад нушала гГяскар арбукесра хЕйрар.

– Пайтун жибарасли, хГурматла вегЕбекI? ХГу пайтунничи кайи, нушани ил уркула гъунчибад гъарахъбикайчи батахъес къасбирехЕ, гъуниббалтехЕ...

Чятирлизибси Амирчупа къалабаси диван, селрацад анцIбукъ белгихЕбарили, таманкабиуб. Я сунени я нукертани багалабиэси маслигГят балули ахЕнри. МехГуртиван аъбяхъили, пикрумала ясирти бетаурли.

ВацIализиб таманни шалабиуб. Хъяшдикибти галгуби-ургарад духИнадиркути нурана берхИ гъаббакIили биъни аргъахъиб.

Урчиличив мурдали калунси гГяскарла бекI ца Чамсул сайри. Бургъанти, някъбазир ярагъра сабира, къачагъунала урда алавбарили, укабиилри.

Зянкъярдухъахъи мегъла палтарра, Чамсулличи бекI нукер Заурбег гъа-миуб.

– Замана баили саби, хГурматла вегЕбекI.

– Райбирути агарав?

– Гъачамлис цалра къачагъ илгъуна пикриличил дуравхъи ахЕн.

– Амирчупайс къачагъунани илгъуна мардеш биру или гъанхЕбирки.

– БецЛа гъалмагъунира буцИ дирар.

– Илдачи уркЕцIибарес гГягIнилив гъатИ?

– Сегъуналра гГягIнидеш агара.

– ЦархИил пикри?

– Бургъанти гъужумличи бархъахЕлли?

– Юх, къалабамайкIуд. ТПярхъилизи дигГянбикисси гурдалис се бирули бирара, дила Заурбег?

– Гавдуршули бирар, дила вегЕбекI. ИлхЕли гурдас тПярхъи бархъхЕбатес гГямал кахЕвлан.

– Бархъси саби. Нушанира илгъуна бирехЕ... ХГядурдарахъа бургъантази цIаликъуначилти ургни!

ЦАчирантиван лямцIдулхъули, къачагъунала чятиртачидяхI ургни-цIаликъуни арцур. Мурали ва дерубти къялубани кIапIдарибти чятирти цIали алкун. Камси манзилла бухИнаб вацIала чГянкI цIализи ва гавлизи гЕлабикиб.

ХЕра, цабехI цIали алки, цабехI гавли гГяндбуршули, къачагъуни чятир-

тазибад дурабулхъесбяхъиб. Сепайда, дураб илдачи сагаси балагъ хЪерлири: хъяхъяван кайгути ургна ва гъуца лебилра кърбирулри. ЧЪанкI, дяхъибти галгубаниван, жаназуна бирцIулри.

Хапли гавлизиб кIел урчи дабгибси пайтун дакIубухъун. ХIихIидикIути, кахдиубти урчили пайтун уркурла гъунчибхI бебшахъиб. Гъалли чIанкIли-чибад дурабухъи, вацIализи мурхъбиркухIели, пайтунчи къачагълис ца урги гIеббаиб, ва ил, ургъурра батаили, пайтунна ца шайчи кайкиб. Юх, пайтунчи агарлихъар, урчи гIашхIедизур. Къагъдиубти илдани пайтун гъалабхI бебшахъиб.

– ХIурматла Чамсул! ХIера, ит пайтун гъарахъбиркули! Ил пайтун Амирчупа саби!

– Биалли, селичи хIерлира?!

АнцIбукъ аргъили, училичи мурдабиили, ХIямзатра, Жапарра, Зелимханра, дулай някъ бигъунси ТIалхIятра гIяскарла халалличи гъамбиуб.

– ХIурматла Чамсул! Пурбанбара нушаб пайтуннис гIергъидикахъес?! – дугъаизур ХIямзат.

Пайтуннис гIергъи хIерикIуси гIяскарла бекIли дубхIехъили, амма ихтирбирули, някъ гъакIбариб. КIинайс, арцуртиван авалра мурда гъунчи дурабухъунхIели, гIелабад вявбяхъиб:

– Дубурлан багъадурти! Къачагъунала бекI мицIир-мицIирли уцес къасбарая!

ВацIала бухIнабси диркъси мер каберхур. Пайтун гъаббитIунти урчала гъеч гIашдизес къас аги. Удибван, аварагIизи биуйхIиб катруг сабри. Ряхъдарибти урчачиб авалра юлдаш гъачамличиб гъачам пайтунничи гъамбикIулри.

Рахли гъунила дублабси хъарбяхъиличи чегили, пайтунна ца хIула чеббикиб. Камсиван гъалабхI хъусбарибси пайтун ругбяхъиб, гIур къикIли бергунси сандукван, пашбехъуб. Пайтуннизирад азаддухъунти урчи, гIашхIедизурли, аварагIизи мурхъдикиб.

Пайтуннизивада дурабикибти кIел къачагъ харчбизур ва, дапарбикIули, мякълабси вацIализи баэс хъархъбикиб. Илдазивад ца Амирчупан виъни гъамадли багъеслири, итил нукер сайри, шушкара чIяхIбарили, сунела вегI-бекIлис ца ганзла гIелав дуцIикIулри, замана-замана гIергъибикибти урчала мурдабачи ласра вирхъулри. ХIябэсил къачагъ пайтунни кабиркухIели вячIири ва таманкайублири.

Къачагъунала бекIра илала нукерра вацIализи баэс чумал ганз сарри калунти. Лябкъукад ХIямзатлира Зелимханнира урги дергализибад лишан асиб. КIелра урги нукерла къакълизи ва къяшлизи атIун. Шушка някълизибад батбухъун, сай биалли шуркъла къадаличи кайкиб.

Амирчупан нукерличи ласра хIяхъиб, вацIала дублабси жярла диштIати галгубала къадализи ухIнаикиб. Ашкарли, сай ила дигIяникни гIергъибикиб-тани пикрихIебиру викIули вииши, ил илавад дурахIевхъун.

Къачагъунала бекIла макруличи шакбикибти юлдашуни, жярла къада алавбарили, гIашбизур.

– Эй, Амирчупан, дуравхъен! Жярла къадализиб бархIи буркIули хIейадли? – иб ХIямзатли.

– Къачагъунала бекI бебкIализивад урухкIулив? – хъарбаиб Зелимханни.

– ХIела марси нукер Батай кIантIихIекIиб, хIу биалли... – гIамадариб ТIалхIятлира.



Жапарли дубхѐхъиб, аммаки ил урги-дерга тямхъдарес хІядурлири.  
 Жярла къадуби вьшдухъун. Илабад Амирчупа тІама чехиб:  
 – Эй, талхъа урши! Ну някъличи льявкъулра, эгер хІушани кахІершасли!  
 – Кавшес къас агара. ХІед танбихІ уцуми РяхІимханни биру.  
 – Ну разилира... Наб гъачамлис вебкѐс дигули ахІенра...  
 Амирчупа къаралди къадализиб гІячихъбиуб. Ири-ханжалра алгъай някъ-  
 лизи дуцили, цахІулан вайнукъя къадализивад дуравхъес вализур.  
 ДягІ шятІбухъунсигъуна тІама дурабикиб, ва къачагъунала бекІла уркІи-  
 лизи урги атІун. Дялчули жярла мурчІира, ил левси мерличи чІикъитІун.  
 УркІбухъунти юлдашуни Жапарличи ласбяхъиб.  
 – ХІуни се барри?! – хъарбаиб ХІямзатли.  
 – Чебла ахъира, – иб паргъатли Жапарли.  
 – ИлкІун ясируцахъес къабуликибири? ИлкІун РяхІимханничи виахъу-  
 сире?  
 – Гъаннара виахъехІе... Наб дудешла рухІла гъалаб чебла ахъес гІягІни-  
 лири...  
 – Жапар вархъли викІули сай, – иб ТІалхІятли.  
 Ил пикри гІеббуциб Зелимханнира.  
 Талхъа урши виублихъар, ХІямзатлисра юлдашуначил къабуликес чебур-  
 къиб...

\* \* \*

БархІехълис Карбан сарайла хІябкъяйличи баили, шел урчила мурдали-  
 зибад цалабикибси биштІаси гІяскар тІашбизур. Авал юдаш гъарли-марти  
 бургъантиван мегъла къапІначил, хІяннибачил ва къалхантачил бегІбиублири,  
 ца гІядатла дубурлантала палтарчевли сайри, амма илалара ири-ханжалра,  
 хъуцІрумачи чекахъили урги-дергара лерри. Леблисалра тйя урчира, пал-  
 тар-тунабра, ярагъра Хайдакъла уцуми РяхІимханна шайзирад савгъатван  
 даибти сарри.  
 – ХІямадар-узи, ваши нушачил варх. ПашманхІейруд, – иб ХІямзатли,  
 циила тйядили тІашизурси урчила мурдачи дугъаилзули.  
 – Баркалла, дила узби, ну шилизи чарулхъас.  
 – ХІела хабар хІясибли, шилизиб хІечи хІерти агара къалли?  
 – Юх, ну илкъяйда викѐс хІейрус: набчи дила улгу-мина хІерли сари...  
 Наб ил баибси саби...  
 – ХІямадар, хъуммартид нуни бурибси: нагагъладан пикриухъадли, Гъа-  
 загала мулкличиб хІед мер камхІебирар, гІяхІялдеш дарести биалли гъанна  
 хІела гъалаб тІашли саби.  
 – Аргъира, ХІямзат, иличила нуни гъеч хъумартес хІейрус... ГІяхІли ка-  
 леная, дила узби! – гъамбарили урчира, илини юлдашуни кІапІбуциб. ГІур,  
 гІярчумагра гъакІбарили, ябу тегенекла тълурбала ургабадси гъунчи бархъаиб.  
 – Гъунби гІяхІдираб! – цуг-цугли тикрарбариб хІябкъяйличиб калунти  
 юлдашунани.  
 Камси манзилла лехІдешлис гІергъи, ХІямзатли иб:  
 – Гъу, узи-урши, нушабра дубуртази чардухъес замана баили саби. Гъуни  
 гъамли ахІен, дугира гІеркъали саби. Иншааллагъ, гъунчирра нушала хабурти  
 даимдарес дирехІе...  
 ДубуртазидяхІ касдарибти урчала гудуръала бархІехъла лехІси тІабигІятли  
 тикрардариб...

## ХІЯБЪИБИЛ БУТІА

Дибга гІялизир бархІехъличил кІидехІ накъра демжурлири: Зелимханна азбарлар дам-дяд сарри, Гьидаятхъала хъулир гьести гІямрула кІел хъунул адамли хІиллимайти дяхъилри.

– Цикури аррукес замана хІебаилив? Селичи хІерли?

– Эгъ, юлдаш, цикури гъмадли ралкъхІерар: дигахъу илдас тиладлуми, бусравти...

– УрхІлис аркули хІериэсгу?

– Се декІардеша?

– Чинабал «ургъе-гъей» бучІути никІабира чебиули ахІенгу?

– ХІера, итди лябкъули! Чинара сукникъяна? ДурхІнас савгъатуни дедлугути ахІену?

– Гъала-гъала «ургъе-гъей» белчІес гІягІниси саби.

– БучІа, бучІа. Илис бакІибти ахІену?

Вецаццад верхІел-гехІел дусла гІямрула дурхІни Гьидаятхъала юртла гъала тІашбизур. ГІур, халалгъуна гъав учІули, цархІилти тикрарбикІули, илдала цахІнабси тІама ахъбиуб:

**Гъей-гъей, Гьидаят,  
ГъарракІи гъаргаларад!  
Гъей-гъей, Гьидаят,  
ЛайдакІа нушаб савгъат!  
Бурбали рирбубил,  
ЛухІцили кьицІрарибил,  
БитІу-гъятІу ургъе-гъей.  
Ва цикури, цикури,  
Щуба декІала удир!  
Ва цикури, цикури,  
Дай закиб ухул ури!**

**Гъей-гъей, Гьидаят,  
Чинара хІела гъунгел?  
Гъей-гъей, Гьидаят,  
Чинава хІела гъалмагъ?  
Ва цикури, цикури,  
Дурарухъен, гъайрухъен!  
Ва цикури, цикури,  
Делхъличира карухъен!  
Бурбали рирбубил,  
ЛухІцили кьицІрарибил,  
ЛайдакІа нушаб савгъат,  
БитІу-гъятІу ургъе-гъей!**

ДурхІни бахъхІи хІерли кахІелун. Таврара дуклабуцили, сукникъяна гъаррашули, чехъерти рурсби илис гІелабад башули, цикурла зиланти гъаргала дурабухъун. Илди-ургаб, кІелра шайчибад цикурла някъбази басы, ХІялима-тра Сайгъанатра лебри. Кумсият циила гІелар сарри. ИлкІун чехъери ахІенри, хъайчирси хъунул адам сарри: виштІасилис раилри.

– Эй, дурхІни! Гъари, белчІеная гІурра «Ургъе-гъей»; нагагъладан иш таврализирти савгъатуни дигули диадалли! – иб ахъли сукникъяна хъунул адамли, таврара чебиахъули.

ДурхІнани «Ургъе-гъей» тикрарбариб: иш гъакІлис гъатІира ахъли.

– ЛайдакІа, гъари, илдас савгъатуни! Бахъ ахъли белчІес бажардибикибну! – рикІар ХІялима, сукникъяначи хІеррилзули.

– Набра илгъуна «Ургъе-гъей» белчІи дигахъира, – шивкІивбариб Сайгъанатли.

– КъакъамарикІуд, рузи, илди дурхІнани хІед гъатІира жагаси цалабирхъу.

Гьидаят лехІкахъилри. Цикури итира, хІера, иш нура лерсира хІерикІули, паргъатли руули рирар. Аммаки ил разили сарри, ил талихІчерлири, сенахІенну ахирра-ахир сари хІерси сягІят гъамбиубли сабри.

Сукникъянала таврализирад дурхІнас хиви, аврушала къяжни, нерхла хинкІи, дерубти гІицби-хъярби арцур. Хъямбикили дурхІнани савгъатуни далцІун, илдир кисмази дигІяндарили, арбякъун...

– Цикури леркули! Цикури леркули!

– Гъунибарая!

– Зелимханна неш чинара?

– Жирарая ГІяйшат!

Илди тІама-гъама Зелимханхъала азбарлизирад чехиб. ГІяйшатли, гІядат бузахъули, кабухили къаркъала ганзухъличи тІамса убушиб. Цикури алаврарили, чучи гъамбируси рурсбала къукъяличи ХІямзатра, ТІалхІятра, Зелимханра хІербикІулри. Азбарра, юртличи бихуси гъунира мер-мерлар дикъурти цама ва луцрачи даршили ухути цІаликъунани шалабарилри.

Гъалли ганзухъличи баили, рурсбала къукъя тІашбизур. ХІялиматлира Сайгъанатлира гъайбатси тІама батаиб:

**Ляркъусила къяш балгаб,  
Хъали шалали баргаб,  
Цикурлира гъалмагълис  
Нартгъуна урши варкъаб.**

Ца ил тахтара белчІи, рурсбала къукъя чедибси дерхІла жаняхІлизи чебяхІяхъиб. Иларра цикурличил рарх ракІибси сукникъянани гъунгелти лайдакІиб. Иш гъакІлис гъунгелтачи хъямбикІути халати сабри.

– Цикурла гъунгел гІядатласи хІебирар, гІямру гІеркъадирусси бирар.

– Илис буилигу хІуни чисалра аврушала къяжа хІебикахъибси?

– ХІед хивира диур.

– Диур. Илдир цикурла сари.

– Набра бутІа барая!

– ХІерли кайи! ХъямикІес хІебалулрив?

– ХъямикІес мурткІал багъурси ахІен.

– Эй, абдал, дунъя хъямбикІутала саби.

– ХІера, ит жаняхІла гІямзилаб геркабухъи ца гъатІи аврушала ханкІа! Хъярхъики, гъари!

Илди тІама-гъама къайхІедикили лерай, цикрумала хъулирад рабза-рабза хъунул адам дурарухъун.

– Эй, адамти?! ХІуша илар гъунгелтачи хъямдикІеная, цикрумала буруш буцили саби!

– Чихъали саби илцад жявли бажардибикібти?

– Чихъали бизса, Зелимханна юлдашуні? Гъанна илдани, гъарушла хъаба хІебедили, буруш акъухІебалта.

– Селра хІебирар, юлдашунастра Зелимханна гъаруш диур.

Цикури кибти вакилти тавханализи абацІиб. УнабурхІ ахъили, тІашкабизур. Тахличиб, ца ита, ца иша чІикъбитІи, ХІямзатра ТІалхІятра лебри.

– Эй, байтармант! Бархъбатырая тах! – вярухъун илдачи бекІ сукникъяна.

Цалилра илис жаваб чархІебариб.

– Талхъа урши, хІуалра ишав сели виркъусири? – ХІямзатличи дугъаризур ХІялимат.

– ХІялимат, хІуни чейулагу? Зелимханни гъарушла хъаба хайчи хІерлира.

– ХІу? Талхъа урши? ЦІаххІебилзулив?

– ВявмарикІуд, ХІялимат! Талхъунтасра гІядат цагъуна саби.

– Эй, ТалхІят, айзи гъари! ХІукІун шин-жагъил ахІенри? – дугъаризур муруйчи Кумсиятра.

– Набра, дила ашна, цІикрумала гъарушла хъаба чебуцес дигулла. Дирга-ламарулхъад! – иб ТалхІятли.

– Ціикури тІашли ралтулраяв, хІаяагрти? Тавханализи тІашкаратес киб-сив?

– Хъярхъли акъубатирая цІикурла тах!

Юх, кІелра юлдашла тахличибад вьшбухъесра пикри аги.

– Илдас бируси нуни балас, – бизахъур сукникъянани, рурсбала къукъяра ита-ишабяхъили, тавханализирад дурарулхъули.

Селрацад замана архІябкъи лебай, ил сагали тавханализи чаррухъун. Иш гъакІлис илала някъбазиб шинни бицІибси халаси урца вакъ лебри. ГІур, дубра хІехъили, илини вахълизирти шин тахличи чІикъбитІунти юлдашуначи чяхІдариб.

ДяргІиб шинни базибти ХІямзатра ТалхІятра тахличибад харчбизур. Цаличи ца хІерра бизурли, гІурра тахличи кабиб.

– Эй, сукникъяна Хадижат-адай! ХІуни нушачи кІалтІа шинна чяхІдарес рируд, аммаки Зелимхан вакІайчи нушани тах бархъхІебалтехІе, – иб ХІямзатли.

– Уэн илав дуги беркІес!

Чилилра селра гІур бурес бетхІеур: някълизиди буцили гъарушла хъабара, тавханализи Зелимхан ацІиб.

Тавханализибти паргъатбиуб.

«Дерхъаб, юлдаш Зелимхан!» или, гъала-гъала ХІямзатли гъарушла хъаба чебуциб, гІур ТалхІятлира.

– ХІуни «дерхъаб» хІедирулрив хІела цІикурла арадешлис? – хъарбаиб ТалхІятли, хъаба Зелимханниси чарбирули.

– Юх, наб асубируси ахІен.

– Сен? Гъидаят бажардирикилив къадагъабарес?

– Гъидаят бажардирикили ахІен, неш бажардирикили сари.

– Гъугу, ТалхІят, вати юлдаш паргъатли: ил нешла гъигъличивад чевулхъуси ахІен, – иб ХІямзатли.

– ХІу?

– Нура, – пишяхъиб ХІямзат.


Илди гъай аргъибси ХІялимат пикрирухъун: «Талхъа урши! Уэн, гъари, хъяшаван нешличи аъвяхъили! Гъигъличивад чевхІевхъи уэн. Илала ибта виркъадли, ну кІялгІялизиди аррукес хІейруд. ХІела неш Издагайли нуша мурадличи мажахІят даахъиша. Уэн нешличи лехІихъули!..»

*(Хъарахъуд гІурла номерлизиди)*



---

**МяхИяммад  
ТАХСУРМАНОВ**



**ДИГАЙ**

*(Хъарахъуд)*

Июнъна гъану гехІра. Выпускникунала вечерличиб. Байрамласун балкъа-ахъурси халаси зал.

Дубурла гулвавнигъунти шадти, талихІли лямцІбикІути выпускникунала дурабад шадлихъличиб шила советла хІянчизарти, бучІантала бегІти, гьалмагъ-тянишуни, жибарибти лебри.

Илав, гъайгъайра, Мусара леври. Ил живарилри цахІнабли 10-ибил классла дурхІни-рурсбани.

Илав школала директор ГІяли гъайухъун:

– Дуклуми цІакъдиубхІели, арцантала дурхІни чула пукъназирадван, хІушара, ахІерти выпускникуни, халаси улкала декІар-декІарти шагъуртази, жура-журала белчІудила заведениебази кадерхес аркъядая. Гъар чинаралра хІушаб гІилмула унзурби гъаргли сари.

Гъунби гІяхІдираб хІушаб, гІилмула урхънази. Чинар диадалра, чинар дучІадалра, хъуммартидая хІушала школара, хІушала учительтира, хІушала шира.

Выпускникуни, бегІ гъалаб ванаси берхІилиуб атхІебла ванзаван тамай батбухъири.

Цализи-цали вецІал дус мегъ чедихъибти уркІбала унзурби къяли-къяйчи гъаргдариб.

ПатІиматра Мусара барх булхъулри, сецад булхъалра я бумсули ахІенри, сецад гъайбикІалра я дурути гъай кадурхули ахІенри, гъачамличир гъачам муридикІули ва дахъдикІули.

Булхъра булхъули, чула ихтилат бемжахъур ГІяхІмадлира Сайгибатлира.

– Лебталалра-ургар ишкъяйда урузхІекІули цаличи ца къячдикили делхъли дулхъули, ишкъяйда мурили ихтилатдикІуси замана лябкъян или наб гъеч гъанхІебирки, – рикІар дигайли кепрарибси Сайгибат.

– Ге, Сайгибат, или хІебиэс гъанна нушани нушаб гъуни кавдуси, гІямрула гъатІира цІакъти имтихІян дурцуси манзил бакІили саби.

Мусас ПатІимат илабти лебилра рурсбачир жагасилира ахІерсилира карилзулри. ХІунтІена ва духъутІа вавнар хІева илала ахътерекван чухІли бакІибси чархличиб бирсибсиван балбикилри. ЧІатІала пукъаван делсахъи

демхурти чурми кьукьубачи кадиулри. Дай дуги дубурта кьацбуцибси ши муриси гьанклизиди бертурлири. Бацра шала гярли ухулри.

Гьанбикеслири Бацра урмира шадлихь ункъли бетерхахьес багьандан илцадра жагали ухути сари или.

Мусара Патиматра барх дурабухьун, илдас гьергьи – ГяхИмадра Сайги-батра. Някъбира дуцили хьайги батбихьиб.

– Муса, институтлизи имтихИян дедес дебали кьияннирив? ЦацабахИ дила балликьяна рурсби урухкIухИели, ца ити хьарбиулра.

– Кьияндеш сегьуналра аги, бархьдеш биубли гьергьи.

– Дуркьа ва зараллати гьядатуназирад урухкIули, гьелумдилзули сецадхи дуутирав? Замана баилигу илдас ахир кабихьес, – викIар Муса. –

Патимат, наб хIу гушхИели кьацIван, милигхИели шинван чараагарли гьагIнилири.

– ГьагIнили ахIен... гьагIнили ахIен. Нуни итира балас, наб хIура...

Ил дуги Муса дигаила дуклумачив кIайвяхИилри. Мусани Патиматла кьакь-алав някъби алавдариб, сунечи гьаждариб ва мурили байикIесвяхИиб. Патиматлара сегьуналра кьаршидеш аги, мазаличи кетаван, Мусачи цIапIаки.

– Патимат, нуша дучIес дукьяйчи дила бегIтази гьар секIал дурили, сук-никьянаби бархьахьасли, хIела кьаршидеш леру?

– Иличи хIу ташмишикIулрив, гьагIи?

– Неш-дудеш?

– Хебалас. Гьамадли разихIебикесра асубирар.

Нушала талихИ нушани лушехе. Ил барес нушала гьабзадешра гьакьлура диур.

Ил дуги, талихИла дуги, карцIи ахьибси дуги, илдас декIарбикес сецад кьиянни биалра, някъбира дуцили, хьали-хьайги арбякьун. Чили биалра саби зулмули декIарбаривтиван.

\* \* \*

– Сайгибат, дуги нуни тамашала муэр чебаира. Муэргьунара ахIенри, гьарли-марси хIуруцIгьунари.

– ГьахIлисалра биаб! Гьу, бура хIела муэр.

– Набчир дягIути, зугьати ва духьянти дуклумаи дакIили, дуклумачи хIура аратурли, арцурли тах шагьарла чедир кIайдяхИили чебаира. Нушачи лебилра халкъ тамашабиубли хIербикIутири.

– Хебиалли хIу политехнический институтлизи ахИи, летныйлизи керхурли, инженер, кIинайс конструктор ветаруд, сагаси самолет пикрибирив, иличив урцуд. ИлхИели хIела муэр баянбирар.

– Юх, Сайгибат, вецIал, вецIну кIира, – вецIну гехIра.. гьаибил дерхIличивад хIерикIухИелира – самолетличивад хIерикIнигьуна саби. вецIну гехIра дерхIла лифличивад кайцIухИелира – парашютличивад тIяхIухьнигьуна саби. Илала дурабадра, хIу агарси шагьарлизив учIес дила бекIлил пикри-кьас агара.

\* \* \*

Ил дуги Муса, хя лебси гьайнибад дагьа гьаббитIунси гурдаван, шадлири. Илис гьанбиркусири вечерличи бакIибти лебилра жагьилтира сай кьайда шадли, талихИчебли бургар или.

Урузкѹли, адабличил виалра, Мусани нешлизи сунес Патѹмат ригнили-  
чила буриб ва ил ураркъахъес тиладибариб.

\* \* \*

Патѹматла дудеш Гѹяли къяркъси, сунес сай ваибси, цархѹилтала авара  
агарси дубурлан сайри, неш – Маржанат биалли мас-давлаличи рахъ гъаргъси,  
лебдеш бучес иштяхѹси хъунул адам сарри.

– Ихдигъунти къяркъти, давлаличи гъаргъти бегѹтазирад ихгъуна малхѹям-  
си, дигичерси рурси ритѹес гъамадли ахѹенри.

Патѹматла неш-дудеш пикрибикѹутири чѹянкѹли мас-мулкла, мина-дара-  
жала бегѹти давлачбтасцун рурси редес, сай учѹхѹевчѹуси виалра, сегъуналра  
санигѹят агарси виалра, рурсилис хѹейгуси виалра.

\* \* \*

– Унра, гѹяхѹсягѹят биаб! Мекълизир дузулраив? Дебали разириубра. Гѹяхѹ-  
си рурси сари Патѹмат. Хѹела Мусагъуна сари. Мусас лергѹер ралрикибси.

«Мешурайчи шакиран шими умцѹурли рургу» бикѹар – лебгѹеб мешути  
къаршибикили саби, – уркѹи-уркѹиларад яхши-хушрариб унра Хѹялиматли  
Мусала неш Раисат.

– Баркалла, дила унра. Амма нушала мекъ бетаэс вара или урухѹули,  
пикририкѹулра.

– Гъаннала замана рурсилис лугути масра арцра адаахъили, хъубешуни  
къабулбикахъили, уршилис хъунул кариэс гъамадли ахѹен. Илди дусличи-дус  
дахъдикѹули, имцѹадикѹули сари.

– Бархъли бурасли, нуни къалли лерилра илди гъанна лугутира кадирхъу-  
тира таманни чедетаахъили далулира ахѹенра. Жан рузи, дагъес декѹар вирару  
гъатѹи, дарсдикѹули диалли? Имцѹадикѹули диалли?

Илдани мискин халкъла лига-лигара, къамала галгаван ишхъули саби,  
хѹебиэси ва мурхъси ва халаси тѹярхъибалтули, – децѹличил, дардличил гъ-  
айрухъун Раисат унрази.

– Гъай, дила ахѹерси рузи, цаибил мекъли барибси харжлизирад ну гъанна  
чераргъес рирули ахѹенрагу. Эгер Мурул Казахстайзи узес вашули хѹейалри,  
нуни мекъ гъаннала гѹергъи шел дуслира барес хѹерираси, ишди гъаннала  
«багъдиубти» мукърала тѹалабунира дузахъули, дазуагар, лугѹиагар масра  
арцра кадирхъули.

Гъанна ункъли лехѹахъи, дила унра, бусагѹятла тѹалабуни хѹясибли, дурхѹя-  
ла бегѹгани рурсила бегѹгас дихути мас-хазна ва дахъал цархѹилти ваяхѹра  
дурисну: верхѹел хѹева, верхѹел кѹана, урегал косынка, урегал гарнитура, ду-  
хибала набор, кѹидехѹ дабри, урегдехѹ тѹирихуни, мургъила урцѹли, мургъила  
сагѹят, кѹел ящик конфетунала, чакарла гавлаг, мазала къак, декъла гавлаг.

Тукентазир агни багъандан, дайхъалара-сера мас дурхъаси багъалис  
вачрукъябазирад кѹиркаси багъалис асес чевкъули саби, дигалра-хѹейгалра.

Имцѹатигъунти импортнъити сари – нушала мучлахѹедирули. Илди ур-  
шилис рурси ураркъибхѹели архути сари. Кѹинайс лугути, жан рузи Раисат,  
– халаси дехлиурад урухъунсиван мурхъли гъигъра батаили, даимбариб

сунела ихтилат ХІялиматли, – кІел базла губен, Китайла кІел адиял, Китайла кІел гІянала, кІел балала чІянкІа, хІябал кьалтин, кІел кьянари, кІел кьумгъ-ан. Илди ардухесра чум адам гІягІнибиркурал? Илдала дурарад, абзбикІули цабехІли-цабехІлис дирути халати ламус-кьяйдалира савгъатунанира адамла бекІ абдалбирахъули саби. Дебали вайси гІядатра леб: цабехІли барили, ца-бехІли хІебаралли, яра चुничиб камли баралли, гъай-мезлира шутІни-къун-бара дунья бирцахъули саби.

Илкьяйда, хъубешунала ургала гІебшнила бамкьурси аргъван бумкьахъули саби, дурхІя мирхъила варъаван мурили бехІбихъибси мекъ кьутІкьубирули саби.

Вай рузи, вай замана леб кьалли. Халкъ абдалбиубли саби хІейкІули, гІур сейкІуси? ЦацабехІ белкьунта мекъ барибхІели, цикиургас бакъукъличи или машинти дедлугули саби.

ЦархІилтани гъал-хІябцІали, авцІали, шуцІали маза дедлугули саби, хІябэстани сагаси юрт пешкешбирули саби.

Рурсила бегІти давлачебли, уршила бегІти мискинни илцада мас дедес хІебирули биалли, рурсира дурхІяра цалис ца бигули биалра, дигайла цІали игули биалра, рурсила бегІта мекъ белхъули саби.

Рурсила талихІличила, дигичерти гІямруличила ахІенну илди пикрибикІу-ти, даражаличила, мас-хазналичила саби.

Урши рурсиличи дихъибти дигайла цІали игули, рурси дурхІяличи дихъиб-ти карцІайла цІали ламрирули риалра, мас дигути бегІтала дигайла бегІтачи сегъуналра уркІеци-ряхІму агара. Илгъуна хІяйзиб се барес гІягІнилив гъатІи?!

– ГъарритІес, гъарритІес...

Рурси гъарритІалли, бегІтани кьалмакъар дехІдирхъу, милициялизи, про-куратурализи балахъа. ЦацабехІтани милицияла, прокуратурала кумекличил рурси керисули саби, ва дебали вайбухъунтани урши туснакъирахъули саби. Илгъуна агилизиб сабри Мусара ПатІиматра. Муса сельхозинститутла ветери-нарный факультетлизив, ПатІимат ДГУ-ла филологический факультетлизир бучІулри.

БелчІудилизибад акъуси замана илди кьаршибиркулри, рах-магли кино-личи башулри. Цалис-цали икьалабирули, цалис ца гІякълума бугъули, шула кьматуначил бучІули, хІялалли хІербирулри.

ГІяшикьуни чула жагъти гІямру секьяйда лушутил, илдачила мурхъли пикрибикІулри.

Секьяйда мурадли даишара ибти пикрумани кІилалра букІри думдахъулри.

Пикри-пикриухъи, Муса ПатІиматлизи викІар:

– ПатІимат, нуша ишкьяйда сецадхІи дуутирав?!... ХІела бегІти кьабул-биркули ахІен, дила бегІтала чулагъуна давла, мас-хазна агарли или. ХІела бегІти, хІела талихІличила, гІямруличила ахІен пикрибикІути. Илдас гІягІ-ниси даража саби.


– Се бирехІе?!

– Нуни хІебалас...

– Нуни балас.



– Бура хЛебиалли.  
 – Гьар секІайчи кьяш чецІили, я чизилра хЛебагъахъурли, шагъарлизиб загс бирахъехІе.  
 – Ну къабуллира, бегІти се бикІалра.  
 Илгъуна пикрили, гІяшикъунала букІри гІурра демдахъур. ГІямал биалли, бегІти гымбукІахъесра дигули ахІенри илдас. ГымхІебукІахъалли, саби талихІлизибад булхъулри.  
 ВерхІна умцурли, гІур чебяхъя бикІар. Ил бурала чуйнара чІямбарили, гІулухъаби магъардихъахъес дирхалачебли батбихъиб.  
 Таргъула дубуртачи дугели чебихъунси дирихъ кІунбацІиб. Аждагъаван дургъути Каспи урхъула тулхъумти кІайдяхІиб, берхІи цІяр-цІярли ухесбииб, арцантани гъайбатти агурби каиб. ЗАГС-ла свидетелство бедлугули, илала заведующая Аминатли цІикруми мубаракбирули, духути гъай дуриб:  
 – Разили, хІулкІули, цали-цала хІурматбирули, ца агарли – ца дуэс хІе-дирули, жагати уршби-рурсби биркъули, илдала сирми гарддирули гІямру деркІабая!  
 – Сайгибат, Мусанира ПатІиматлира се барилл багъуррив?!  
 – ХІебагъурра. Се бетаурли?! Се-биалра вайси анцІбукъ бетаурли хІеби-эс?! – УркІрухъун Сайгибат.  
 – ПатІиматла бегІти мекъ барес къабулхІебиркухІели, илдала пурбан агарли шагъарлизиб хъаллабиубли саби. Нушанира ил бирехІев?  
 – ХІебирехІе. Дила бегІти къаршили кахІебилзан. Намус-хатирла бегІти саби дила. Илди набчи лехІихъур, наб дигуси биру. Узи-уршира, тухумтира, гъалмагъ-тянишра, шанти-жамигІятра жибарили, гъарли-марси, гІямрулис хъумхІертеси мекъ бирехІе.  
 – Гъай баркалла, Сайгибат! ХІябилра духути гъай дурри. Баркалла хІела бегІтас, хІялалдиаб чус. ГІямрули белкъаб саби!  
 Чула битІакІгъунти мургъилизи булхъан хІела бегІти, ПатІиматлагъунти барскъаби ахІенну.



# Поэзия



Имин МЯХИЯММАДОВ

## ШИЛИЗИР ГЪАЛМАГЪ ХІЕРЛИ

Гъалакси заманала  
Анар-ханарси дунъя,  
РяхІман Аллагъ, бурцахъув  
Мукърала мер мурънази?

Шилизир гъалмагъ хІерли,  
Мекъ барес чарулхъуси,  
Байбяхъиб илис гъуни  
Балагъли гъанагарси.

ИшбархІира симкълизи  
Гіелабушиб ши децІли:  
Гъарахъси архІяличив  
Жагъил вяхъиб бехІемцІли...

Щудар къаркъала цІелда  
Хъутрачил лявбирули,  
МицІирси цІелдаван сай  
Дудеш, къаркъакаурли...

## ВИРХЕН, УРТАХЪ, ИЛИЧИ

*Юлдаш, журналист ва поэт  
М. Жамиллис*

УхІнавхъи юлдашлизи  
УркІи абхъира нуни.  
КІелра някъ удяхъили,  
БекІ гІяшбуциб илини.

ГъархІебареси хатІа!  
ХатІара кахси, цІахси!  
Вершаба бехъуб улка,  
ГІялам халкъли белшунси...

Угъулра ну ургъулра,  
Дурули децІра дардра:  
– Сен ВагІанра, бехъубли,  
БутІнад буртІув гІяламра?!

Ца игъбар заманали,  
ВикІар духуси гъабза:  
ГІямрула гІевдхъулизив  
Дебшладируси убза.

– Диур, викІар ил гІяшли, –  
ДецІли уцІулра нура:  
УркІи бухІнаб бехъубли,  
Чархцун батурну набра...

Лабарли гами къяйда  
Улка берцахъес къасла,  
БутІнадбалли, ГІярасай  
Къяраэс къасри кІасла.

Мургъили пухІбикІалра,  
ГІяГнилив илис дунъя,  
Бехъес, буэс бургъалли  
Улкни-ургаб Россия?

Сагаси улка белшес  
Къасли алки сай гъабза,  
Зубрала нартла гъунар  
Саби илала гъаза.

Гъарачибас къяпІдиуб  
Улкала гъаргти унза.  
Дяхъурби сагъдирули,  
Гъанна улкара бузар...

Вирхен, уртахъ, илини  
Уцахъу Россияра.  
Вагъарухъи, итхІели  
Берцахъиб Дагъистанра.

### ГЕБ-ГЕБАЛГЪУСИ ТІАМА

*Донбассла гъавкъяна  
А. Захарченкос*

Азаддешла, бархъдешла  
Нурли ухуси нартван,  
Халкъли чевикІилри ил  
Гъаввашахъес, гъавкъяван.

ДяхІ-дяхІли гъалабизес  
УрухкІули гІярмиван,  
Ил вашна хъусбашули  
Агъула чІичІлумиван,

ХІера, кавшиб гІяхІгъабза  
Хаинта хъунчабани...  
Вершаба увведиб ил,  
ХІявбуцІани арсланван.

ХІиллакартас улкала  
Жазаъ гІязабла саби.  
УркІбазиб нартла тІама  
ГІеб-гІебалгъули саби.

### ВАМКЪУРЛИ САЙ ДУБУРЛАН

«ВиштІахІелил гъакаиб  
Наб гашили къяянти,  
КъацІла бутІали набзи  
Дархъдатахъур дучІанти.

ЧерхІейкиб бекІличирад  
БукІа тІерхъа ва дураз,  
Уршиалра учІахъес  
Авандирис или арц»,

Дубривра диркъанивра  
Жинжирагъван лукъули,  
Керхахъес чум гІяГнитил  
Итад – ишад бикъули,

Гъар бархІи барх бихули  
УркІилаб гІяхІси гІямал,  
Мирхъиван гезкайкІули,  
Къайгъна виркъалра ГІямар,

Бахъла хІебируливан,  
ХІебиуб илис игъбар:  
Камли уббухъун, камли  
Хъубзар кисала гъунар...

Суалта вархахъиб ил,  
ВархъхІелта хІурраниван,  
КъиздикІар мехІелизир,  
АлтІули бурбуниван.

«Дагърикар шулачиван,  
Урши учІан сай! – бикІи.  
Лебси къуруш бухадли,  
Керхесра вирар», – бикІи.

Нуни се бузахъули  
Абикъишав гІелабти?  
Се бедили асишав  
Илдас берк-берж, дучІанти?

БучИнилизиб гъаббиуб  
Гъанна къабкъин кисмарти.  
Ца ант хЕбалутара  
Исулигу дипломти!

Базригай къалпла масван,  
Сен багъуди бирцути?  
Сен дипломти дирцанти,  
Хъулкниван, хЕбурцути?!

Чум хІяким барсбиуба,  
Яргала букІуниван?  
Барсбарибси биубу,  
ВягІдалабиубтиван?!

Чичи, чина верхадра,  
Бихес хъарсив шабагъат?!  
Илизиб сабив гъанна  
Адамла хІурмат, къуват?!

Гъар ганзлис лаг, ганзухъван,  
Багъни сар ахъдикІули,  
Тамаша: балукъира,  
ПачяхІлира далтули!

Вамкъурли сай дубурлан,  
Пикрума вархахъили,  
Чичи-сабил уркІилаб  
Гъими леб улукъули...

Гъаладилзан суалти  
Цаличир ца дугати,  
Унцла хъябличи дукІван,  
Чархличи челукъути.

Дахъкадаиб хъубзарли  
ХІергъути, хъардаести.  
Лебтив илди, агартив –  
Матъал жаваб луганти?

#### ХІУЦУНРИ ДИЛА ЛЕРСИ

Гурра бамкъургу анда,  
Нургъба ицули хІулби,  
ДехІкадирхъулри гурра  
ДецІхЕгести дуранти.

Пикриухъен, юрт-гІяя ,  
Давла-мас лер бахълара,  
Илдачи мешуикес  
Вализи гъари хІура.

Дила арцла гъайкІари,  
Арцван мяхІкамриуси,  
Мар мургъила гъайкарри,  
Жайчирра наб ахІерси.

«Лебсира биур» или,  
Биаллира бикІули,  
ХІед диганта хІеркъасли,  
ХІелтара ну уркІили.

БерхІиван хІу ухахъес  
Вируси къайгъи бирис,  
Бацван шаларикІахъес  
ХІела гъай убхЕбирхъис.

Дила жан, дила жайран,  
Бахълизирад рикІибси  
Дила давла хІу сарри,  
ЦархІилтала агарси.

#### ЛЕБИЛРА БУЛГУЛИНУ...

Гъарала дургъбазибад  
Дунья мяхІкамбарили,  
Гаши-пІяйхъла някъбази  
Мадиркахъаба или,

Мерсла, цІала, урхънала  
Балагъуназирадли,

ХъалицІара нушара  
Дерцахъаба бикІули,

Унрубиван, узбиван  
Улкни цадиахъубли,  
СубхІяйзирти мачниван  
Цадалгахъаба или,

Гҗаҗси кьадарбирахьес  
Булгути чебиули,  
Иличиб дурхьал балга  
Нунира хҗебалули,

Улгулра нура, атҗи  
Динна узбала урга,  
Ряҗман Аллагьли дила  
Кьабулхҗебирул балга.

### КЪАКЪАМАРИКҗУД, ГЪАЛМАГЪ

Ва дила марси гьалмагъ,  
Се пикри леба хҗела?  
Марайлигу ванал хҗер  
Хҗеб гьудурти хҗулбала.

Гьимуркҗахьбирив чили?  
Дай дуцҗрум даршудешла,  
Ламус калуну чила,  
Хьанцҗ урхьу адамдешла?

...Черикҗла хҗедиалра,  
Лерну дай шар хьулрира,

Хабарла хҗебиалра, –  
Хьайгҗиб лебну уршбира,

Гушдиубхҗели дукес  
Лебну анкҗила кьацҗра,  
Милиги ахьес дужес –  
Дубурла дяргҗиб шинра.

Агуну, дила юлдаш,  
Нушала камси селра,  
Гьайбатли гьигьбикҗахьес  
Бати уркҗи мургьила!

### ДАЛАЙ АДРИ НАБЧИЛА

Хҗеадри, дила гьалмагъ,  
Хҗеадри, набчила гьай!  
Ирив? Арцла райлиу  
Дилгьулив архҗя-дарай?

Хҗеадри, дила игьбар,  
Хҗебурадри вайси гьай,  
Ибнилис хҗед баркалла  
Бикҗулив шила гумай?

Разихҗебиахьадри,  
Жан дат, биганти наб вай,  
Дилаван дяхҗ шаласи  
Шав хҗергар адри, шалай!

Адри:  
чиллала дуги  
Атхҗебла ванал гьигь сай,  
Дуцҗар дуцҗрум демжалли,  
Тяхҗуси цҗуэри сай.

Адри,  
анкьи цҗаливан,  
Дигили алкунси сай,  
Гҗаҗсилис гҗаҗ биахьес  
Жан дедес хҗядурси сай.

Дардана азир биркҗан  
Миъливан дяргҗяхьялра,  
Миъла удибад хҗеркҗван  
Наб хҗябкубта учҗан сай.

Адри,  
наб, дила юлдаш,  
Гҗямрулизив чирагь сай!  
Наб дезара дарили,  
Белчҗадри сагьси далай!

Хҗеадри, хьали мадуъ,  
Хҗеадри набчила гьай!  
Хҗечил муштарси уркҗи  
Хҗебиахьадри кҗибай.

## ИТХІЕЛІРА ГЪАННАРА

ВирухІели виштІали,  
ГъимрукІалри неш дила,  
Ил черрерхахъес къасли  
Бира се-дигара.

ХІулби-нудби байдири,  
Черкарурхи неш дила.  
Михъирличи чевцили,  
Лайла бумжахъи гардла.

ХалаикІескайира.  
ГъимкаруркІиб неш дила.  
Лявбарес гІякълу аги  
ГІяхІси уркІи адамла.

Гъими-гъимидухъахъи,  
Даршурири неш дила,  
ГІерасахъес махрикІи  
Адаб-хІяя дудешла.

ХІера, ну жагъкайубра.  
Рухънакараиб нешра.

Илала гІякълумачи  
Багиагаркайубра.

Шишим-шишимкарухъи,  
Баришкарири гІурра,  
Мадулъад или рулгиб  
ХІурмат-хатир шантала.

ДуцІ гъалакбариб дусма,  
ХІян-цункавхъунра нура,  
Дай дуцІрум къакъбалаван  
ДурхІна бицІиб хъалира.

Илдас бяркъ бедлугули,  
Вархили левра хІябра.  
Дила баркъ-бац умцахъес  
Агара гъанна нешра.

БегІтази карцІиубли,  
ЖиикІус гъанкІлизивра,  
Балули гІяхІти уркІби  
Чердурхни хІяблизирра.

## ЖАЙРАН САРГУ ИЛИ

Буруливан даршуси  
ХІебирни балукъира,  
Мукъарла сабгу или  
ХІилнабиркъи уркІира.

ЛехІихъус гъари – дила  
Чакар къяйда бицІули.  
БурхІни ихъуцад хІела  
Дуб-дубли миъбиргІули...

Дуруливан жагати  
ХІедирни балукъира,  
Жайранна саргу или  
Дигахъира хІулбира.

ХІерикІус гъари – дила  
ЛямцІ-шинна кадурхули,  
ХІела – дусми аркъуцад  
Гурдалаван ухули.

**Гяли-АсхІяб  
МЯХІЯММАДОВ**



### **СОНЕТУНИ ВА НАЗМУРТИ**

**1.**

**БерхІван мургъила ванаикІус хІед,  
Бацван цІуб магъила шаларикІен наб!  
БерхІла ва бацла нураназибад  
Бемхурли бирехІе чеалкІул насаб!**

**Батирти бетарар нушала уршби,  
Балтахъути Дарга, арцалли урги.  
Балагълис бетарар шанда баруби,  
БубкІалра, гІяшхІерцу душмантас бурги!**

**Бурибти бетарар нушала рурсби,  
Багъалис хІерцути адамдеш, хІяя.  
Биалра пасадти, агарти нургъби,  
Бирцули, исути гъаннала дунъя!**

**Вавниван жагали хІеркадирехІе,  
Варъаван мурили гъайкадикІехІе!**

**2.**

**Вавниван жагали хІеркадирехІе,  
Варъаван мурили гъайкадикІехІе,  
Варакъли чеделкІи дигай дихІехІе,  
Варачанван уркІби дарх дучІахъехІе!**

**Вакъпула мас-хазна гъарахъбирехІе,  
Вазипа Аллагъла чебяхІбирехІе,  
Ванзалис ахІерси икрамдикІехІе,  
ВатІайзир Даргала дару дихІехІе!**

ВатГайзир хІу пача-пачалихъла бекІ,  
ВатГайзив ну вакил-хІела чІалГІа-декІ,  
Вазирти- нушала рурсби ва дурхІни,  
ВяГІдурти – нушала талихІла бурхІни!

Гимиван чугурла дучІули дезна  
Гявгявти ихъехІе даршна, азирна!

3

Гимиван чугурла дучІули дезна  
Гявгявти ихъехІе даршна, азирна!  
ГардбирехІе дунъя, сирибарили,  
Гулменди кІанали алав бергурли!

Гарда жагабарес, сирила чеди  
Гантирли билгъехІе савлила Шалда,  
Гежбаван ряхІятли бусахъес ГІялам,  
Галичи шурбатес дузехІе атом?

Гутанта хІебаци калунси ванза,  
Гулвавна белГІехІе, бехъубли дазу.  
Гушти къацІли бахес гъарзати унза  
Гумайван абхъили, бирехІе гъарза!

Гевдухълаб бикъурли миг-урцулла цІа,  
ГІяхІлала хІурматлис тарум-къацІ буца!

4.

Гевдухълаб бикъурли миг-урцулла цІа,  
ГІяхІлала хІурматлис тарум-къацІ буца!  
ГІяламлис даари дарили хинкІи,  
ГІяхІялдеш уржахъес ибхъехІе уркІи!

ГІярбукІли дарибти мургъила матяхІ  
ГІяручІлис ГІяхІлала рурсбас дуртІехІе,  
ГІебшнира дуцІрумра цадахІ- берхІи-дяхІ, –  
ГІела - гъаладикес дашар гъаладыхІ!

ГІяхІялдешла ГІилму дучІахъу бегІта,  
ГІяхІбизурси – ГІяхІяйс савгъатван балта,  
ГІядат илгъуна саб Даргазиб-ишаб,  
ГІяхІбаркъла байрахъ саб ахъанайличиб!

Гъаваличир чІакна делхъ диру ишар,  
Гъибандилис чатІна бучІахъу чугур!



5.

Гъаваличир чІакна делхъ диру ишар,  
Гъибандилис чатІна бучІахъу чугур!  
Гъав ахъбурцу хІуркІба, дикІули далай,  
Гъалара бяхІихъу байрахъван дарай!

Гъар-урла хабурти дуру варачай,  
Гъава тІембирути кертІу ташки-чай!  
Гъулила чуднани укен велкъайчи,  
Гъуни даимбарес савли айзайчи!

Гъамадли бершили зурхІябла кІана,  
Гъанбиркахъу хІези гъанси алжана!  
Гъарил дарган ишав-сихІрула палчи,  
Гъарилла сай вегІси леб ишаб хълчи!

Гъармукас гъуц кайсу, гъариб лявиру,  
Гъямгла бяхІ бехъубли, гъуни гъарбиру!

6.

Гъармукас гъуц кайсу, гъариб лявиру,  
Гъямгла бяхІ бехъубли, гъуни гъарбиру...  
Гъаршлизиб гъаб балта, гъамси увхІелта,  
Къириван бизурси гъагул пяхІбалта!

Гъургъашин бицІахъу гъубзнала хІерли,  
ГъалбуцІи дубшахъу ца тІулла гъакІли,  
Гъазават лебхІели, гъай-мезлис къадин,  
Гъайдулхъан ханжулти Дарга багъандан!

ГъайкІари гІянцІбиру мекъла Дерхъабли,  
Гъапулдеш черарку дарган далайли,  
ГъарацІбиру Бацра цІикурла хІерли,  
Гъамдиру байрумти жагътала хІяйтли!

Даргазиб даимла ил саби гІядат,  
Дунъя, каса хІуни, даргала гІибрат!

7.

Даргазиб даимла ил саби гІядат!  
Дунъя, каса хІуни, даргала гІибрат!  
Диги дихІен сагъли-бирарну баркат,  
Дигай дихІен марли, бирули хІурмат!

Дазурбра дихІен, мадалгад хІерзи,  
Диркьбачир дерхьесли шиниша арзи.  
Далай ахІи, биса мадиаб хІезир,  
ДучІесли кьакьбуни хІулкІуси хІяйзир!

Дард-децІ гьарахьдара, дургьби тІашаа,  
Дергъла ца билкьути девли кабуша!  
Дунья, хІу сабру гІяламла ВатІан,  
ХІура илизibri дила Дагьистан!

Даргазиб даимла ил саби гІядат!  
Дунья, каса хІуни даргала гІибрат!!!

#### ДИЛА ДАРГА

Дила дигила ватІан,  
Дила дигайла ватІан  
Дила дарманна ватІан,  
Дила дарула ватІан,  
Дила дурусси ватІан,  
Дин-ДехІбалала ватІан,  
Дила диндала ватІан,  
Дила дам-дядла ватІан,  
Дила Дерхьабла ватІан,

Дила дугьбала субхІян,  
Дила дургьбала ватІан,  
Дила дагьрила ватІан,  
Дила узбала ватІан,  
Дила убзала ватІан,  
Дила уржибси ватІан,  
Дила мургьила ратІал, –  
Дила ахІи агарил,

#### АСЛУЛА АСАР ЛЕБТИ

АхьхІибси берхІила,  
Ахьушала хьулчила,  
Аман-дарман агарти  
Абаъ лебти, кагибти,  
Асар лебси аслула,  
Амру лебси наслула,  
Аваракьси Даргала,  
Авадан мез-Мисрила!  
Ассаламу гІялайкум

Асарлизи белшунти,  
Анкьилар тарум-кьацІла,  
Аршилар-гьаруш-хІинцІла,  
Ари буцес хІейрути,  
Алмазли гьярхІейути,  
Азир лугьат дузули,  
Арадираб дарган мез  
Миллат чебяхІбирути

#### НЕШЛА МЕЗ ДАГЬЕС БАГЬИ

БелкІес вирар балалли,  
БелчІес вирар багьалли,  
БелкІес, белчІес дигалли,  
Багьи, нешла мез дагьес!  
Бурес вирар жагали,  
Буруси кагахьили,  
Бурес, барес дигалли,  
Багьи, нешла мез дагьес!

\* \* \*

ВалкИкІули вашадра,  
ВамсурхІели кайрадра,  
Вархъли гъайикІен, вари,  
Вируцад дарган мезли!  
ГІевхІейула викІадра,  
Васвасличил дурадра,  
Вари гъайикІен, гъари,

ХІу вегІти дарган мезли!  
Вализину,гъайухъен,  
Вирудну дарган мезли.  
ВяргІибхІели-ванали  
ВихІури дарган мезли,  
ВанахІели-цІуэрли  
Викури хІу дяхІцІила!

### ЛАЙЛАТУЛ КЪАДРИЛА

Лайлатулла къадрила,  
Лаилагъа лайлала,  
ЛамдикІути дугъбала, –  
Дарган мез дила нешла!  
Мурхъдеш лебти мягІнала,  
ЛямцІ лебти зубартала,  
Ламартагар дугъбала, –  
Дарган мез дила нешла!

Лугилизир ризкъила,  
Лусентазир анцІилла,  
ЛугІяндеш бирлигІянтла, –  
Дарган мез дила нешла!

### ХІ У Р А Н У Р А

Ну-закра, хІу-зубарри,  
Нуша кІелра дарх сарра:  
ХІу-жунабла вавали,  
Ну – вавала варакъли!

Ну-дуцІрум, хІу-цІуэри, –  
Нуша кІелра дарх сарра,  
ХІу-гъавали, ну-гъигъли,  
Нушала дигай лагъли!

Ну-бацра, хІу-шалари,  
Нуша кІелра дарх сарра:  
ХІу-маркали, хІу-къарли,  
Ну-къарлизив мукъарли!

Ца агарли, ца лерли,  
Цайтира цІуръабиван,  
Цаван кІелра дарх сарра, –  
Ца чархли, ца уркІили!

### РАЙХІЯНАТ

РайхІян вавнала хала, –  
Рай гъярцІа мисри чатІа, –  
РайхІянат, наб дигайла  
Рашигу бара бутІа.

РухІ кадерхайчи дила  
РяхІму агарсив хІела?

РуцІар хъили къарлизив,  
РуцІерила изайзив, –

РуцІахъули уркІи-хІял,  
РацІиригу хІеблизир...  
РирхІерируд хІу хІялал,  
Риадлира алжайзир!

## Ц И Б А Ц И

Цяб дуги гъаббакѳбси  
Цаван алкунси икѳ бац,  
Цибацѳ, хѳечи мешуси  
Цуб магѳила саби куц!

Цуцѳиилра гъаргала  
Цуръаван неш агарси,

Тяп цѳурванра къаркъала  
Цѳимицѳай буцахѳибси.

Цѳибацѳ-сагал бац дѳила,  
Цѳибацѳ-бацѳ мургѳи дѳила,  
Цѳикури – цѳуба лагѳа,  
Цѳибацѳ-дѳигайла багѳа!

## Б А Р И Я Т

Берхѳи бухъалли савли,  
Уркѳи бирѳахъу гъавли, –  
Барсбургъуси дягѳ билшан,  
Биркѳантазиб цѳа алкан...

Бирсибси хѳела сипат,  
Барес дѳиги наб сурат: –

Берхѳилизир хѳу рарес,  
Берхѳи ил хѳезиб барес!

Берхѳилара хѳелара  
Агара гъеч декѳардеш:  
Берхѳила нур-хѳела хѳер,  
Берхѳи-хѳела жагадеш!

## Л Е Й Л А

Лямцѳгъунари зубрала,  
Лишангъунари бацла,  
Лякъир сарри хѳу дѳила,  
Лаззат сарри дѳигайла!

Лукѳлукѳири уркѳила,  
Лукѳуси дѳигайла хатѳ,  
Лишан сарри хѳулбала  
Лугуси биркѳунтас хутѳ!

Лайла бучѳа цѳуэрли,  
Лавшдикѳул аршили,  
Лейла, хѳела у гъанни  
Лусенти ихъис нуни!

Лерхѳели хѳу илгъуна, –  
Лерил нурли алкунси,  
Левра нура ишгъуна –  
Лами-цѳали ухуси!



# Нумачив гЯхИлагли

Дагъиста халкъла поэт  
Мирза ДАВЫДОВ



## ХАЛКЪЛА ГЪАЛМАГЪ

Чили хИелав чи саял  
Къучакъ МяхИяммадГяли,  
Сецад хабардерхурал  
Хала хИяким сайхИели?

Сегъунарил, чи сайрил  
Ил леблилра чейури.  
Алзули, тIашкалзули,  
Леблалра гьалав сайри.

Илини дарибтира  
Гъарилли дарес хИейри.  
Илини бурусира  
Гъарилли бурес хИейри.

Чилири калахъунси  
Россиялис ДагъистIан,  
Чилири тIашаибси  
Ил хИебалтуси душман?

Гъунарти сарри илди  
Цаличир ца халати –  
Гъабзадешла орденти  
ХИедаршили калунти.

Орденти хИедаршалра,  
Герой сайгу ил гъабза –  
Сунела жагаси у  
НяхИебарес виубси!..

Цакъяйда гъануршу ил  
Лебил ДгъистIа халкъли,  
КъакъабакIахъибХели  
Сагал хИякимта хИекъли.

Халкъ хИяйтХИебухъахъалра,  
ЦIумра хИебухъахъунгу.  
«Вайси вири» хИеахъес –  
Ца илра баибсигу.

ГIяжаибли жагали  
Балулри ил гъабзали  
Халкъла гъалмагъ ветарни,  
Халкъла шайчи кайзалли.

ХИякимла игъбар сабгу  
Халкъла душман ветХИеъни.  
ЧевяхИиз дигули,  
Тамай халкъ кахИебушни!

Илбагъандан илала  
УркIилис паргъатли саб.  
Хабарла тарихлизи  
Сунела у белкИи саб.

Орденти хИедаршалра  
Герой сайгу ил гъабза –  
Сунес гIелабад вайси  
Гъай хИеахъес виубси.

Илбагъандан илала  
УркИлис паргъатли саб.  
Адамгала хІулбази  
ХІерикІес вирули сай...

Дудеш илгъунахІели  
Гъубзни саби дурхІнира:  
Цаличиб ца ахътира,  
Цаличиб ца хъярхътира.

Урегал дурхІя-рурси  
Диргалали ахІенри.  
Гъариллис дунъяличиб  
Мерра камли ахІенри.

Илбислис ил гъарзадеш  
ГІяхІбилзули ахІенри,  
Илдала гъуйчибад ил  
Уббилзули ахІенри.

Идрисличи хІярхІяван  
МялГунна хІули агиб,  
Илбисла хІуйзивадли  
Илис верцес хІебикиб.

ГІяйибри гІянжилизи  
Ил жан дигІянавares –  
Сепайда – хІебиркули  
МялГун буцес, гІяндбакІес...

Жиндла хІуйзи хІебикес  
МяхІкамлири гІелапти.  
ИмцІали шадбирулри  
ХІяжимурадли бегІти.

Тяп мискинтас абхъибси  
Тукенгъуна сайри ил –

Кепек агар башантас  
КъяпІхІебируси бекІлил.

«Агара, хІейрус» хІейкІи,  
Чи вакІалра айцІахъи.  
Барес гІягІниси бири,  
Бирис ибси бекІбири.

Лугуси – сахаватли –  
Някъ бицІахъили луги.  
«ХІу варкъиб нешла кани  
Кунгли белкІ», – или булги...

Иличира хІярхІяван  
Илбисла хІули агиб –  
Даршнякъла бурямливан  
Някъбазивад хъямвариб.

ГІяйибри гІянжилизи  
Ил жан дигІянавares –  
Сепайда – хІебиркули  
Илбис буцес, гІяндбакІес!..

Селилра хъумхІертахъу  
Илини барибси гІяхІ.  
Селилра кІапІхІедиру  
ДурхІяла шалати дяхІ.

Къудратла вегІ Аллагъли  
ВатхІетесгу ил дурав,  
АцІахъесгу алжайзи  
Бахъал булгантас гъалав.

Къудратла вегІ Аллагъли  
ЛайхІекІесгу Идрисра.  
Ца мер бетаахъесгу  
Узичил барх илисра.

*Шурб. ХІябиб КЪУРБААНОВ*



# Тавсулт-Иан Сяг-Идовлис - 70 дус

---

**ГІябдулла ВЯХІДОВ,**  
ДГУ-ла филологияла факультетла  
Дагъиста халкъанала литературабала  
кафедрализибси литература хІялумціуси  
Центрла руководитель, профессор.



## ДАРГАЛА ЛИТЕРАТУРАЛИЗИБ САГАСИ У ВА САГАСИ ЖУРА

Пагъмучевси адам дахъал анцібукуьназив чеэс виар. Писатель-тира ца декІар журализибцун хІебирар дакІубулхъути. ГІяхІмадхан Абу-Бакар, масала, хабарла, повестьла, романна, пьесала уста сайливан имціали машгъурси сай. Илкъяйдали, илала гІяхІцад назмуртира лер. Сулайбан Рабаданов поэт ва прозаикцун ахІен, ил машгъурси драматургра сай.

Дахъал журабар (жанр) бетаурли саби гъанна даргала литература. Илизир сонетунира сонетунала халубира далли дакІудиубли сари. Амма ишбархІира нушала литературализив басняби лукІан агара. Ил жураала белкІанала уста сай или декІарвареси цалра писательра агара. Дунъяла литературала тарих-ургали даргала литература ахтардибаралли, ил анцібукуь аргъеси бургар. Басняби лукІути автортала уми дунъяла литературализирра дахъал ахІен. Жяв заманала грекунала литературализиб басняла жура акІахъубси ва гъалабяхІ арбукибси сагаси манзиллис 6-5 даршдус гъалав (6-5 вв до н.э.) Эзоп сайри, Римла литературализив – сагаси манзила І-ибил даршдуслизив хІериубси Федр. Индиялизиб машгъурси саби «Панчатантра» (3-ибил даршдус) бикІуси жуз. Сагаси замана басняби лукІан Францияла поэт Лафонтен (1621-1695 дд.) машгъуриуб

ГІярасайлизиб баснябала авторти сабливан балути саби А. Д. Кантемир (1708 – 1744), В. К. Тредиаковский (1703 – 1769), А. П. Сумороков (1718 – 1784), И. И. Дмитриев (1760 – 1837). Баснябала бегІлара урибси автор сай И. А. Крылов (1769 – 1844).

Дагъиста литературализибра басняби лукІути авторти бахъал агара. Илди саби кІарахъан ХІямзат ЦІадаса (1877 – 1951) ва урус мезли лукІуси Нариман ГІялиев.

Даргала литературализиб баснябала цаибил жуз гъанна саби ду-  
рабухъунси. Ил хІушани, ахІерти жузи дучІанти, гъанна някълизи  
касибси ТавсултІан СягІидовла «БецІла децІ» бикІуси, сунези 43 басня  
кадерхахъурси жуз саби.

Литературализила гІилмулизиб басня эпосла журала произведе-  
ниебала цализи халбирули саби, лиро-эпосла журала саби бикІутира  
лебли биалра.

ТавсултІан СягІидовла баснябира цаибил журалайчи имцІали ме-  
шули сари, кІибибличиван ахІи. Илдазиб, къяйда сабливан, мицІира-  
гличила хабар бурули саби. Жузлизирти 43 баснялизирад вецІличир  
имцІали бецІличила сари. «БецІра гІежара» бикІуси басня цІакъси бецІ-  
ли цІакъ агарси гІежа сен-сен алжайзи бархъибал гІинтІси хабарличи  
белши саби. Дарган авторла хабарли И. А. Крыловла «БецІ ва мукъара»  
бикІуси басня гъанбиркахъули биалра, бухІнабуц хІясиблира каргъни  
хІясиблира ил саби бегІси белкІ саби. «БецІра гІежара» бикІуси бас-  
нялизибси жанивар гъала-гъала гІямултар жанван гъалабилзули саби.  
Илис гІежа биргІябиргес имканбикІули саби. Хабарла кІелра геройла  
ихтилатлизир сари произведениела бухІнабуцра илизирти мицІирагла  
хасиятунира гІячихъдирути. БецІличил хІяжли букъес къабулбикибси  
ахлах гІежала баркъуди авторли дигІянбирули ахІен. Саби гІежани-  
ра балули саби бецІла тамяхІкардешличила – илиникІун гъаларван  
сунела хІябал гежба дергунтири. Даргала ва цархІилти халкъанала  
хабуртазиб къаршибиркуси сюжетла анцІбукъ саби басняла авторли  
пайдалабарибси.

БецІлис дигулиахъибмад ГІежа бергес сабаб дакІубирули саби,  
«алкІули саби».

**– Ну гушлира, бяргІилра!  
ХІеръа дила куцличи,  
Ну къабулли ахІенра  
Ишгъуна архІяличи!**

**Гъари бурхъури хІура  
Гежбуначи алжайзи.  
ГІур дус букъес бирусгу  
Тавбадарес хІяжлизи!**

Хабар, чебиуливан, гІежала къисмат арзничил таманбирули саби.  
Амма хабарлизибад басня бетаахъес илала ахирличиб (бехІбихъудлизиб  
хІебурили биалли) бекІси мягІна зайбухъес чебси саби. Дахъалгъунти  
хІяланазиб ил пикри хабарагарси бирар. Ишабра ил къяйда саби ав-  
торли бузахъуси.

**ВерхІна хІяжли букъялра,  
БецІ саб бецІли кавлуси.**



Нушала манзил, СССР дарбадягъинбариса замана, цаьктани – хIякимтани (буцIани) цаьк агарти (гIежни) чус дигугIеб лутIуси бархIи бакIнили кьакъавакIахъиса авторла масхара (ирония) бухIнабуцили саби Т. СягIидовла хабар-басняли.

Нуша хIердируси бархиса, бархьагарси дунъяла хIял-гIямайчи лишанбирути цархIилти белкIанира лер иш жузлизир. Илдани дарган автор бархьагардеш балтIуси гражданин виънилис бикъридеш дирули сари. Ил «гIямрула ургъур чузи буцибтачил» кьабулли ахIен, «берхIи булан» чула вегIдешлизи буцес аварали биркьутачи» къаршили сай.

Нушала замана къаршидиркути дархибдешунас бикъридеш дирули сари «ЭмхIела орден» бикIуси басняла сюжетлира. Ибкьли бузули хъубзар эмхIели сархиса орден гъямбикIули яшав бируси хяли сунес кебисули саби. ЭмхIели сунела кьакъличир хъу гIявабарес дек дихули саби, хя биалли ил замана, хъябличи орденра баршили, кьапула гъалаб гъямбикIули саби.

Басняла кьадри саркъиса пикри бурнилизиб, илизиб насихIят лебнилизибцун ахIен. Илизир назму каргънила устадешра, дугъбала зайдикIнира диэс гIягIнити сари. БекIлибиубса мягIна саркъахъили ва хъумхIертесли каргъурли биэс гIягIниса саби. Нушала автор биалли ил мурад сархесра бажардиикили сай.

ТавсултIан СягIидов журналист сайлин даргантани жьвлил ункъли валуса сай. ВецIани дусмазив республикала газетализив узули, илини дарган мез чедетаахъили дяркъур. Иш жузлизирти балкIананира илис бикъридеш дирули сари. Жузлизир лергIер гъардизурти дугъбала цалабяхъуни, пасихIти пикруми, буралаби лер. Авторли баснябицун ахIенну, назмуван каргъурти хабуртира лукIули вирар. СягIидовла басняби гъамадли ва иштяхIличил делчIести сари, цацадехI баснябазиб сюжет булан леб. Ну вирхула нушала дурхIнас Т. СягIидовла басняби гIяхIдилзниличи.

ДекIарли гъанбушес дигулра «Хъисхъала души» бикIуси басняличила. ВацIализиб бецIлира цуралира ресторан абхъили саби ва шадлихъличи вацIализирти мицIираг жидарили сари, ил лугIилизир – жанивартира. Авторли дакIибти мицIирагла хIял-гIямал лергIер жагали сипатдарили сай, илдала гъай, хасиятуни делкIи, никIа бучIанти разибурули сай. Ахирличиб бурибса пикрира дурхIнани гIячихъли аргъеси саби:

**Адамти-ургарра лер  
Тяп илди гIядатуни:  
Ца сай халал генерал,  
ЦархIилти – солдатуни.**

**Дагъистан кабуцили,  
Бершили души саби.**


**Аллагъван кабили,  
Ца бухъна хъисхъа саби.**

Жузлизир мицѲирагличила ахѲенти белѲанира кършидиркули сари: «КѲунтѲира мухѲлира», «Тупангра хѲярхѲяра».

Къяйда сабливан, басняла геройти, персонажуни мицѲираг дирар. Ишар деклардарибти кѲелра произведениелизирти геройти, персонажуни – хѲярхѲяра тупангра бархъдеш баргес, чи саял (сабил) адамла жан айсуси гѲягѲниахъала багъес къайгъилизир сари. Амма ил бархъдеш баргес гъамадли ахѲен. Ахирра -хир якъинбирули саби ил баркъуди тѲуйзибад биъни кабиркуси. ХѲебиалли адам сай лерилра баркъудлуми дехѲдурцуси ва илди детурхахъуси. Адамла къадри-къимат, илала дагърила мягѲничердеш черяхѲдирули сай авторли басняла хабарлизир ва илала ахирлизибси насихѲятлизир.

«КѲунтѲира мухѲлира» бикѲуси белѲлизибра насихѲят саби къадри-бирахъуси, мягѲничебси, хабар ахѲенну. Илкъяйда биубхѲели, басняла къадри-къимат камдирутиван, илди детихъутиван гъанарули саби. Хабарлизибад ахѲи, авторла дагърилизибад, ибкъдизурти дагърилизибад насихѲят дурабулхъули биалли (бархъли буралли, авторли дурабулхъахъули виалли), басня бухѲнабуцлашалра каргънилашалра гъарбилзули саби. ТавсултѲан СягѲидовла жузлизир илдигъунти белѲани лер. Авторли басняла хасдешуни дяркърли сай ва сунела жузлизир илди сунес имканси даражаличир детерхахъурли сай. Илбагъандан жуз даргала бучѲантани чус савгъатван саблин къабулбирниличи умут леб.

Иш статья филологияла гѲилмуртала доктор, критик ГѲябдулла МяхѲяммадович ВяхѲидовли Дагъиста жузала издательстволи 2018 ибил дуслизиб дураибси Т. СягѲидовла «БеѲѲла деѲѲ» бикѲуси басня-бала жузлис гъалагъайван белѲѲунси саби.



Тавсултан СЯГИДОВ

УМХИАЛА СУННАТЧИБИ

*Хіяйвантала тухтур ветаз хЛебикибси  
Дядя Мишас ва хабарла масхарачи Къасум-азис  
багъишла*

«Перестройка» бикІуси  
Мусибат хъурабиуб:  
МухІли бурдибси Нясли  
ЦахІнаб пачалихъ бехъуб.

ГІур вакІибси держлукъли  
Дургъби булан адикъур.  
Алжан лушулра или,  
Жагъаннаб кабизахъур.

ДиштІа махъурби булан  
Базургачи шурдухъун,  
Хъулкнира хъямчибира  
ХІекъли тамай батбухъун.

Арц дикибти лебилра  
ХІякимгачи шурбухъун.  
«Нушара хІушачилра» –  
ЧІинкІирти барх уббухъун.

Писки викІул бетаур,  
Бархъси илцадра илцад:

Шел дус гъалаб эмхІелис  
Лугулри нешер кигъа.  
ГІяргІялайчи кабикиб,  
Марли, эмхІела багъа.

Ца-чумал вацІапІакъли,  
Асили марга умхІи,

1.

« Вирулрив – аса, бица,  
ХІейрулрив – мухІли буца!»

«ХІянчи агара» или,  
Жагъти дура гъаббухъун,  
Ца-чумал дусла духІнар  
Шими тамай дацІдухъун.

Бухъна-хъаяби саби  
Шимазиб убкалунти.  
Илдира арбукалли,  
Сари дацІли кавлути.

Пайтли сари ишбархІи,  
Дахъ жагати мер-муса!  
Илдазибад се леба,  
БацІли биалли киса?

Дявтала дусмазибра  
Ишцад балагъ хІебакІиб:  
Халкъ тІутІукабиубли,  
Анхъгъуна ши бекІахъиб.

2.

Марли, калун лебил ши  
БирцІули дягна хІилхІи.

БуцІа кадуршулихъар,  
АхІен тамандирули.  
Базарличи дукалра,  
АхІен илди исули.

Эмхели хъу далцули,  
Лебри яшав бирути.  
«Цябти» бетаурли саб  
Гъанна ванза белгути.

Гидгури асес булан  
Шагъарлизи башули,  
Шимазибти пакърта  
Яшав саби лушули.

– Наб ца дагъара биур!» –  
Виклар мешебей Гядус.

Челис-че гъар шилизир  
Дахъдиклули сар дягни.  
Тамашагу илдачи  
Беклил хяжатдеш агни!

ДурхИни сабри кеплизиб  
Умхачиб кабулхъули,  
Умхала гяскургачил  
Хязла «дургъби» дирули.

– Буци, делкъи, дусулил  
Агара детахъили.  
Умхала тайпа саби  
ТинтIбиклули бяхъили.

Къули адикъадалли,  
Хушаб держес ниъ дирар.  
Умхазиад се леба?  
Дарая илди агар!

Дягни чердушес гямал  
Хейрусив пикрибарес?  
Хяйван-къачалис мура  
Вираргу мяхIкамдарес! –

Къасум-ази сай дягнас  
Цаагили ургъули.  
Шилизир зигаръала  
Жявллил сарри иргъули.

Гъарушлицун ужули,  
Хериубгу абзур дус!

Хъуми дузахъухели,  
Эмхеличир дек дихи,  
Янилис урцул дяхъес  
ВацIализира дики.

Шин кадухес гинзирад  
Дири хяжатдиркули.  
Ши духIнар гинзурби лер –  
АхIен умхИ дикули.

3.

ХилхИ калун ца хьяша,  
Эмхели лардяхъили,  
Ца хуйзивад даимлис  
Тамай мяхIрумирули.

Илала аба лерри,  
Гумайлар вявриклули:  
«Эмхе чебаахъая,  
Миршли лугъас!» – риклули.

4.

«Зулкъарнай» бихъили сай  
Эмхелис ца мехIурли,  
Сунела бихъниличи  
АхIен ил шакикили.

УмхIас уми дирхъулри,  
Абзлизи кабизурли.  
Гъанбикиб, шилизиб леб  
Бахъал пачни бузули:

Чянкайши, Наполеон,  
Саддам ХIусен, Къаддапи.  
Цуба пачала хури:  
Ярмуд, АргъутI – кIел дабба!

Ца дягас Чубайс бихъиб  
Мешебей Гядуслира,  
Чубайсличи мешуси  
Сабгу хIекъли сабира.

Ца хІукІус «Пеле» бихьиб  
Шинкъанкула ХатІабли,  
ГІямрулизив цайналра  
ВиркъХеркъалра сай тапли.

«Илди хІяким умХІачи  
Налог чебирхьис» или,  
Юзбаши булан леври  
СакІубли чІяпІвашули.

«Лерилра хІед ардука,  
Сарну нушаб детІили! –  
Юзбашира тІашаиб  
Бухьнаба вявбикІули.

УмХІачи цІахси налог,  
ГІанбиркур, чебихьили.  
Лерил дугІеибтири,  
«Дила аХІен!» бикІули.

ХІяйван тухтур ветас  
Дила уна учІулри.  
Рах-махли шилизира  
Ил нешличи вашулри.

ДуцІрум каникулгачи  
Дурайкибну МяхІяммад,  
УмХІи дурхъахъес уциб,  
Ил шилизи вакІибмад:

– Нушала умХІи дурхъа,  
ХІед багъара лугехІе,  
УмХІала суннатчила  
ХІед ца ура бирхъехІе.

Бурхьибсилис шел тумен  
Багъалисра лугехІе.

Мишази Къасум-ази  
ВикІар: гъари валкъаи,  
Ну викІуси барадли  
ХІу нушаб юлдаш сайри.

ДугІкаибти умХІала  
Илхъницад хІункъри лерри.  
Церхътигъунти дугули,  
БуцІи кеплизир сарри.

Хъуми дацес, дуцили,  
Дуразлизира дубги,  
Хъу баци, гІур, ванцІбухьи,  
Шила дура дугІии.

«Аравираб Никита,  
Нуша азадатурси!» –  
Разидиубти умХІа  
Митинг сабри барибси.

Илгъуна азадешлис  
Митингра камбизурли,  
Хрушевлис хор белчІун  
ХІяблизобра бакъесли.

5.

ХІуни барибси гІяхІдеш  
ГІямрулис хъумХІертехІе.

УмХІи дурхъахъес пикри  
Къасум-азила сабри.  
Гумайла агълулира  
Ил гъабза гІевурцулри.

«Азаддухьи думгули,  
Ишда дунъя бирицІахъу.  
Къажуртас дирцулицун  
ХІедухъар нушала хъу.

КъапІни дирул устасра  
Ца бархІи тІакъа билгъа.  
Датира пуча пишни –  
Булъанну шила багъа.

6.

– Ишди хІянчи хъардиркни  
Балусилра виасри,  
Шилизира хІякъяси,  
Я тухтур ветХІераси.

УмхИи кадикахъесра  
ГІяГІнитигу гъамбалти,  
ДацІти някъбачил умхИи,  
Нуни севан ухъути?

– Гъамбалти викІенгу хІу,  
Сецад-дигара бургис.  
Дахъал гъай хІедарили,  
КъисикІес вехІихъи, къис.

Шила дублаб, майдайчиб,  
Бемжур умхІачил гъаза.  
УмхІала лихІби дурцес  
БехІбихъиб чумал гъабза.

Дядя Мишани кункли  
Ца бурхъили бекІбариб.  
Кункбиубси абдалли  
Абизурли делхъ дариб.

– Гъари, иш нуни ухъис! –  
ВалхІелзану ГІялибег.  
Къасум-ази ургавхъун:  
– Бати, саби бецІли берг!

– Ма иш дисну, вехІихъи! –  
Пишяхъиб Дядя Миша. –  
Ишдази чебаахъес  
ХІуни бируси пиша.

– ГІялибег, гъала-гъала  
ХІуни ца дагъа бурхъа,  
ХІезиб се гъунар лебал  
Нушази чебаахъа!

– Дядя Мишани-декІар  
ЭмхІе чинаб бурхъибсив?  
Веттехникумла азбар  
УмхІа-мага бицІибсив?!-

Вижгурли сай ГІялибег,  
Дяга бурхъес дигуси,  
Дагъаалра сунени  
АхІенкъира бурхъибси.

Алтав, жибара гъари  
Нушала багъадурти!  
ГІебшникІун гулмас бугъни  
Илда дирар лугъути.

Халати дегІ кІерти сар  
ГІевдухълизир къямцІнира,  
ХІяжатдикалли, дургис  
Маза лугІян лухІцІнира.

7.

– Ишди хІукІуби дуэс,  
Аргъа хІуни дила гъай,  
Валруми ухънилизи  
Кабихъира нуни пай.

Къара-къумла туркмента  
Дурхъахъибтири набзи.  
Къулукъми къутІдарнилис  
ГапбикІули хІебумси.

Къасапчиван илхІи сай  
ХІяйван тухтур хІилизи.  
«Лардирхъу, къяшми дигъен!»  
БуйрухъбикІар илизи.

– ХІушани балухІели,  
Сен ухъахъути набзи?!  
Гъари, Халид, ману къякъ,  
Цалра бурхъес вализи! –

Майали кІантІикІули,  
ВехІхІелзану къасапчи,  
ГІевдухъла мегъла къямцІни  
ЛайдикІули ца шайчи.

– Ягъари, Дядя Миша,  
Кигъмиригу ухъути  
Ставропольлизир нуни.  
УмхІи чинар дирути? –

ГІякълумавгъуси Халид  
ВикІар, дигІяниркули.  
ГъатІира гъимукІили,  
Къасапчи сай викІули:

– Дяхъурбилра дигъахъес  
Гая испиртла шиша,  
Ишди умхІи дебкІалли,  
Дургъудая наб хІуша!

– Дила Маргучлис селра  
Юх, ахІерахІебирис,  
ДуцІли рякъи, испиртла  
Ца шиша дурабуршис! –

Хъаршан Балкъиз сарри ил,  
Шарра руриб базриган,  
Чи се хІяжатбикалра  
Умусназибра бурган.

Балкъизли хибси шиша  
Къасум-азини сасиб,

УмхІала чІяр хІебакъес  
КъяпІдирулри улкъайти,  
Къулекъа хъямбарили,  
Гъардулхъулри лакъайти.

ХІябал хІукІу бекІдарес  
Дядя Миша валкъаур.  
Къасум-азини ахъли  
Перерывра багъахъур.

ХункІара гъакІрикІули,  
Ахъли вявра рикІули,  
Рарскъа гамъа Бактика  
Сари дурариркули:

– Дила цІудара ГитІлер  
Балтулрав хІебурхъили?  
ХІушаб дигулрав кали  
ГитІлерла къур берхъили?

Бурхъили бацІбарили,  
Ил ГитІлерра дугІеиб,  
Дирцили някъби, лебил  
Къумур-алав кабииб.

ИлхІейс делхъи далкъаур  
ШамхІиндала диъбира,  
Бизили тІембикІулри  
Шалубала чІишликра.

ЛутІилизи байики,  
Цалабикибгази иб:

«УмхІачи детикайчи  
Нушала испирт леру?!  
Ишди умхІа держалли,  
Лебил дунъя булъагу!»

Къасапчизи «Дерхъаб!» – иб,  
Истаканра бержили,  
Ил хункІличи сунтІикун,  
Нургъби гердикІахъули.

Къасапчис либхІли бицІиб:  
«Ма, башахъен!» – викІули,  
Мукъалла чІишикІличи  
ИштхІли къацІилкули.

8.

– Гъанна бикайчи чинар  
Калунрил бура хІуни?  
ХІела ГитІлер кабука,  
ИбгехІегу нушани? –

ГитІлер дурабикахъиб,  
Сари мурдариили,  
Унрара къужикІулри,  
ГІелавад увяхъили.

– Иш бурхъес хІейрус нуни! –  
Дядя Миша варсяхъиб.  
ГитІлерличил вяхІяхъес  
ГІяркъила бержахъиб.

– Иш ахІенну, ГитІлерра  
Урхъибсири нушани! –  
Супелти къартІлукІули,  
Буриб Къасум-азини.

9.

Чилирил дурабушиб  
Чягъирла пушункІара.  
Къасум-азини илаб  
Буриб цІакъси чархара:

– ХІунтІена партизанта  
Деникинна цІубабас  
ГІяя-къакъалабгъуна  
Кабяхъ барра лихІбартас.

Баркалла балахъула  
Нушала Дядя Мишас.  
Гур дягни камдиахъес  
Бирехе нушани къас.

Гур марга асибсира  
Шилизив валтхелтехе:  
Эмхеличи атурли  
Шилизивад урктехе!..

Дядя Мишас лебилра  
Сабри гапкабиклули,  
«Ишгуна янзу левни  
Игъбар саби», - биклули.

Ил замана майдайчи  
Малла дурахеркуру,  
– Умхи дурхьибти хлушаб  
Халал бунагъ биургу!

Малла вархъли увухъун,  
Бурахъая хлушази:  
Гергъила бархи савли  
Ши бикиб гъай-мезлизи.

Къасум-ази дурайкиб  
Мишала азбарлизи,  
Ахъли вявиклули сай:  
– Миша, хъярхъики, айзи!

– Айзес ахъри агара,  
Виклулрагу ну хлези!  
Бекра бучлули саби,  
Се диги? Бура набзи.

– Даг нушани дурхьибти  
Чумал эмхе алхи сар,  
Нуша дурхъес дигули,  
Бегти дурабухъи саб.

Туркментачиб илди дус  
Дигянбикили калун.  
Гъай-мез дебкили гергъи,  
Келра хъули чарбухъун.

Жагъаннабла цализи  
Гъуни буцилраягу,  
Бусурмандешлизибад  
Цахнаб ши булхулигу!..

Чишлик халбаресра ил  
Сеналра къабулхейкиб,  
Гясали къутиклули,  
Шилизивяхи гелайкиб.

– Бунагъуни душкахъес,  
Урхъехе иш Хияжлизи, –  
Юзбашини путевка  
Мишас бедиб някълизи.

Бунагъуни ибгили,  
Чарухъунмад шилизи,  
Депутатли вирктехе,  
Узахъес Думализив.

10.

Валкъаи, лябкъулину!  
Шилизирад дубшехе!  
Ца-кел дус дигяндикес  
Туркментачи аркъехе!

– Дуги муэрлизив ну  
Хияжлизи вякъунрагу!  
Чинарал дила дабри,  
Даргес вирхейрулрагу...

– Муэрлизиб биалра,  
Биур хлуни бариб хияж!  
Шанти лябкъули саби,  
Гъяждирура нуша, гъяж!

Няхъязи музаличив  
Гевваайчи гашилзас.  
Ху урхъили хейгадди,  
Бара наб гевваэс къас.

11.

Илди жявлил агара,  
Амма хабурти лерал.  
Умхира паргъатли сар  
Гъанна шилизир сенал...



# Зубурти

Нурулгьуда РАЖАБОВА



## ЗУБАРТИ ДИЛШУХИЕЛИ

(Хабар)

Дубурла шилизи дурадерибти архІябала ца гьаннара набзиб гилди-бикІули лебал, гьар саби гьанбикибхІели уркіи шалара сайхъахъули миъра биргІяхъули.

... Дила пикри селичиларил саби-ургаб иштяхІли гъайбикІути хъунул адамтала кьукъяли битІакІиб. Илкъяйда ахІенара шилизир гІергъити хабурти гІинтІидирути? Хъунул адамтала кьукъя Муршила гІинизла дублаб сабри. Дила кьяшми сари-сарил иладяхІ датдихъиб. Сецад замана арбякьив наб шила сагати хабуртачи лехІахъес хІебикили? Хабурти биалли, гьарли-марли хІедакьили урхІедухъун.

– Хъаршан ГІялила рурси Марзи Ставропол Валила уршилис ураркьили сари.

– Валлагъ, хІерургар?

– Сен хІерирусив, даг дуги сукни бякъунтазирад цали наб бакъукъла пай бариб биалли?..

– Гъуя, сен виъсара Марзира рикахъили, ит барха кани Салав? Тракторла мерлаб «Жигули» бикес биркур... Балули баргеси мер?

Гур гъай колхоз совхоз бетаахъес бахъхІи агарли районнизибад хІякимти лябкъниличи шурдухъун, гІур – чинаб-сабил Америкализиб бирусинейтронна бомбаличи...

Гур...

Хапли дила хІулби ца рухъначир тІашдизур. Ил цархІилтиван ихтилат-лизиахъили ахІенри, гьарилли бурибсира сунеласун аргъили, суал – жаваб агарли ритІли тІашризурири. Илала хІер мякълабти хъунул адамтачи ахІи, дакъа аргъ биухІели бяхІчиси лусенничибад гІелабиркуси БерхІила нурличи атІири. Илди хІулбазир дуцІли ардякъунти дусмала децІ-хІерзи сарри.

Ахирра гъай-мезлизи ахъибтира батурли, ил сарицун ратрихъиб. Илис гІергъи – нура.

Илала юрт хъаршаб сабри...

Нуша келрацун калунхели, ил набчи херризур, дугъаризур:

– Ну жагъхели талихчерли рирасил, дигай цаьктирил хъарбаэс дигулрив? Хуша, жагъил хъунрала хасият нуни балула, нура муртрил хушагъуна рираси. Итхели хилизир берхила нур гъудурли дири. Гъанна илди диргули сари. Набчи иша ракес биргъебяхъили гергъи, лехлахъи. Кари, гъари, сен ташлири?

Сари тахла дубличи карили, илини наб пижла мякълабси ута чебаахъиб. Ну карибхели, ил аризур.

– Гъаланачи хед нуни гъахъадеш дирис, дила рурси. Бегтала гъадат илгъуна саби...

Рухъна цабикъайзи рархахъили, ну гъаргала дурурухъунра: шагъарлизир агарти, гъамаматли къаркъли кадизурти алавчарти шурми, дубурти хулаба чедидяхъира.

Маркачилис, берхи чеббикнилис тамай цяббууб. Итаб ца, ишаб цархил – цалис гергъи ца дакудулхъули, гела глебшила аязси закир зубарти дакудулхъесдахъиб. Чинаб сабрил, хъарзабла шайчиб тьп рухънала миршван балкунси, хъабал бархила бацла къяли дакубухъун. Илдала – бацлара зубарталара – удир лехли, цударли кадизурти лусенти, чули алавбуцибси ши батахъесван ахи, набчил дарх рухънала хабарличи лехлахъес хъадурдиубтигъунтири.

Тмахъедарили, ну хурегличи жирарес ил дурурухъун. Цябдешлизиб бетихъуси къалали, ил бихули ташти лусентани, херклар бяхъиси вацалара бархси – табигъатла кахъебуруси макъамли ну ясирруцилри.

Гъу, жагасив нушала зак? Гур чинаб бургида хуни ишгъуна жагадеш? Хед се имцали гъахъилзулив? Херриси ита, къалала дукайуб ишабхъи гъамбикуси зубарличи... Ит тебгу, беглара шаласи... Ит дила зубар саби, арагъеб дилара ахен... Гъар бархи шурличи кабицур. Хъуланазиб биалли чуйна набчи абацъиба. Даимлис дилали бетаур! Хъуммартид – хъуланазиб!.. – ва рахъли, сунела къабхъевдуси херли иличи вякъризур.

– Хера ит, илала дъахъичибад пишяхъни уббицули ахен. Илис се-сабил дигусигъуна сай, амма гурра чи-саял диргалаухъун. Хера, гурра ил набчи херикули! Чехъейулрив гъари?!

Гур ил, къапдарили хулабира, кунтба серил шивкивбирули, рахъли калун. Ил зубарличил гъайрикулри, ну мякълар лерниличи шакрикили, хапли муэрлизирад черсаргъибсиван, риклар:

– Раши, дила рурси, къацли дукъехе, кинайс даимбирис, сен ил зубар дила хъуланазиб калунсил.

– Неш, нушаб ишар, гъаргалар дукес асухъебирару, ик (нуни зубар чебаахъира) цунхъебухъахъи, херли кахъебатурли?

Рухънас дила пикри гъахъибизур.

Ил, марлира, тамашалари. Къумурлаб – нусбала чуду! Чинад багъура гъатли илини ил наб беглара дигуси хурег биъни? Гъанна релкъайчи рукас бахъли хъебикбси чудули или ралризурли, чудула бутла урбеш гъудурси нерхлизи чегибхели ва мухълиличи гъамбирухели, наб ахерси неш гъанрикиб. Ил темли ил набзи мурталра гъанрирахъу. Ягълаблаб нерхра урбешра гъудурдируси нешла някъбира!..

Гъанна? Се калив гъанна илизибад? Гъанбикесли саби, дахъал секлал гел-

лар датур или. Амма пикриухъалли... калунси ца баццдешцун саби. Гьалар ну ахIерси хъа луцра макъалатIисливан ритIикIира. Селра ва чилра гьалайзес хIейри ну ила къалабахIерикахъес. Ну чучи ритIикIути луцри дуили ахIенну, нешла малхIямти, уркIецIила някъби ва хIулбала ванаси хIер дуили сари. Гъанна наб илдала мер сели бурцув? Селилра хIебурцу!.. Гъанна биалли, ну чинар риаслира, хIябрала байлабси ца гIянжила бекIали ритIикIулра, сунела чедибра нешличи мешули ахIенси, бяргIибси ва салам агарли лехIси цIелда гIашси. Амма ну сеннира иличи рашулра ва рахъхIи гъайрикIулра, дила нешличи зугъахIебиахъес тиладирикIулра. ИшбархIира ну илар калунра. Чедир гьардакIибти вавначи хIерризайчи, дила уркIиличибси хIял муэр ахIи, хIекъси хIуруцI биъниличи рирххIерули калунра. Сен илцадра къяркъсири хIу, чара-агарси хIуруцI? Сен агарсив гъанна набчил рарх дила неш? АсухIебираргу къисматлис илцадра къяркъсили биэс? ХIебиалли иш дунъяличир къутIкъуси хIуруцIра жапаси муэрра, чисалра селра хIебиубсиван дарх хIеркадирули сари...

...Рухънази дила уркIили лукьути черхIедагъахъес сецад ну къайгъна риркъасра, гIяхIдеш аги. Сурс-къакъарлизи белсунси чIичIалаван

барцбикибси децIли итцадра наб дигути чудни хъумартахъур. Хала неш Зайнабли набчибси аги багъур, сецад ну разисила гIердарес рузаслира. Наб ну багъандан цархIилла уркIи бамкъахъес хIейгахъис. ИлхIели ну паргъатрарес дурути Зайнабла дугъба илцадра халаси асар бариб, хIятта гужли дихIути, духIнар къацIдуцибти нургъби цагъакIли дурадухъун. Сурс-къакъарлизибси гIянд нургъбачи шурбухъун. Ге, хъунул адамливан хъунул адамла уркIи чилилра хIергъу. Нура паргъатрирули, ну регIси шишимала чебарбукес къасли, рухънани сунела хабар даимбариб.

– Рурси, хIуни дубурти къалурбигъунти сари ири. Марлира, хIела гъайлизиб къалп агара: жявхIелла манзилтазир илди лусенти–дубурти къалурбили дирутири, чили балав чис чизибад берцудилис ахъдиубтил илди? Цалра душман шилизи ухIнаикес хIейри, шила кIелра дублар – лусенти ургар дебати къапу дири, яргали шила мурул адамта илаб къараулра бири. Наб биалли язихъдилзути, душмантала къяшмани ганзкадирути илди къапула дурарти вава–къар гъаннара нушара дерцахъабаягу или вьвдикIутиван дилзули сари. Дигахъиду хIед илди? Агъ, сецад ва сен–сен жагати сарил нушала дубура баршибти вава–къар! ЦацахIели наб гъанбиркур: илдани ахIенара дубурлантас чархла тазадеш, кахIебурхуси жагъдешла гъав бедлугуси или. Вавни нушачир янилизир деткайхъур, Мисрилизи арцурти вяр–гъурла арцантиван гъакIухъи. Амма илдала мер дубурта бурцу, сари вавначи шурдухъи. Халати къаркъала вавни! Ил багъандангу илдани тяп саби инсантиван хумардиресра, разидиресра, шантаци къиян бакIибхIели гъаладизесра балуси. Илкъяйда гIяхIли мяхIкамли гъунибалтесра адамтала дигIяндешуни дигIянали дихIесра къайгъилизирти. Рирхарулрив, рурси, нуни бурусиличи, ахIенрив? ЛехIахъи хIебиалли, нуни къяйда дубуртанира бихIуси ца дигIяндешличи. Дубурталайчи инсанна сабур абиркуси буили ахIен, илис – адамла уркIилис – сунес ил шала цIяббийчи чизи-биалра бурили ил дигIяндеш гIелаб калахъес, мицIирли калахъес дигули саби.

Рухънани хала гъигъ абатур. Илис гъава хIебиусиван бизур. Гъачам гъатIира закирти зубартачи ва бяргIибси Бацличи, гIур биалли бусес хIядурбиубси удибси шиличи хIерризур.

Илала гъигъла макъам къадалабад бучули аркъуси хІеркІла тІамалицун сабри булъуси...

– Ит дуги, рурси, – бехІбихъиб рухънани сунела хабар, – зубарти дубуртачи кадацІили къунздикІутигъунтири. Илди, уббилхъла хІязли диркъутиван, ца итаб, ца ишаб, лусентала бургачир цІилцІилагуначи шурдухъи, чула, зубартала, аварализи адархилри. Ну тамай рирхулра, зубарталара ит дугила гъибанди дигайличила сабниличи. Ил секІал дила къакълира марбирулри – цаагили кІатІакъулсала удирад диъ тІяхІдикІулри...

Дигай, дила рурси, дигай. Секъяйдали ирхІилибли калзахъул илдани ванзала инсан! ВерхІелра хІулбукІри дарх дуклумачир ма-или гъадуцили! Ва секъяйдали чурхли чердукардирхІурал илди ванзала инсайчир, децІла гІярчумагли чІярхъ-хъ-или азиралра биркІайс алавдиубли дирхъули, ил жан-низивад улхъахъули... ГъархІедизурти дигайличиб цІакъси изала-жазаъ агара, дила рурси, икІ закла удиб...

... Лусента зубартази бурулри, сен-сен лерилра гІямрулизир дигІянали дигай ардухибал кІел адамли, илди лусентала ургабад дуцІси машиналичиб ит Лайлатул къадрила дуги барх аркъути ухънанира рухънанира...

Илди никІали лебалли цалис ца дигутири, унрубала хъалчир ризкъи деръахъес кІиличилра барх бегІта хъарбуси манзилличибад. Амма сен илдани чула уркІбазир ахъдиубти вавначила цализи цали хІебуриба? Сен? Се сабаб лебрив? Наб гъанбиркули саби, гІяйиб цадехІ дебкІибти гІядатуначибцун ахІен или. Севан иргъахъида жагъхІелила – «хІу наб дигулри» эс хІейрухІелила – урези? Сели бурцахъида рурсила умуси абадла адабла мер? Чинара илдас умхъни?

Ге, дила рурси, гъанна замунти декІарти сари. Гъаннала замана дигай дихъибтала саби. Дигай гъаргқадиубли берхІили шалакадарили сари. Нуша сарри итхІели гІянцІти, абдалли гІямру дуркІути, дигай дерцахъес гъазали дурахІедухъунти... Ну риштІахІели бетаурси ца анцІбукъли, наб итди дусми хІулбалала гъалар яраш-алав дузабла урчиван лукъахъули сари. Дубуртази Советуни дакІилри. Илдачил дарх ур агарти гІядатунира. ИлхІели дила унра-личирси ца жагъил издаглис рурсбала дугурби дехІдакІилри. Илис ПатІимат бикІи. Ахирра ил Советлизи тІалабарриб, мекълис гъалаб хъаллабиънила ка-гъарлизи къулбас кабатахъес. ХІу серикІуда, сунес дигуси адамличи аррукъес гъуцІси ил рурсили ила сунела разидешлис бикъри – тІул кабахъес – ралра хІеризур, шантази «хІяя детахъибси» хІеахъес. Мекъ булъули бара хІилхІи калун. Илис къадин сунела зилан рурсили тІул кабахъиб, Советла шинкъяли бясахъи. ГІямру сагадиубли гІергъира балли бахъхІи калун шилизиб ПатІиматла бехІбихъуд: вегІла дигайличил ва урхІла къулбасличил рурсеби чула иганайличи абицІи.

ИлхІелира – дугели, шантала дурхІнани игъубти къаркъуби бекІла чедир урцахъули...

ХІера, рурси, илдигъунти дири дила зилантала замунти... Гъанна биалли, рурсеби чучи абатурти машинти булан мекъла палтарлизи рургули сари, дузаб хибти урчиван...

Лусентала дигІяндешлис ну ургарухъунра, рурси, гІяйиб мабирид. Илданира марбараб... Пикруми дазулизирад дулхъули ахІенну, дарцдикили сари, черрерхи... Селичиррив ну тІашризурси? Гъу, гъанбикиб, нуша машиналичир аркъулри. Аркъулри дарх, – лерил гІямрулизир цаличи ца гІяшикъти, амма

декларли калунти. Хабарагарси ил гъунили нушала уркIбазибси цацIаси гIянд арзахъес имкан гиб. Гьаланачи хIярхIли, урузли, гIур биалли анкъилаб тIякъяръили ухуси цIаван пикруми улкулри, дарцдикили, кагили. Тяп тус-накълизирад азаддешличи дурадулхъутиван. Сецад замана гIягIнибикилрив илдас чула хужаимтала арилизирад – табулизирад дердес! Цалис гIергъи цали гьаладилзулри дурхIяхIелла суратуни, шантала къяпIурбазирад ахъди-рути верала, ургубала вава-къарла тикрархIедирути тIемани, дарх къачначил дуки дашухIелила нусиличилси къацIла, нехI-нусбала, мямри–улелъала муридешуни. Илини гъаннабикайчи балули уили ахIен итди гъарахъти дус-мазир ну чIянкIли сунечилацун пикририкIули кални. Сунени, шурличивад кайкили, къяш бячахъунхIели, абзур бархIи рисули тIашхIеризниличила, гьар бархIила нур набчи барха шурличирад ахIи, сунела юртла шайчирад – сай хIерируси юртличирад адулхъни. Илини балули ахIенри барх ца класслизиб бучIути рурсби набзи сунела цIикури или гIеббугъни. «ЦIикури», «цIику-ри» – гIеб-гIебалгъи ил дев дила лихIбазиб, уркIиличи муриси децIра, зилан рурсбачи гъими-къясра дарх дихули. Илини далули ахIенри дахъал цархIилти анцIбукъунира.

Гьаланачи илала гьарбизуни сен дила гьарбизунили детарутил, илала гьархIебизуни дила гьархIебизунили детарутирил нуни балули ахIенри. Илди лерилра цакъти хIяланала бехIбихъуд диъни кIинайс сабри гIячихъбиубси. ВегIла уркIиличибси илизи бурахъес итхIели вирхIейрулри, вегIлис ахIерси адамлизи «хIу наб ахIерлири» ихтияр чIянкIли мурул адамлизибцун сабри лебси, хIятта нушачи Советуни дакIили дузути цаибти дусми диаллира. . . Наб ил багъандан Советуни мурул адамгачи гьалар садаибтиван билзули саби, хъу-нул адамгачиван ахIи, илди лебтасалра цагъунтили Октябрьли хибти диалра.

. . . Илини илкъяйдали балули ахIенри, сай наб хабарла игит ветаъни – гьар къияйзи икибсилис кумекли музаулхъуси зубрала малаикли, шилизи гьар чуйна хала хIеркI лябкъухIели шантас берцудилис тIашкайзурси мургъила тIал ветаъни. . . Ил дила халаси дигIяндеш сабри. Иличил ну талихIчерлири. ГIур наб гIягIниси, хIебиуси аги. Ил дигIяндешли ну дила зилан рурсбачир гIяхIцадла халараахъилри. ГIур, ил учIес арякъунхIели, нуни пикрибарибсири ит зубар. Ну иличи ахIерси адамла уличил дугъарилзусири. Гьар у гъанбу-шиб чуйна ил имцIали шалабикIусиван билзи. Ил набчи илцадра гьамлира сабри, сенкIун илизиб нуни сунела урезила ва адабла хIер, ну ясиррурцуси пишяхъни чедиаси, дила дурхIядешван гъарахълира сабри. Зубари цацахIели, тяп сунезибси цакъ каберхурсиван, билшра билши, чили-биалра набт чяхъ-дарибхIеливан пархра булхъи.

Ил билшухIелила бугIярдешли ну хъана-хъанали руржахъаси, чиллализир цай къяшмали миъличи карацIибси къяйдали, буцIардешли биалли берхIила изайзи рикибхIелигъуна цIала майализира риркахъира.

Илкъяйда ит дуги бикайчи нунира илала уркIиличибси хIебалули калира – набчилацун пикририкIули абзур дугурби шалгIердалтни, хIули хIебихъили. . . Лебил ши бусухIели, дигIянали ил дила бегIтала юртличи вашули калири, дирихълиубси бацливан шайтIан чирагъли бара шалабарибси дила улкъайлизи гьаргъли хIерикIули. Къукъубачи абиркуси дугила пухI дяхIи сунес базла гIянала-бурушван ванабикIи, викIи. ГIур миъбяргIибси улкъайличи гъамиуб-ли, сунела буцIарси гъигъли шишала хIябмузан ванабираси, викIи, сен-сен

ну русулрал хIеризес. Гьар чуйна ну чераибхIели, бехI гумлачив тIашизурли улкьайлизи кьутIдяхъес някъ ахъбири, вики. Амма урезила цIакъдешли ил гIелабахI чарбири, вики. Марлира, чинад багъиши илини дила уркIиличиб се лебрил? «ХIукIун итхIели урхIла гьалмагъ ретаурлири?!»

ХIера, илгъунари, дила ахIерси, урузси ва дила абадласи зубари. Чебиулрив гьаннара нушачи гьамбиэс абадбирули. Яра нуша кIелра дарх чедаибхIели, тамашабиублив?

Асубирар, илала гьигъли улкьайла миъ бицIахъухIели, итхIели нура сунечила, чIянкIли ца сунечилацун гьанкIлизир рарсургъули риши. Сен илини чехIедаиба абзур дугурбадли бурхла духъбачи вякъкадизурти, гьанкI бемцIурти дила хIулби? Сен ца кьутIла тIама сахIебаиба, хIятта илис кьадин дягIлилра бяхъили – гьанагардешличи хIясратли лехIти дила лихIбачи? Ца тIама, ца хала гьигъ, ца дигIянси дев – ва гьар секIал цархIилван детари. КIел кьисмат вавнадирхъи. ХIебиалли, тIабигIятлисра нуша убайтили калира, илцадра илцад кьяркъсили кали биалли...

Тамаша! Сен нуша лехIкахъибтири арагIер дусмазир? Яра инсаниятли кIелра нушала хIялани аргъахъес диэсти дугъби гьаннабикайчи учихIядяхъилрив? Юх, илкьайда биэс хIебири. Ил, мурул адам, гьалав шакикес гIягIнисири. Яра илини – гьанна илцадра духуси, миллатлис хIяжатси адам-ли чIянкIли гьарахъсицун, цархIилтани чехIебиусицун чебиули, хIулбала гьалабси, ванзаличибси чехIебиулрив? ЦархIилван биэсра хIебирар. Эгер ну халакараибхIели ил ца гьачамалра дяхI-дахIли кьаршиикибси виалри, илини дила хIулби иргъи. ХIулбазибад ахIену гьатIи уркIи алавси дунъяличи хIерка-бикIуси? Амма илкьайдара бетхIеур, рурси!.. Дила улкьайличиб бабзбикIуси миъ бацIахъес вализурхIелира гьайхIеиб. Чариубли сунела институтлизи арякъун. ГIур ил бекIлил шилизи каникултачи хIекIиб. Ил илди дубуртазир ахIи, диркъаличир дуркIанвиуб. Дила бекIла чедир биалли буркъкабиубси манзилла гьагулти дабздикIесдахIиб. Илкьайда бирар миъла тумх батбухъес гьалаб дубуртачиб, рурси.

... Ит гьарахъси манзиллизир дила узикъарлис ну ураркъибхIели, вецIал дусалра риубли ахIенри.

Дудеш дила жявли вебкIиб, илала мер адавзини буциб. Адавзинира, сай кахIелниличи шакикили, сунела рузичи дила узикъарличилара набчилара кьайгъибарахъес аманатбариб. «Балугъла баибхIели, кIелра хъайчи кабатирая, вари...» – илди сарри илала гIергъити гьай. УбкIусила гIергъиси мурад бартаахъни – мицIирли калунтала хIурматла чебла саби, бикIар.

Наб ца гIяйнив – бяхIчиси юртлизив – хIерируси узикъар ахIерли вири. Тяп узиван калзи. Амма кIийна гьамдеш, илди тямхъдируси ва биркIантази диахъуси саби биалра, уркIилис цархIилличилти гьамдеш дигулри. «Сен-сен вирусив вегIла узигъуна узикъарличил хIеризэс?!» – бикIулри ил набзи.

УркIили чеввикIибси адам кьайда, набра ручIес рукъес дигулри. Институтлизи хIебиалра, тухтурти хIядурбирути къантIти курсаначилра. Эгъ, чум-чумла изала набчи чекайсасил, эгер ил къасалра гьарбизурси биалри! Чуйна нуни наб цIуба халат бирбубрал муэрлизиб, урус тухтур рурсиличил рарх зягIипикибси шанничи рукъес къасли? Чина хабара... Заманаличил барх бухънабаибти дила гIелабта набзи шила дура ганз катхIецIахъес – «капурхIериахъес» – къадагъабариб. БелчIуди заяхIебарес или, ликбез таманбарили

гІергъи, бехІбихъудла багъуди касес рузира. Мякълабси шилизи бархІехъла школализи 8-ибил класслизи – ручІесра рашира...

Амма я адавзила аманат, я гІелабтала къадагъа, я дила къас – цалра гъархІедизур. Къисматли сунес дигуси бариб.

... Мекъла дуги, Советунази магъар дихъахъес жирарес гІергъи бакІиб-хІели, чегъурли дуркъа палтарра, шичи аркъулра или, гъалмагъ рурсиличи ребшира. Гунерлар хІябал дуги-хІери деркІира. ГІур набзибси урезиличибад гІелабтала децІличи уркІецІи чедибикиб. Чаррухъунра. ЦабехІ ванаси девличил, цархІилти бекІла мехІе думкъахъуси уркъубяхъличил, итилтира – кІидехІелра дархти гъай мезличил – бялгІя ахъесван, нушала юртличи башутала гІелала аги.

– Карушили хъалли, гъими хІейхъур угърашличибси!

– Ца хІуцун калири шилизир илдигъунти дигайла регІ? АхІенрив, гъатІи!.. Лебилра рурсбала къисмат илгъунагу, хІела арши ахъ!

– ЯхІбара, рурси, гъар секІал заманали гъунчидушибти сари, бурямли, пухІ дирихъван. Гъар секІал чула мерличи кадилзан...

– ХІезибад адам бетхІерни нушани жявлил балусири, сепайда... ХІела бегІтала хІурматалра цаххІебарили батурси риадри. Шанти къалли буэс, дурашанти, бегІтала гІяхІли се бикІара?.. ХІела анкъи бишла, гавур! – илдигъунтири набчи чябхъинти.

Ардякъун илкъяйдали балагъла хІябал баз. Хъа гъалабси хІеркІличиб дуб-дубли миъ бицІулри. КІантІ-кІантІли, амма хІеркІлис саби бумкънила авара аги. Ил гІурра чемъар, умубирар. Илкъяйда жявли, хІяйна шин ругдяхъили, чемъуси биаллири адамлара шишим-анцІкъила хІеркІ!

Садаиб ванати бурхІни, ахъдиуб шурла удир, берхІидяхІси мерличир шиниш къар... БашесбяхІиб юртличи наб гъанни ахІенти урхІ. Неш селра рикІули ахІенри. Нешла рузби биалли сакІублири.

– Бикъурси цІедеш галгаличиб кавлуси ахІен. УбяхІбиркур. ХІу я цаибил ахІенри, я бегІ гІергъиси. Хъунул адам сунела бурхла удирра марзла дурхІяла сирила мякъларра ралрикили рирар. ХІу нушачи лехІахъи, нушаникІун хІед вайси хІебурехІе. Къиянни биалра, нуша дикІуси бара. ХІу ураркъес башути шилизибра бурибти саби. Гъандуцадли бурсикарируд: виштІалла чІярли хІела бусягІятла дардани хъумуртахъу... Гъандуца! Гъангузла гІенбала удибра гъандурцусигу инсай...

Набзи ну рикІулра: «Масхарав гъатІи вебкІхІебкІили левалли адамлис хІяблизии арукъес? Ахиратлизиб ахІи, иш дунъяличиб, жагъти гІямрулизиб – гъангуз?! ХІуша се дикІутираяв, дила тухум? Эйхъали, цахлигу илди гуж-зулму рурсиличи дяхІчаэс!».

Ахирра, шилизирти набчила гъай дебкІахъес, нуни илди бикІуси барира. КІинайс нуни Пушкинна ца белкІлизиб белчІунра: урус рурси Татьянас сари чис рукъяллира декІардеш аги, эгер черикІла гъалмагълис рукъес бетхІеурли биалли...

Дила суб вайси ахІенри, гІама ахъхІебири, «ХІу илав шаладикайчи калунси виадри» или дила уркІи бикІахъули, гумайлизивадра жявли чарулхъи, ну гъудурхІериахъубли дуцІрумла хІянчи суненицун бекІдарес къайгъилизи вирки. Амма дила уркІила цІумла илис хабараги. Дарили хъатІила дехІибалара, гъар бурушла гъамирухІели, наб симагъада чебилхъухІеливан билзи, гъигъ барц-

бикили, гела хулирти, жявил дирцили лямцдиклуги кьям-клуцлуг сагадан дирцес или харчрилзаси... Илгуна гязабра чекасес хлериубра, дила зубар, сецад набчила хлуни, бегтани, унра-хунрали ва шантани гяйиббаралра... хлу гъанни инсайчирад гьаррухъунра...

... Гяхцад дуцлрумла-гдебшила марка картгиб, наб къадинра бисуси Пабигятли. Цабархи, савли жявли, шичи аркьули лерли, баягъи дила гьалмагъ рурсили зягипси нешличи гьаввакес «ит» шилизи вакниличила буриб. Наб къалли клел бархи дарх адухъунхеливан биуб. «Дила ахлер, дила умут! Сен гяхси барилрил ну ахи, шилра гъанбикахъили!» – биклурли урки. Амма сен-сен иличи хлерицес гямал бургусив? Ца хлули липла манзиллисалра, гьаракълирадалра. Сецадхи сабурбарес вирусира мицлрси инсай, илкун я шури ахлен, я зубар?.. Амма халкъ се биклара? Рахли дила къасличи шакбикалли... Шичирад сен-сен чаррухъунрал хлебагъурра. Къалаба-къагъли, клалта сен-сен ванзаличи кабихъирал хлебагъурра.

– Хед себиублив, дила рурси? – риклар неш, беклудили гашбатурси, хъяр-хъярла глама каибси клалталичи ретухъи... Илкъяйда наб ит бархи гъанагаргдеб чябар удибатес чебуркъиб. Чарриубли шичи аррякъунра. Илдала юртличи гъамихи, Нарима гинзи. Чинаб бирусив дила талихл: хулбавяхъесалра чехлеира...

Цархил имкан кали ахленри. Илдала юртличи лац цаси хала нешличи савлил гьарракес къасбарира. Нуцун ахи, нешра рарх рукили. Дила пикрили, илини дила къас балулри.

– Гьалар илцад жявли, бацл уркиличичи хала неш гъанхлерицкахъадигу хлуни? Раши хлебиалли, наб даг рукъес бетхеурну, – бизахъурли, неш къабулрикиб.

Илдала юртличичи детаибхели, дила бекл гьаргти унзаличибяхл балкун. «Марли, чехейису?» Къашми иладяхл датдихъиб. Гьалар рашуси нешлис ну хлесибхлериубра. Бурх ихъули лерли, дила уркила удиб серил гьалаб наб гъанни ахленси секлал вьшбухъун. «Иш се анцбукъа?» Хлурив, гъари?! Биз хлебарар» Дила урезили, набчи дила нягнали ахи, сагаси мицлрси жай ну геларяхл чарриахъубра, дила рурси... Хлу сериклуда? Кахлерикес или нешла хъуцлар буцира, амма гяхл деш хлебиуб: буглрси майъали датурти къашма ну рихлес хледиуб. Ну хала нешла тахличир къагъдешлизирад черсаргъира...

Рухъна илхелира баягъи зубарличичи хлерицлурли. Гьаланачи наб илала нургъби хлесабхледиуб. Багълали ахъбиубси чабала дубли сарри ну шакрикахъибси. Ил, зубарличичи хлерицлугли, наб хлесибхлериэсли, багълали рисулри.

– Хлу черрерхи, рурси, рухънала арши ахъниличирад... Гъандуцес хлериубра: гъанна гъанбикалра, нуни ну язихъли чериулра.

... Черсаргъибхели, аризесрухъунрагу къашма ванза хлебуциб. Нешли ну хлршириулри. Наб илра язихъризур: сецад анцкъи хирал нуни илис – къисмат гьархлебизурси рурсили ит бархлара ребклайчира?

– Наб рукес дигулра, неш, – ира, илала язихъдешли, наб селра хлебиубсиван кабизахъес. Нешли ва хала нешли наб делхъунти ниъ гиб, бехлцларла бергагра. Илди мухлиличи духес някъ гуж-гужли ахъбиахъубра, амма лезми, цулби къаршили кадизур. Хъимихълара къяраэс хлериубра.

– Къалабамариклуд, рурси. Сабурбара, сабур... – риклурли селра гъанагарси хала неш. – Аллагъла уркледли халаси саби, бусагят къагъдеш чераркъян.

Глурра яхлгизи рикили, ниъличичи хуплрикунра. Амма илди итмадан чер-



дакѝб. Неш бусагѝят шакрикиб... Гѝуя дила мукъара!... Хѝерагу сен язихъ рирулил... Ишкѝун 16 дус сари риубси.

Юртлизибти лебилра бусухѝели, сегѝунарил бухѝнабадси цаќѝели ну буршларад ахъруцира. Хѝулир рахъхѝи кѝунзрикѝира. Селилра паргѝатдеш лугули ахѝенри. Хапли дила хѝер рурсихѝелла аваралис някълизи кайсути гѝимиргачи лагбизур. Даќѝахъили бурбунира, илдазибад се сабрил бумхес рехѝрихъира. Къанти гѝебшнила дягѝла тѝама ахѝи, иргѝуси аги. Хѝерќѝра бускаунсигѝунари.

Хабарагарли улќѝайла удиб серил вяшбухъун. Чи виэс вирусѝи кѝанси сягѝятлизив? Наб гѝанаурсѝи бурги. Юх, се-сабил мицѝирси гѝанаур. Чи виэса? Дяхѝира дягѝракѝун инсайчи шурдухъес хѝедирар? Улќѝайличи гѝамриубра. Кахси урехили хѝулби гѝарг-къяпѝидиахъуб. Наб цѝябдешлизибад чи саял хѝерикѝусиванбизур. Бацла дугилра биубси биалри. Цѝябдеш саби алавчарли. Ну рачарархира... Юх, ил ахѝен. Селис лявкъусѝи цѝябси дугилизив? Цакъадар урќѝи паргѝатбиуб. Виштѝасила къапѝа бехѝбакѝира. Байдуги. Хѝерагу, севан дехѝдирхъули дуилил нешдеш. Дурхъати, цархѝил жайчил урќѝецѝи бихути нешдеш!..

Гѝурра тѝамала бакѝибсиван биуб. Някъбазирад гѝимиртира бурбунира урхѝидикиб. Ну Аллагѝличи дугъаризес хѝериубра, сенќѝун набчи урќѝецѝи чилилра хѝебараллира, суненил жявлил барес чеблири.

Хапли илди пѝкруми къябаили, урќѝила удиб баягѝи шикъ даќѝубиуб. «Набчи гѝиммарурќѝуд, неш, ну гѝяйибла регѝи ахѝенра, ну хѝед кумекчили ветарус, лебтасалра къадин...» – викѝусиван, ил гѝурра ва гѝурра шикъухъун. «Дила урќѝила жан! Вари хѝебирис хѝечи гѝяйиб!...» – нуни кадикибти къапѝала матяхѝи ахъдуцира...

Хѝела нешли хѝед у жявлил хѝядурбарилра. Зубар бирхъис. Дила шаласѝи Зубар»... Илкъяйдали набзи ну гѝайкарикѝули шаладикахъира ит дугира...

... Кѝинайс набзи сунени буриб, рурсѝи, ит дуги улќѝайла удибси я дягѝи, я дяхѝи хѝебињниличила. Ил чуйнара гѝурра дила улќѝайла уди вакѝилри. Неш къулайриубли гѝергѝи, ил, нура чехѝераили, карцѝили шагъарлизи чарухъири.

– Илкъяйда хѝела мекъ-сяхѝбат мубаракдаресалра бетхѝеур, – викѝи ил набзи машиналичив. Илини ну муруйчирад аррукънилра багъурли ахѝенри. Биштѝасѝи шила думяхѝла Ленинградла институтлис се гѝягѝини лебрив?

– Хѝела хъали гѝяхѝбињ, Зубар, сен гѝатѝи халаваибхѝели, студент ветарухѝелира сен илцад лехѝахъириб? Ца кѝапѝи кагъарла хес почтальоннис къиянбулхъив? – бегѝи гѝалаб нуни илизи суал бедира.

– Урузќѝира. Гѝаннара урузќѝулра... Илала дурабад, хѝела талихѝилис диргалаухъес къас аги. Иличи че – хѝу гѝаларгѝуна ахѝенри. Наб хѝу итхѝели зярхѝисѝи савлила нурван дигахъади, сегѝунтилра пѝкруми дарх агарли, гѝаннара дигахъури итхѝелла дигайли... Кѝинайс биалли дигайлизи пѝкруми гѝудурдиуб, илдала жал акѝуб. Бекѝлара урќѝилара, викѝулра. Аргъириб?

– Аргъира, дила Зубар. Асубирару гѝанналра «дила Зубар» или дугъаризес? Се ибсѝи «Хѝу гѝаларгѝуна ахѝенри» ибси?

– Хѝед хѝу – сарри, амма наб – ахѝенри или гѝанбиркур. Цархѝил адам дѝгули хѝериадри, хѝу шерѝи хѝякъяди. Сен ну хѝедра цархѝиллисра ургав лагизес гѝягѝинисѝириб? Чичилси биаллира хѝела талихѝи – дила ну вегѝисѝи талихѝи сабливан билзи. Викѝигу кѝарахъан Мяхѝмуд сунела Марьямлизи: «Урхѝлизѝибад гѝар бархѝи, гѝар дуги дурхѝини биркъен, амма хѝу дила сарри» или. Урќѝиличиб илгѝуна хѝял сабри, амма бекѝилис се бирида? Урќѝи саби биштѝахѝеливан кавлусѝи саби, бекѝи бухънабиули саби. Гѝанна, гѝар секѝал дагъурхѝели, набчи

нуни дила къисмат багъандан гЯйибхЕбирулрану, хЕла къисмат багъандан бирулра. Хъабхъяла къирилиу бикибси хЕла къисмат багъандан...

... Ит дуги, улкъайлавад хЕрикЛухЕли, хЛу нуни чераири, виштАси уршилис къапА бирули арархили... Гур набзиб сейкес ахъри лебрив? Бура...

– Ит тят виштАхЕли тапла яра уббилхъла хЯзли виркъухЕливан, чина – саял дуцСиван, гъалакли гъигъикЛулри. Илала бурусилизиб, рурси, къяна аги. Амма ца гъачамалра нургъби датХеиб. Дила бисара илис хЯсибхЕдиуб, – илди жявлил деръублири. ХЕбалас ишдуги сен–сен дакЛудиубал дила дегъли дигубти хЛулбазирад.

– Ит дуги ну вахъГи калунра улкъайла удив, гъамра вирули гъарахъра виркули. РухИнарси хЕчи – халакадаибти дила дигайличи хИлнавиркъули. Илра талихЛу, лацла гЕларалра вегЛис гъар гъигълизир гъанси жан мицИрли чераъни...

Илкъяйда хЕчи хЕрикЛули левли, дила хъуцИрумачи чилирил някъби кадихъиб. Чаряхъирагу – неш.

– Ваши, дила урши, ваши: хЛу ишди улкъайличи вахъ дебали къанни вакИри. ЧехЕдиулрив ХЯбдаргъира Улара кЕлра лусенна урга садаили?

– Савли, вецАл барХи гъатИ дила ихтиярлизир леркъи, кален рикАхъули нешра, вашули Ахъси шилизи каира, илавад автобусличив шагъарлизи. Илабти студентуначи, дила классла зилантачира гъавХекИли, вархъли Ленинградлизи арцулла.

Институт таманбарили гЕргъи, ил шилизикЛу буэс, вегЛа республикализилра чарХевхъи, гъарахъси Северлизи, Таймирлизи арякъун. Ил тухтур сайри. Илав дяХила ва миъбала ургав хЯниуб.

Набчирти дигайличила аХи, сунела гЯмруличила илини гъанра хЕбушиб. Шилизиб иличила гъаман гъайбикАр, гъар чуйна гЯжаибси, урХмешули аХенси адамличила къяйда. Илизир уркЕцИ, малХямдеш хЯбал адамлизирцад лер, бикАр. Нуни хЕбалулрав гъатИ ил илгъуна виъни? Итар, гъарахълар, илис чи гЯхИризурал, иличи хъайчира кайиб, бикАр. ИрХилиб сари ил, сари чидил къамла риалра. Вайси хЕрургар, илала дигай сархес риубли гЕргъи. Мурталра гъанбиркур, рурси, илала черрикИбсиличи хЕрризес дигахъира или. Ца камсилра набчи мешусил, аХенал. Сен биалра, бугЯрси мер биалра, анкъи ванали калаб чула. ЦАбикъала кадерхалра, дила дигайли ухахъаб ил, я Аллагъ!..

Ит дуги илизи нуни ца гъатИ суал бедира. ХЯбъэсилра абикахъес аХенри, дила рурси. «ХЕла дигайлис се бетаура гъатИ, хЛу царХилличи хъайчи кайили аХенрив?» – ира.

– ХЕчирти дигай дишХедишун, ихар, чинар-сарил уркИла лутИлизир, хЕдишунти гаван, гъаннара лерал. Иличи биалли хЕчирти хЯланала хЕрзиван, асарван – итди савлила нурла зярХидешла лишанван – чегиб. Нуша лерилра ца БерХила нурли саррагу ванадирутира шаладирутира... Илди гъайла малХямдешли, ну сунес мурталра шаларикЛуци ва ванарикЛуци берХили ретаънили, дила рурси, ну илцадра рачарархъира, хЯтта хЯнкариубли дила хЯланачила нуни бурес риусра или гъанбиркукъи, аргъала дамкъур. Сагадиубти дигай аХенри, рурси, илди. Сагадиэс дирару бекЛил хЕдиши кали диалли? ИлХели илини машина тАшаахъиб.

– Сынок, помоги мамаше. Ей что-то нехорошо от дороги... Достань лимонад, – иб.

ТАшаили машинара, нуни хЕркъибси, амма дила дигайла уршили наб арцла биштАси пигъайзир мурити шин гъадуциб. ИлХелилра сай набчи гъ-

амхейуб, някълизи някъ чегахъес абадбирули... Агъ, дила рурси, ил машина бикуси илала урши уилригу, дарган мез хЕдалукъи, нешла мезличилти дила дигайла урши! Илини урус мезли ибси дила урКили нешла мезличи шурбатур:

«Урши, нешлис кумекбара...» ХЕраягу, набчи ца хУлбала хЕр – лямцІ багаъни ахЕнси гІур цархІил селра урgab хЕбиубси илини, ну сунела уршила нешлизи халрарира...

АрхІя гІурра даимбиуб.

ИлхЕли наб кІинайсра машина тІашаахъес чебуркъиб. Иш гъакІлис гІяжаибси, уб урКилизи хЕбакІибси, сагаси хІялли: дила ну регІси хъунул адам риънила талихІли, илцадра ну дигуси адам ца дунъяличив хЕрирули левнили. ГъатІи, чис, чидил хъунул адамлис хЕйгахъув сари умуси урКилис ригахъули, иличила гъанагарли багъни?

«Эй, ну-алавси шаласи дунъя! Лерилра миллатуни, халкъани! Багъирая хІушани иличила – лерил гІямрулизир наб ахЕрси адамлис илкъяйда нура ригули калниличила? Аргъираяв, ну гъанни гІямру дерКиниличила? Нушала кІилалра бурги хІяндиубкъира!». ХЕра, илкъяйда ахъли, лебнилра бакъесли чІяр дурабиркули хІилхІи калун илхЕли дила. Лерил гІямрулизир дигІяндарибти дигайла чІяр! Къяркъси талихІла къисматла тІама!

Амма илди хІялани нуни дурахЕдушили, дихЕс риубра. Къянкъубала гъалаб даКубиубси вавнала халали – дурхІяхЕлла ургубала тІемли ясирруцира. Гъарахъси Ленинградлизи арбухес хІядурбарибси вавнала хала гъабуциб наб илини. Ну учи-учили сунтІрикІира, мирхъили варъа бурчухЕливан.

– ХІу рашнарад – урца мах барес рашуси хала вацІализирад – дучибти сари, – викІи ил. – Гъанна ил бедес хЕчив лайикъси адам хЕргис.

ГІур нуша лехІкахъира. Шагъар гъамбикІулри. ДекІардиркуси хумарси лехІдеш, тамашаси, гІур тикрархЕбируси дугила архІяла пергердеш ва хумардеш гъудурси лехІдеш чебихъун. Хапли илини, наб анцІхЕбукъахъес къяйда, хъарбаиб:

– ХЕд сегъунти музыка дигахъида?

Ну вавначирад ва гІяжаибси хІяйзирад – гъанагарси ясирлизирад – заманаличир къябрердеш ва жаваб бедес хЕриубра.

– Ровельла «Болеро» дигахъиду? Гъачам гъатІира лехІриси иличи... КахЕбурхуси, назикси, мурхъси гІяжаибдешличи! Ил хІу сарри... Чинав виаслира... дила кахЕбурхуси Болеро!..

Ит дуги нушани цализи цали дахъал секІал дурира, хЕдурибти гъатІира имцІали калун, рурси.

Машина савли шалалис, нурличи бяхІчили шагъарлизи бухІнахъиб. Дила архІяла мурад илдази хЕбурира. Някъбира дуцили, ну карацІира. ШаладикІути нурлиуб машина къирла гъуйчибад кІунбацІиб. Нуни дила Зубар баргес бекІ ахъбуцира. Илра, царилти къяйда, бишхЕбишунну, биши, савлила берхІила нурличи шурбухъун...

– Зайнаб-неш, хЕла къанси архІяла мурад набзилра бурес асухЕбирару, илцада халаси дигІяндеш гъаргбарили гЕргъи?..

Дила Зубарли (сунела уршилис «Зубари» бихъибсири) – тухтурли гІялимдешлизи ганз кайцІули, савли 10 саГІятличир диссертацияличир риэс чарагарси саби или къанни зангъдяхъиб. Ил къасличил шагъарлизи караэс Ахъси шилизир машиналичи хЕрли гъунила дублар тІашлири... Илала машина къадархЕбирув Аллагъли?!

# Жадырты



Аминат ХІЯПИЗОВА

## НЕСЛА МУЭР

– Ханумчакар, хІуни муэртала мяґни балуси саби или бакъили раКиб-сира, дила рузи...

Бариятла муэр пикри бяхІчихІеэси ахІенри. Илини сунела шагъарлизив учІуси урши виштІакаи, нешла михъири бухъули чеилри.

– Муэрлизиб нуни гушиубси уршилис мама бедира. ХІеррикІулрагу, мамализирад ниґла мерлар хІила рангти шинКІадеш дашули...

КІелра диштІати бачІнази мамара буцили, урши дила хІулбази пашмай хІерикІулри...

– Харидешлис, гІяхІдешлис биаб хІела муэр. Нешанас гъандиркути сари чула дурхІначил детарути, – иб Ханумчакарли. ХІела уршилис гъанна кумек хІяжатли бургар. ХІу уршиличи гъарракІи.

Барият шагъарлизи дурарухъун. БархІехълис ил МахІячкъалаизив учІуси уршиличи раиб. Общежитиела унза абхъили, ухъалав житала дурхІяван чукуруибли сунела Мурад усулри, бархти дурхІназивад чилра аги. Ил цІали алкунсиван уцІарлири.

ГІур Мурадла гъалмагъунира чарбухъун, илдира уркІабухъири. Саби дурабулхъухІели, бекІ изахъусиван саби или, хъулив калири.

Къалабаси кумекла машиналичив Мурад больницализи арукиб. Ил дуги тухтурли буриб, уршила хургъри дярГили диъниличила.

ХІерагу ца, нушани аргъес хІедируси сегъуна сабил цІакъли, уркІила жили, муэртани, ишарабани нушала гъамтас кумекличи жидирулра. Гъалахили, нушачи лябкъуси вайси-гІяхІсилиличила балахъули саби.

## МИРХЪИРА ВАРЪАРА!

... Тамашала саби нуша-алавси тІабигІят,  
Нуша-алавси?!

Юх, ил нуша-алавси ахІен.ТІабигІят нушазиб саби, нуша тІабигІятлизир сарра ва тІабигІятла ца бутІа сарра.

Сецад гІяршра, ванзара, урхънира руркъули хъалли, гъаргхІедиубти дигІяндешуни илцадра дахъал сари. Дунъя ва адамла гІямру лерай тІабигІятла дигІяндешуни ва инсаниятла умцІлаби кахІедурхар.

...Наб мурталра гъанбиркур, риштIахIели дила дяхIлизир жижкIни дакили, лерил дяхI дуцили. Хала нешли, чинадрил бикахъили, умуси мирхъила варъали дакиб. ЖижкIни детахъиб. Амма илди дакибти мерани хIянбиван цIубли калун. Хала нешли илдира умуси урбешли дакиб, дяхIла ранг чула мерличи дакиб.

Адамли жяв заманаличибад балуси саби мирхъила варъала къадри. Сецад къиян кабихъили, диштIати жанни бурчулил балзам. Сепайда, гъар секIал далуси адамли мирхъи чакарли далхули сай. ИлхIели селичи варъа шурбулхъулил бурес къиянни саби. Чебаэс ил варъа саби, гIе, мирхъили барибси – чакарлизибад... ИлхIели мирхъира адамла лугърачи шуркадулхъули сари, илдас гъанна варъа барес гъарахъили гIяяр дашес хIяжатдеш агара, гъалаб баари муридеш-бергала леб!... Илдачи хъарси – диубцад халал варъа барес, дюзес! Илдигъунти балагъ-къадар дахъал мирхъили чекайсули ахIен, илди хIункърадли гIерудули сари.

Илис бикърили детарули сари гъанна дубурла шимазибти халкъла гъаларцад мирхъи агни. Гъаларцад, чина хабара, ца шилизиб мирхъи лерти ца-кIел хъалибаргIра баргес къиянни саби. Гъалар чула мирхъи лертази, сен гъанна илди агартил хъарбаадли, жаваб ца саби.

– ДебкIиб, дерхур, хIебалас...

Юх, хIедебкIиб илди, адам, хIуни кадушири. Гъаргъдешли, хIелукъудешли, алавси гIабигIятличи авараагардешли.

Сепайда...

### АЖДАГЪАЛА ДУРХИЯ...

...ПатIиматлис уршила хъунул дебали ригахъи. Жагаси, сарерхурси. БекIлибиубси, илини сари хала неш ретаахъурли, цалис гIергъи цали хIябал къугъати дурхIя баркъилри.

ПатIимат уршила хъалибарглизи гъудуррикIули ахIенри. Илала мурад – илди талихIчебли биъни сабри. Риубсигъуна кумекбарес къайгъназирри, унра-хунрази, тухумлизи мурталра уршила хъунуйчила гаприкIи. Хъалибаргла ургаб се-дигара бирули бирар. Рахлилра урши хъунуйчи разиагарли чеалри, ПатIиматли уршилизи маслигIятла, ургала гIяхIбухъахъестицун гъай дури. Гъеч уршила хъунуйчи гIяйиб чехIелкахъи...

ПатIимат мурталра хъулибти бусули лебай бузерилизи ихъусири, алхIят бурхIназир се-биалра асес базарличи рашули рири.

Илдигъунти бурхIнала цализир ПатIиматли базарличирад уршила хъунуйчи зангъдахъиб, хъулиб се камси лебал, чус се асес хIяжатлил хъарбаэс дигули. Жавгъар русули уррухъи, МахIяммадли трубка касиб ва зангъикIуси чи саял хIеръиб: вяхI, сунела хъунуйчи... Аждагъа зангъикIулри.

– ВелхIунрив, дила урши, ну сарра, нешла, базарличир лерра, хIушаб хъулиб гIягIиниси се лебал хъарбаэс зангъдахъибтири.

ПатIиматли уршила гIамализиб гъачамалра илгъуна терседеш бакъибси ахIенри. Се бетаурлира или ил гъалаксаур...

– Неш, селра гIягIинили ахIен, чIянкIли хIу къалабали хъули чаррухъен.

Неш хъули ракIибмад МахIяммадли нешла мобильник касиб. Илаб уршила хъуна у ПатIиматли «дила Жайран» или белкIири...

МахIяммад къалабали хъунуйчи гъамиуб ва виругIеб ахъли иб:

– Аризиди, аризиди, дила Жайран! Аждагъа бакИли лебну, хъярхъли аризиди!  
Хъубеш нешли, я бара чераргъибси Жавгъарли селра иргъули ахИенри.

МяхИяммадли нешлизи я хъунуйзи антахъес хЛебатур. Хъуна магъарла  
хИябалра гIалакъ кадикахъиб. Рашен хИед дигна! Дила неш Аждагъа риалли,  
ну аждагъала дурхИя сайра. ХИед, Жайран, аждагъначил хИерриэс асухИебирар.

Риубцад къалабали дархъдати аждагъала ери-юрт. Хъумарти дурхИначи-  
лара, илди хИуни аждагъала дурхИялизибад саби баркъибти. Илдала хИечи  
мешуси селра агара...

Чебаэс талихИчебси, уржибси хъалибарг декIаркабикиб. ДурхИни дудешли-  
чиб калун. Илкъяйдали, МяхИяммадли я илала нешли хИебагъур Жавгъарли  
сунела муруйс бихъибси чеу. Илала телефойзиб МяхИяммадла у «ЧичIала»  
сабри! «Аждагъа» ахИенрину...

Лебри тухумти-ургаб МяхИяммадличи ва илала нешличи гИяйибта бир-  
къутира, багъана агар шайчир хъалица дехъуб, хъунул дугIкаиб, дурхИни  
нешлизибад мяхИрумбариб бикIути.

Гъарли-марли сегъуна бяркъ гес ририв, чус кумекуна риркъуси хъу-  
беш нешличи ва сари ригахъуси муруйчи уркIецIи, диги агарси, бархъаначи  
буралли сунезир сегъунтилла адамдеш агарси хъунул адамли?! Магъар ка-  
бушес гъалар МахИяммадли, гъар се-секIал гИяхИил пикридарилри, илини чус  
дихъибти чеуми масхарализи дейгIесра вири, хъуна

баркъудлумазир мурталра гъими-къяс, хИярамзададеш, гъай-мезличи гъ-  
аргъдеш хИсабдирули хИейалри.

Дигичерси, хИялал-залалси дубурлан хъунул адамли сарси хъубеш неш  
ПатIиматлис хабарра аги, сунела уршила шалкIуб жайранна мерлаб, илбис  
мерлабиубли биънила...

Иш анцIбукълизиб бегIлара гИяхИси, лебилла мицIирли биъни саби. Гъа-  
рилли чула къисмат бургу.

Жавгъарлис биалли ил къисматли гъалабихъибси гИяхИси, сунес багъа  
абаахъес хИейэси, лайкъси дарс саби...

Амма, мажахИят къарширикес, сунес гIурра Жайран рикIуси, илцадра  
гИяхИси хъубеш неш.

## ШАЙТIАНАТ

...ШайтIанат савлиличирад мурити пикрумази рархилри. Чъялара бер-  
жили, ил ряхИятли дивайчи чИикъритIун, хИулби чедихъиб. ХИянчиличи къан-  
риубли хъалли, авара аги, директорли ралтни балулри.

Мурталраван хИянчиличи къанриубли ляркъуси илис жаняхИлизив  
дяхИ-дяхИли директор къаршиикиб. Бай дуги баайчи телевизорличи хИер-  
рикIуси ШайтIанат дуги чебаибси детективла асарлиур лералсигъунари. Ил  
урези-урехи агарли, директорличи вякъризурли, рикIар:

– Шамсутдин Шарапович, хИу вачавархисигъунаригу. Набчи игъдибар  
бихъадли, нуни хИечи къаршикартачила баянти дурчес рирус. Илди гъарилла  
лебти саби, хИунира баладгу, – макрули дицибти хИулби цIиваиб ШайтIанатли  
...

«Белики, ил рархъли рикIули риэс?!» Шамсутдинни вирули ахИенри  
«сунела кIалтIализирад шин дура дашуси мер баргес». Илбагъанданра илис  
къабулхИейкес гIямал аги. Заводла дигIяндешуни чили дурулил багъес гИягИни-

лири... ШайтІанатличи вирххІеэси аги ахІенри ишбархІи илала. Къяшмаубад ванза убаркъулири. Бехъубси хІукуматла калунси хазна къачагъунала лебдешли бетаэс хІядурлири. ГъакІарбикІуси цулаванри къиянна халкъла хъарихъли ва къацІли бетаурси заводла аги.

Шамсутдиннис хабарра аги, сунечирти гІяйибти черардукес ШайтІанатли ца ити пикридарибти макру диънила.

ХІулбира къяпІдарили, ШайтІанат сагали пикрумала шарализир куртІрухъун: «ХІери баибхІели хІянчила ляркъуси сунес жаняхІлизив директор къаршииркур ва гІяшли салам луга. ШайтІанат биалли, саламлис къадин бекІ гъакІбарили, пишрирхъур. Гъанна сайри хІу дила някъбази викибси. Юх, сагаси, разиси хабар бурили харихІейрис нуни ил хІяжар. Гъала-гъала кабинетлизи рухІнарулхъас, паргъатли, хамли, кариэс мер чебаахъайчи тІашли руус. ГІур рехІрирхъус наб гІягІниси, директорлис тамашала хабар бурес... КІелра гІяра нуни ца хІярхІяли кадуршис!»

Илди мурити пикрумази ШайтІанат мурхъриркулри, телефонна зангъли релхІехъунси хІериалри. «ООО-Зигзаглизи» – директорла номер, зангъикІен, зангъикІен, мехІедахъ, гъанмабикаб хІед илцадра гъамадли, тІяхІкарухъен ибхІели, тІяхІкарулхъас или. ХІела къаршикартала се авара наб, мехІур тІакъа, дила къаршикартира бекІла мехІелизибад бакІили саби, илдачил рургъес багъаслира баибси саби...»

Телефон цаагили бучІулри. ШайтІанат, касили дяхІушканра, рахІятси гъавличил хІямамлизи рухІнарухъун. МажахІят багъес рииши илини директорла къаршикарти чихъали сабрил, сунечи игъдибар бихъибси хъарбаркъ се сабил. «Директор увкасалра кахІесалра се декІардеша, наб дигутани риркъахъес ралтасли?». Илала авара агарси, аваданси къаркъала гІявати нергълизиб чуду-хинкІван, ваннала бухІнабси хъамхъализиб бетяхъиб...

ХІери гІергъи, сунес гъанбиркуливан ШайтІанатлис жаняхІлизив директор цугхІейкибну, дяхІ-дыхІли Байзат къарширикиб. «Руэн, руэн, хІед гъунби гІяхІдираб эс халал замана кали ахІенну», – бикІулри ШайтІанатла хамси хІер.

Байзатлира мурталраван жавабагарси салам бедиб – ляркъулрив? – бизахъурли шулумрухъун. ШайтІанатла макруличирад гъарахъси Байзатлис гъанра хІебирки, хІябцІали дус сари секретаръли рузуси, бегІтала анкъиван кабизурси заводла директор Шамсутдинни ШайтІанат сунес гІеларадриркахъу или. Шамсутдин директорвиубла заводла ва хІянчизартала аги къулайбиублири.

Бехъубси улкализиб, ара-сагъли хІукуматла сабливан калунси завод берцахъес, вегІдешла някъбази хІебикахъес сарри Шамсудинна лерилра къайгъни. Амма гІергъиси замана завод мирхъила тІакъаван бижгурлири. Гъачам директорличи «вайти дурхІни» бакІиб.

Директорла лихІилизи се сабрилра бурили, арбякъун.

Байзатли гІергъиси замана директор паргъатагарли виъни ахІенси селра балуси аги. Бахъал хІялалти адамталаван илала уркІи заманаличи цІумбмкІулри.

Агъ, замана, замана... Суалти лерси, жавабти агарси. ДягІли ахъбуцибси нясси кагъар, цабехІли арцурси чІакаван чебиуси... Гъайли баркъуди булъуси. Излуми дахъли, дармунти камси... з а м а н а.

Къакъати пикрума рачарархахъибси Байзатла хІер чумал бархІи гъалаб

сунени убатурси биштГаси ядала галгаличи бархъбизур. Байзатли ил адамтала кьяшмауб, кьякьализиб баргибсири.

– Ва, дила биштГаси шиниша мургъи. – Байзатла хІулбазирад разидешла нургъби дурадикиб. – БахъхІи агарли Сагал дус сабиур. Нуни хІу жагали ухути палтарли бегІбирури, халабаайчи хъулиб хІербирури, кІинайс биалли анхълизи гечбирури сагати гьалмагъуначи...

Шалати пикрума, гІяхІти баркьудлума Байзатла уркІиличиб цІябдешлис мер балтули ахІенри.

Сагал Дус сагати гІяхІдешуначил лябкъниличи хІялалти адамтала уркІ-базибси цІакъси шалали гІямру гІячихъдирниличи рирхарахъулри...

## УБАЙ НЕШ

Дила нешла дяхІ наб бекІлил гьанхІедиркур... ХІебалас итхІели ну чум дус риублирилра, амма ну хІеррируси хъулибван ахІи, хъа гъалаб, гІинизлаб, карилаб... ванаси гъай буриси зизи лерси мерличиб имцІали ванали биъни баланриублири. Убай неш наб дигахъаси. Дудеш хъулив левхІели, ил набчи разили дугъарилзи: «Рукен, рукенгу, урузмакІудну, хІукІун урхІличир ахІенри».

Ил замана наб иличи дуцІрухъи хъябруцрикес, уммайрарес, михъирличи гъяжриубли, лерилра дудеш хъулив агархІели кадиркути тІагІямагарти ан-цІбукъуни, убай нешла кьяркъдеш хъумартес гъуцІрулхъасигу, амма сенрил урухкІаси. ВиштГалли, гъачам буцІарагалли, гІур цІаличи някъ гъамхІебиру. Илкьяйда бетарули бурги набчилра итхІели... НукІун, убай нешли буруливан, «къачацад» раили лерри. Наб гъанбиркусири, къудкъаличил шичи башути лебилра рурсбас чула нешани илкьяйда бикІути саби или. ХаларикІуцад наб нешла ляв имцІали дигулри. Гъаргалар нешли чурми думхуси, гьалмагъ рурсиличилван ихтилатрикІуси, нешла мякълар дукаркІес ва уркІигъаргли гъайрикІес рируси зилан чераасри, дила уркІи зимбулхъи ва дудешли Дер-бентлизибад хибси начира михъирличи гъяжбарили, нуцун цунрулхъаси... Бахъалгъунти рурсбала итхІели илгъуна начира хІебири. АрхІяла гъимир-тачил дирбубти начила халати хъанцІа хІулби набчи разили хІердикІи. Ил лехІкахъили дукаркІусигъунари. Ит замана илиниван дила уркІи чилилра иргъули хІебири. Амма, илала гъаларра ну гІяйибла регІ сарри. Наб вай-баркълис убай нешла урши Мяммани, дила начи чуйнара «белгъунсири» ва дяхъурбадбарибсири. Начила сурсличир, кьяшми-някъбачир, канилизир ранг-рангла гъимирта дирбубти хІянбани наб изарахъулри ва убай нешла уршиличи гъимидулхъахъулри. Унраличирси зизи Хамисли, дила начилис сатинна гІяга гибсири, илини сарри дяхъурби ибутира... Сатинна бутІализи бергурхІели, начи, архІяла хІева чегъурхІеливан разили бири ва хъанцІа хІулби пархдикІутиван дири.

Дила дудеш дабрумала уста сайри. Нуша Хайдакъла районна ца шилизир хІердирулри. Дудеш имцІаливан дурав вири. Ца жумягІ хъулив виалри, кІел жумягІ архІяличив вири. Дербентлизи, ГІянжилизи, Темирхан-Шурализи вашусири...

Дила къайгъи бири дудеш агархІели хъулир хІеруэс. Хъа дуарар ну чилилра



ралтҮси ахҮенри, цали гҮинц луги, цали – хъяр, чили-биалра ванаси гҮай бури... Хаслира гҮинзи рукьяслири, гҮар цугрикибси зизи ахҮли рикҮусири:

– Агъ, хҮела абас рат, иш кҮудкҮа бихесли хҮу жявли халараъ, хҮуцад лебгу иш. БиштҮаси гажийчил хҮерашули, сен кҮудкҮаличил рашусири?! – ШалҮеррухъунхҮели, биалли имцҮабири: – сунела риалри, камли рурхьи ихцад кҮудкҮаличил...

– Чилилра балули ахҮенри, кҮудкҮала декҮдеш наб селра хҮебиъни, хҮулир убай неш набчи рехҮрилзухҮели, гҮядабли биъни.

ГҮанбиркур, имцҮали ну гушриубхҮелицун хҮули рашули рираси. Ит бархҮира дудеш хҮулив аги...

– Чарриубрив, шаддикъ?! БерхҮи гҮелабиркули саби, иш биалли чинаралра агара, зибкҮнала начи! – Убай нешра илала урши Мяммара букес кабиилри. – Пашризи, чарулхъан дудеш!

Наб дебали рукес дигулригу, амма рургҮуси убай нешлизи селра эс рирули ахҮенри. Мямма сунеласун хамли гҮинчҮизурлири. «Рирадли рукен, шаддикъ...» – бикҮулри мурталра илала хҮер. Сен ил набчи гҮимичевсил аргҮес рирули ахҮенри. Белики, илис неш гҮерруцес дигули урги. Белики, илини балули хҮерги наб сенван децҮигулил. Дила биалли иличи уркҮецҮидулхьи. ГҮямрули набчив илцад халаси хҮейалра, халаси кҮаркҮалара сайра, азбарлизи дугели сайцун дуравхъес хҮейри, цҮябдешлизивад урухҮули.

Сен биалра, гҮямру илцад гҮанхҮедуцести ахҮенри, бегҮти бархҮербириути рурсбалара дилагҮунтилра палтар-кҮяш хҮедири. Чисалра гҮамадли ахҮенри итхҮели...

Ну убай нешличи бурсикариэс, гҮяхҮти гҮанбикунциун калес асубири, эгер ит бархҮи ца анцҮбукъ кахҮебикибси биаллири.

– ХҮу шинкҮала рархъес хҮядурдарилра ишди цҮули, хҮу биалли, шила кҮакҮурби кҮяйцҮдирули чинаралра агади...

Убай нешли балусири, ца бара ахҮли жиалри нуни бикҮни. Я гҮиниз, я кари илцад гҮарахҮли ахҮенри, ну илар рирусири, хъехҮлара бакъес вири.

– РалкҮаи, хъярхърики, берхҮи ихулину, ца мехҮ ризкҮила бусягҮят белкҮи бекҮбирар. ЦҮябдаайчи чарри!..

– ИшбархҮира дудеш чархҮелхъан ибси гҮанбикли, гаши хҮумартахъур. Дудеш чарулхъуси виалри, бархҮехъ шинкҮала хҮерурхъаси ну ишини. Илди «ца мехҮ» декҮлай кариркахъули хҮилхҮи калунра. Селра хҮеили дуларухъунра. ШинкҮала башуси гҮуни гҮяхҮил балусири. Дудеш хҮуливхҮели, убай нешли шинкҮала нуцун хҮерархъили, сунечил рархҮ рикусири.

– ГҮуя, хҮела абас рат, чина аркҮусири хҮу, цҮябдиулигу?! БуцҮани ругарину, чаррухъен гҮелархҮ!

– Юх, зизи, чаррухъес асухҮебирар, нушала декҮ кадехурли сари, – кҮяна бурира нуни.

– ГҮямру кадехаб сунела, хҮела убай нешла! ЦҮябдиухҮели рурсби сабицун шинкҮала бурхъути бирару? Сарикад гавлагра хебгу гҮарибла кҮакҮличиб. Вай гҮуя, дила Аллагъ, рерцахъа хҮуни неш агарси хъяша гҮанагар балагҮлизирад...

Ил гҮяхҮси зизи шалҮеррухъунмад, дила мах декҮбикҮесбяхҮиб. БархҮехъ гҮава тҮагҮамагарли хҮябцҮбикҮулри. БекҮлизир цаагили: «БуцҮани ругарину,

геларяхІ чарри!» ибти дугъби зайдикІулри. Чидил шайчибад къада вяшбухъ- алра, тирхърулхъули замана аркъулри, шинкъала аркъуси дякъ кахІебурхули.

«Чизирадалра урухмакІуд, хІукІун дила гъабзагъуна рурси сарри!» – гъансадикиб дудешла гъай. ИтхІели Мяммани дила начи белгъунхІели, ну рисусири, – дудешли яра убай нешли ил маймаялра хІерни наб децІигулри...

Шинкъанкула азини набзи селра хърхІебаиб. Шинкъа бацІлири. «Гълеллей, гълеллей, тамашала адамтира бирули, уркІецІиагарти...», – цаагили сунези сай гъайикІулри ил, набчи хІерра хІейкІули. Ну биалли пикририкІулри, савли аррукъес шинкъалар кален алри или. Я Аллагъ, шаладикайчи декъ кахІедерхалри. Шинкъанкулани гибси хІяжланкІила къацІра нусира (гІур итцад бизиси хурег беркунра или гъанхІебиркур) илди кадерхурхІейс кадерхур дила декъра. «БуцІани ругари», «БуцІани ругари» бикІули чІярбикІуси уркІила тІама хІебакъиб шинкъанкуланира. Илини ца гІяжаибси, биса гъудурси тІамаличил, шилизи аркъуси дякъличи бикайчи ну гъунирратурли:

– Бацла шала саби, дила рурси, чиналра ласхІерирхъули, гъаларяхІ дуцІрикІен! – иб.

ХІябкъяйла къада бацли шалабарилри. Наб итхІели бацла дяхІ адамлайчи – нуни гъачамалра чехІераибси нешличи мешудикиб. «Нуни ралтахъари хІу буцІази, урухІмакІуд» – бикІусиван ил набчил барх хъулибяхІ дуцІбикІулри. Шинкъала аркъухІеливан, гъарахъси буили ахІенри, хъули гъуни...

– Чи сайри?! – гъанкІлизибад чебхІергъибси убай нешла къяркъси тІамали буцІазибадси урехи хъумартахъур.

– Ну сарра, – гІяшли ира нуни.

– ХІу-у-у...?!

Илала суалтачи я кумекличи хІерли кахІериили, хъули рухІнарухъунра, мах чебасира. Рамсра хІерамсурра, буцІира къаршихІедикиб, шинкъанкула азини къацІра гиб», – рикІулагу, илала уркІрухъундеш детихъули ахІенри, селра рикІули ахІенри... ГІур ну карилхъуси гІямзила герризурра... Муриси, бизиси гъанкІли хъябруцруцира.

– Гергъити чумал бархІи, убай неш сунечи мешули ахІенти малхІямдешличил лярвикІулри: «Дудеш сейкІарал баладу? ХІу бархІи ахъайчи шила къакъурбазир къяйцІрикІни багъалли, хІуни хІебурадли, нура гІярзхІерикІус», – рикІи ил, бархІехъ шинкъала рархънилизирра ну гІяйибларирули.

ГІе, хІебагъур дила дудешли ит анцІбукъличилара селра, хІебагъур сегъунти «уркІецІи-адамдеш» дакІудирулил убай нешли сай хъулив агархІели...

Илкъяйдали, ца сунени ахІи чилилра хІебагъур се къасличил рархъирал итхІели убай нешли берхІи гІелабиркухІели нуцун шинкъала...



## Жадижат Ж. Ядубовас - 70 дус



### УВАС ДИЛА ЧУГУРЛА ТІАМА БИКЪУВ НАСЛУЛИ

Тумала тІамаличил баршира нуни чугур,  
Ну регІти гІямрулизиб гІузру агархІелин гІур.  
Ил тІамали бицІахъиб уркіла дай дай дуги,  
Тикрарбирусиванри дагла дигайла аги.

Тумара гърахъбикиб, дугила лехІдеш калун,  
Дунъя чугурла гІяшси лайлаличи шурбухъун.  
Эркинси заклизирад агурбира зайдухъун  
Дила уркіла дайлар хІила тумван гІяйдиуб.

ЛехІдеш агарбарили, шаладеш чебиргъулри.  
ДяхІла пусли далли дахъ азгъинни дашулри.  
Ахирла архІяличи гужли дархъибтиванри.  
Балулив гІур ахъдиэс чузиб цІакъ ахІебиъни?

Къадар илгъуна саби – дила, хІела, дяхІла.  
Ванза илгъуна саби – алкІахъа, биху, бихІу,  
ЧІянкІли чугурла тІама – ил саби бекІаагар.  
Увас, дила чугурла тІама бикъув наслули?!

### АГЪ ПИКРУМИ, ПИКРУМИ...

Пикруми – зубартази  
ГІяярли гездикІути,  
Шурдухъи назмуртачи  
НабчидяхІ чардулхъути.

Рукъясли ургубала,  
Вавни хамли пишдирхъур:  
Чула хамдеш къугъадеш  
Къяянази дархдиркур.

Урхъназибад умули  
Савли берхИи хIербилзан,  
РурхIути нуранира  
Назмуртази кадилзан.

Бац гъарзаси заклизиб  
Набчил гIяшли гъайбикIар,  
Сунела шалалиур  
Дугъбира шаладикIар.

ГIяшици вазурбазир  
Арцанти икрамдикIар,  
Чула эркин макъамти  
Далуйтазир зайдикIар.

Гъар къарла чIиъ, гъар кIапIи  
Дузули дирар набчил,  
Дила назмуртас гъаман  
Калзули кумекличи.

БиштIатала лякъирта  
Луга малхIямдеш илдас,  
Халатала гIякълума  
Луга бугадеш илдас.

Дирихъ башар, гIяйбирар,  
Назмуртас гъай дихули,  
Къукъу-рямкъла тIамара  
Бирар ургаб бирхули.

#### ВАНЗА

Эгер адамли къяйда  
Далалри гъай ванзали,  
Чичил гъайбухъишира  
БегI гъалаб гъай бурули?

Сунна децI-дард бегI гъалар  
Чизи гъандушесара?  
Уб халкъли хIебагъурси  
ГIякълу чис буришира?

Эгер адамта къяйда  
Далалри гъай ванзали,  
Чидил лугъатла гъайли  
Гъайбухъесара марли?

Агъ, ванза, дила ванза –  
Гъарил мицIирдешла неш,

Балас, тIалабхIейради  
АнцIбукълумас бикъридеш.

СенкIун хIу сабри бикъри  
Къадуртас къисматунас,  
ХIечиб саби ахирра,  
БехIбихъудра жаланас.

Ахъри биалри хIезиб,  
Вайнукъя къяриади,  
АхIмакъ хIела къакъличив  
ВелгIахъули валтади.

Балас, гъай даладлири,  
Лугъатра бири хIела –  
Даршудеш бихIянтала,  
Гъалмагъдешлис мартала.

\* \* \*

УркIи бикIар: «Жан дерхъаб  
ЦIакъ дигайла бегIтала,  
Жагъдеш даимлис калаб  
ГIязиз жайчирра мардеш  
Дурхъали дихIутала».

УркIи бикIар: «Жан дерхъаб  
Ламартдеш агартала,  
Бурибси гъайла багъа  
Гъал гъабзачил дурхъаси  
ГIяхIгъубзнала абнала».

УркИ бикIар: «Жан дерхъаб  
ЯхI-ламус умутала,  
Дархъти хIял-гIабигIятли  
Халкъла ургар узидеш  
Уржахъес бузутала.

УркИ бикIар: «Жан дерхъаб  
Даршудеш бихIянтала,  
БегI гIергъиси гыгълизиб  
Ванза, гIямру даимлис  
Калахъес бугъутала!

1966 д.

#### ДУДЕШЛИС – 100 ДУС

УркИличиб къалп агар,  
Масличи гъаргъдеш агар,  
БалкIдешлис мутIигIагар,  
КIарзабас салам агар.

Душманти ламартличил  
ВатIайчи чебухъунхIел,  
Ургъади къирбарайчи,  
Жан ахIерахIерили.

Къияндикиб адамлис  
Кумекбарес хIядурси,  
Вири дудеш гIяхIгъабза  
ХIялалли хIериубси.

ГIяхIялдешлис марсири,  
Гъалмагъунас цIакъсири,

Шила ухIнав, ша дурав  
Ламуслис гъалаксири.

Унхъразив анхъчи сайри,  
Хъумачив хъубзар сайри,  
Шантазив гъавкъя сайри,  
Мукърачив делхъчи сайри.

ХIу агри багъахъурри,  
Ши – шантази, гIяхIлази,  
Байрумтази, мукърази,  
Гумайлизи, унхърази,

ХIу агри набван декIли  
ХIебургар цалисалра,  
«Масла мискин виалра,  
Виъмайаб бекIла дургIал» –

#### РАРХ РУЧУЛИ КАЛУНСИ АМИНАТЛИС

РелхIунрив? Се хIяйчиррив?  
Рузи дила Аминат,  
Дархъес дигулла хIечи  
Мар уркИила саламти.

ВерхIцIали ибти дусми  
Ляркъули сар кас-касли,  
Нушала гIямрулизи  
Бухъун гIебшнила дурши.

ИтхIели белчIудицун  
Пикрила дайлаб бири,  
ГIямрула мурхъти гIилму  
Аргъахъиб заманали.

ХIела гIямрула гъуйчиб  
Шалдаван шала алкаб,

ХIела баркатла хъулир  
ТалихIла нур мадишаб.

Адамдешла ахъ байрахъ  
ХIела жинслизиб калаб,  
ХIялалдешла Бац-БерхIи  
ХIела рухIлизир алкаб.

Чарх магъила лачинти –  
Уршбира батаб хIела,  
РяхIмула хIурулгIянти –  
Рурсбира батаб хIела.

Рузи дила Аминат,  
Рашигу дарх аркъехIе  
Даршдусла гIямрулизи  
Шаддеш, арадеш далцIес.

## АРГЪИРИ ХІУНИ КЪАННИ

Дигайла райхІян вавни  
Гъариллис гъадурцули,  
Марти дигайла мягІни  
ГІямрулизиб хІергъири.

Байрамличирван шадли  
Ятли гІямру деркІири,  
Дунъяла шишимтани  
Урцнила хабар аги.

Карцайла дуцІар цІали  
Бахъал ванабирули,  
Чиллала бугІяр дуги  
Лябкънилис шакдеш аги.

Шаласи берхІи улкан  
Гъагулли кІапІкабариб,  
Катцада лагра бирни  
Аргъири хІуни къанни.

*11. 03. 2018 д.*

## ДАЛУЙТИ НАБЧИЛ КАЛУН

Тутла галгала хъарлаб  
БучІули лебри булбул,  
Нуни барибси балга  
ХІебариб бекІлил къабул.  
Дила уркІилис къабул  
НабчивяхІ гъалакхІейуб.

Дила пагъмула булбул  
Гъаман бучІули калун,  
Нуни дирути балгни  
Дирули гъаман къабул  
Дила уркІилис къабул –  
Далутти набчил калун.

## ВИШТІАСИ АКІУБХІЕЛИ...

ВиштІаси акІубхІели,  
Нушачив «ургъаб» виру,  
Неш-дудешли айкъесли,  
Арадеш, гІяхІдеш дулга.

Давлала вегІ ветааб,  
Дявла кІухла мабакъаб!  
Халавааб. Халадеш  
УркІилизи мабуцаб.

ТалихІла вегІ ветааб –  
Шангас хъарихъ виубли,  
ЯхІ-ламуслизив ахъли,  
Сабурлизив чІумали.

Дунъяла гІяхІдешуни  
Дулгулра, гъаман дираб.  
Ванзала лигІматуни  
ХІела шулгІир каммайаб.

Хъя-вягІдализив марли,  
Чарх-бекІлизив арали,  
БерхІиван дяхІ шалали  
Баркъ-бацлизив умули.

ВиштІаси акІубхІели,  
Нушачиб «ургъаб» виру,  
ГІямрулира велкъаби,  
Дигайлира вицІаби.

## НАБ СЕН ХІЕЛУГУСИВ У?

Ну чи саррал чинилра  
Набзи хъармабиида.  
Хъарбаая унхърала  
Дерхъибти цІедешлизи.

Хайдакъла хан унхърала  
РухІнар сарра мурталра.  
Дила децІ, дила шаддеш  
Илдачил барх буртІулра.

Ну чинар рирусирал  
Хьар-хьармадиидая  
ДаКирая ваЦала  
Зума-зумал мерличи.  
ВаЦала гьарил галга  
ГьакIбикIули кьялуба,  
Дирули наб икрамта  
ХIерли дургисра гьаман.

Ну чичил гьайрикIулрал  
ХIергьули диаддали,  
Арцанти жидарая,  
Илдани жаваб луга.  
Арцантачил гьайрикIес,  
Жявли бурсириубра.  
Илдала мез шурдалтес,  
Бажардира риркулра.

Ну чичила ручIулрал  
Хьармабииди набзи.

Хьарбаая заклизе –  
Зубарта вахбердибси.  
Дуги дуракарулхьас,  
Зубрачил лякьиррикIус,  
Закла капарайлизи  
Чугурла зай батиис.

Ну чичил хIерриулрал  
Багьес хьулдухьадалли,  
Хьарбаая вавнази  
Гьар вахтлизир рурхIути.  
Гьар кьарлис, гьар вавалис  
Далай цалабирхьули,  
Рирус вавнала ургар.  
Мирхьиван гIайриубли.

Халкьла поэтла уми  
ЦархIилтас дедеибхIели,  
Наб сен хIелугуси у  
ТIабигIятла поэтла?

#### ГЪАНДУРШУЛРА ДЕЦЛИЧИЛ

Хивла галгаличибад  
БухьутIа кIа кьяббиуб,  
Жайзивизур адамван,  
Галгара зигарбиуб.

Дила кьяшмала гьала  
Кабикиб кIа хIейгули,  
БехIани духьутI кьарла  
Чеди чIикьбитIун декIли.

Галгубала миЦирдеш  
Калахьес дигусиван,  
Хапбарили касира  
КIа дила сабхIеливан.

ХIеррикIулра жагадеш  
Кабурхул галгаличи.  
ДацIли ардякьун жагьдеш  
Гьандуршулра децличил.

#### НУ ЗУБАРЛИ ДИГУЛРИ

Заклизиб цIил бац саби  
Исбагьила недгьуна,  
ЦIудар-цIяб капарайзиб  
Мургьила кьялигьуна.

Гьарахьлира гьамлира  
Чедиур зубартира,  
Бацли шаладарибтин,  
Адалки духьутI рангли.

Бацла ранг чеббикIибси  
ХIязлис ахIен абали,  
Наб рангла палтар дири  
РиштIахIели дирули.

Нешлис бигуси рангла  
МягIна кьанни аргьира,  
Сари ЦИбац сархIели,  
Ну Зубарли дигулри.

## ДИЛА АХІЕРСИ ЖАВГЪАТ

Тегенекла вацІурби  
Агу дила ши-алав,  
Щедешли дерхъиб унхъри  
Сари улкъайла гьалар.

ДуцІрумлизир пархдикІар  
ХІеб садитІун мицІир жан,  
ШилизивяхІ гьуцІдикІар  
Гьарахъливил жавгъатлан.

ГІебшнилизир эркинни  
Къумур бирицІур цІедешли,  
Шантира сахаватли  
МабиКІар баракатли.

Яни тухъли хІердирар  
ХІяйван-къача – мицІирдеш,

Щаличиб шангра руржар,  
Дирули цІакъ гІяхІялдеш.

ХІеблизиб гьар мицІир жан  
Саб хІулкІули булхъули,  
Бетарули ши булдеш  
Вана ниъли духъули.

Шараб шинна гІинзурби  
ЧяхІдикІар шила духІнар,  
Сагъдирули излуми,  
Вава-къар вяхли духъар.

Дила ахІерси Жавгъат,  
Нушаб бикибси савгъат,  
Гьарил хІела бахча-анхъ  
Сари бегІта датур хатІ.

## ГЪАРИЛЛИЧИ БИАХЪИС

Дила чугурла аги  
Саби гьанна яслизиб,  
Дагъистайзибси аги  
Бахъ къиянси сабхІели.

Дила чугурла аги  
Бисули саб децІлизиб,  
ГІяхІти гьубзнала аги  
ЯсирдешлизибхІели.

Дила чугурла аги  
Дирихъван хумарли саб  
ХІярхІубала кахси шятІ  
ЗявбикІухІели мякълаб.

Дила чугурла аги  
Харабдешлизиб саби,

Рушбатчибала аги  
Лаззатлизиб сабхІели.

Дила чугурла аги  
Дардлизиб цІумбикІулри,  
Хъулки-житала аги  
ЧебяхІли чебиули.

Дила чугурла аги  
МяхІтарли тІашли сабри,  
Дякъ буресил угаги  
ЧеббалкІунти бургази.

Дила чугурла аги  
Сеннира зайбулхъахъис,  
Бархъдешла цІакъси аги  
Гьарилличи биахъис.

2000 д.

## ВА ДУНЪЯЛА НЕШАНИ

Ва дунъяла нешани,  
Наб дигахъес дигула,  
Сахават ванзалисра  
Байрам гІямру дулгула.

Халкъли пахрубарести  
ДурхІни алкІаб хІушала,

ХІуша хІулдукІахъести  
ГІямру диаб талихІла.

Цайналра уркІилизи  
ДецІ хъурамабиахъаб,  
ХІушани дегІун ризкъи,  
Хъалта агарли, дерхъаб.



Нешани, дунъяличир  
Далуги, хЕдалуги,  
ДицИибти михъиртачил  
ХЕрбараба биштIати.

Муэрлизирра диги  
ХIуша-ургар каммайаб,  
ХIуруцIлизиб наб диги  
Агарли дергъла маймай.

ДурхIни бираб хIялалти,  
ЯхI-ламуслис чебяхIти,  
Дунъяла гIяхIра вайра  
Духули далдушести.

Нешдеш дагъес къадарти,  
ХIуша хIерти къадурти  
Шаладиаб. Дулгулра  
Шаддешра, арадешра.

Бузери дигутили,  
Някъби сахаваттили,  
Дару далайбарести  
ДурхIни алкIаб гIяхIгъубзни

Гуявра къадариаб  
Берхъахъесил баракат.  
Гелинра къадарриаб  
Чихъ зубрала малайкат.

#### ЛАЙЛА – МИЦИРДЕШ САБИ

Нешла гардла лайлала  
ТIамааур дай дуги,  
«Неш!» – или тIатIрухъунра  
Чилра, селра бугаги.

УркIи гъяжиуб декIли,  
Нургъби кIантIдухъун кункли,  
Пикрумала дукIлизи  
Бабгиб дила чарх децIли.

МалхIямси нешла лайла –  
Ну русахъес бучIуси,

Сен кахли вара гъанна,  
Мурил гъанкI къябиули?

БекIала цIакъли бургар,  
Ил кахси бетаурси,  
Къадуртачи гъаннара  
Сен бурсидеш агарси?

УркIилизиб, хIилизиб,  
РухIлизиб, мехIелизиб,  
Лайла – мицирдеш саби  
Нешла – набзиб калунси.



# Фольклор

---



Патимат ВЯХИДОВА

## АЗГЪИН УРШИ

*(Къянала хабар)*

ЦабехІ гІяхІги бегІтала уили сай хІекъли азгъин урши. БегІта илизи сегъ-уналра хІянчи барахъес бирули буили ахІен. Укесра, ужесра, усесрацун сабри илини балуси. Илдала чула мискиндебличи мешуси биштІаси хъура лебри. Чебетаибси хІеруди бирули – балцули, дяхІни учибирхъули, заманаличиб арцІи къарлизибад умубирули – хъучибад илдани унрубалайчиб цакъадар къулайси сабухъ кайсулри.

Азгъин урши хъу чебиъна цагъачамалра гъамхІейуб. Ухънакаибси дудешла ва гъунарагарриубси нешла някъба бучибси ризкъила къякъ уршили гъамадли талапбирулри.

Къараул хІебаралри, урхІла маза-мас, хІяйван-къача чедидухъи, анкІи бугусири. Уршилизи бегІги илди гъадирхъяхъес тиладибикІутири. Урши биалли, къараул барира или, чина-биалра виаркайили замана арбукъяхъи, хъули чарулхъусири.

Уршиличила децІикІуси ухъна декІли зягІипикиб. Рухъначи дугъаизур:  
– Гъу, дила хуху, ну гъанна ахъриагариублира, гъаннала гІергъилра уршили хІед кумекбаресгу. Ишдуслис баари напакъа леб. ГІурли хІушаницун гІямалбарес чевкъар...

Ца чумал жумягІ дикибхІели, ухъна сунела ахиратла хъули арякъун.

Илра хІяриихъили, рухъна сунела азгъин уршиличил цунрухъун. Камси заманала бухІнаб каберхур беркесири. Хъучиб хІянчи бируси замана гъамбикІулри. Нешли дек духес къасбариб ва кумекбарахъес уршилизи тиладибариб. Азгъинни нешла гъай бекІлил пикрилизи кахІесиб. Рухънани риругІер декра духиб, тІинтІдариб, унрала уршилизи хъу бацахъун. Гъанна арцІи-къарлизибад умубарес гІягІнилири, амма ил берцІес хухула гъунар аги: ил зягІиплири. Сунела изайчила ил пикририкІули ахІенри – ил селра барес

хлейгуси азгъин уршиличила сарри пикририкIуси. Камси заманала гIергъи рухънара сунела ухъначи аррякъун.

Азгъин цунухъун. Баргбердайчи балхуси канили саби лебни балахъулри, шишимала агарли калунси уркIи гушси канили бисахъулри. Гъанна къацI лебху, гIур лебху или унзаличи хIерикIулри.

ХIехиб илис чилилра къацI.

Касили миршбира сабира, чула арши диршес аркъути унруби азгъинни чебаиб, ва илдачил варх сайра ватихъиб. Азгъиндешла балагъли ил вашес вирули ахIенри. Унрубази хъарбаили сабри илини чула хъура баргибси. Ил лебилра арцIили бицIилри, маза-мас, хяйван-къача чедашули ганзкабарилри. Сегъуналра луги чебаэс аги. Батурли хъучиб миршра, азгъин хъули ватихъиб. Лебал-лебси унцра бициб, илис дикибти арцлис ризкъира асиб. СецадхIи кавлана асибти ризкъи? Кадерхур илдира. Бицеси гIур селра кахIелун.

Дебали гушиубси, гIяжизиубси илини унрубазибад къацI тиладибариб. УркIецIидухъунси унрани, сай багъандан хIебиалра, бахъ гIяхIти бегIтала сайну, илдала хIурматлисра чархIейрисрагу или, цIунализи някъ батур – къацIла кесекалра агарли убухъун. Сагаси берцIес, башни башес алавухъун – бетIу хIедаргиб.

КъардикIули дуравхъун Азгъин унрубачивад. Тамаша: ил дуравхъунман, унрани баягъи цIуннализиб къацIра, усилар бетIура даргиб.


Гаши бибхIес Азгъин лебилра унрубачи вякъун, амма цалра унрала хъулиб «беркеси убхIебухъун». Ил чичи гъаввакIалра, илдала беркес-бержеси бет-кайхъулри. Ил дуравхъунхIели биалли, чула мераначир илди дагъардирулри.

Бареси хIебалули, ил гумайла къаркъубачи кайиб ва ускауню гъаннара тевал, бикIар, кайили ит мерличив. Ил гъанкIлизивад чевхIергъахъес мякълабад аркъутира багълали башули саби, сенкIун илдала къацI-бетIура агардиэс асубирар.



## Очеркунни

---



МяхІяммад  
ТАХСУРМАНОВ

### ГЪАРРА ШАЙЧИВ ПАГЪМУЧЕВСИ

*«Гъарил адам алмаз сай, сунени сай  
лямџикІахъес виалли»  
(Л. Толстой)*

ИкІ эпиграф ургубалис вава-къарван, делхълис дам-дядван балбикибси саби Хизри Юсуповличира.

Адамти леб чебяхІси даражала багъудира касили, аспирантурара таманбарили, Гилмуртала кандидатунира доктортира бетаурли, чІянкІли чула санигІят хІясибли бузули, цархІил санигІятлизи гъудурхІебирути, чула цІакъани ва пагъмурти цархІил санигІятлизир ахтардихІедирути.

Леб адамти гІилмулизирцунра ахІи, тарихлизир, культурализир, искусствозиллизир чула цІакъани ва пагъмурти ахтардидирули бузути, илаб бажардибиркути. Илдигъунтазивад сай хъярбукан Юсупов Хизрира.

Ил – поэт, журналист, публицист, языковед, гІялим, гІилмула жузала автор сай.

Илгъуна гъар шайчив пагъмучевси адамла гІямруличила ва бузериличила тІинтІси баян агара. Илбагъандан Хизрила гІямруличил ва сабухъебси бузериличил бучІанти тянишбарни иш макъалала бекІ мурад саби.

Хизри цархІилти къяйда белкунси гъуйчивад ватихъибси адам ахІен. Ил, лугри- катругуни диркъдарили, къячІикІуни-ласбулхъуни дархъдарили ватихъибси дебали сабухъевли узуси поэт ва гІялим сай. Сунес сунени гъуни кабердибси адам сай.

Хизри Дахадаевла районна Хъярбула шилизив Юсупов ГІябдулмажидла ва ГІялиева Аминатла хъубзара хъалибарглизив 1956 ибил дуслизив акІубси сай.

1963 ибил дуслизив Хизри Хъярбукла ургадаражала школализив учІес веХІхъиб, 1974 ибил дуслизиб ил таманбариб. Назмурти лукІес Хизрила жявли къас акІуб: 6-7- ибти классуназив учІухІелил назмурти цаладирхъес веХІхъиб.

Хизрини бузерила тѐм-тѐгѐям, кѐян-жапа жявли дагъур.

Бузерила цаибил ганз кацѐиб сай акѐубси шилизибад гъарахъси Узбекиста Бухарала областъла Минбулакъ бикѐуси шилизиб, дудешличил варх узули. Илаб кѐлра узбекунас юртани дирули бузи. Хизри лацла ва мегъла устара сай.

Белчѐудиличи гъаргъси Хизри 1975 ибил дуслизив ДѐУ-ла филологический факультетли керхур. Гѐярмияли илала белчѐуди къябаахъиб.

1976-1977 ибти дусмазиб Казаннизиб Ватѐайс марси къуллукъ бариб.

Гѐярмиялизивад чарухъи гѐргъи, 1983 ибил дуслизиб заочно ДѐУ-ла филологический факультет таманбариб.

Заочно учѐухѐели Хизри Хъярбукла художественный комбинатлизиб ялчили ва комбинатла ваяхѐла хѐисаб – лугѐи кайсуси бухгалтер вири.

1983-1986 ибти дусмазив Къаякентла районна Дейбукѐла гехѐел душла школализиб учительли, 1986-1989 ибти дусмазив Дахадаевла районна Урцакила гехѐел душла школализиб директорли узи.

Хизри Юсупов 1989 ибил дуслизив хъалибаргличил Мяхѐячкъалализи гечиуб.

1989 ибил дуслизив заочно Киевлизибси Рыльскийла уличилси университетла аспирантурализи керхур. 1989-1994 ибти дусмазив даргала радиовещаниела жагъилтала передачала редакторли узи. 1994-1995 ибти дусмазив «Вдохновение» предприятияела руководительли калун. 1995-2000 ибти дусмазив «Дарго» бикѐуси гѐяхѐбаркъла фондла руководительли узи.

1995 ибил дуслизиб Юсуповла «Гъуни» бикѐуси назмуртала цаибил жуз дурабухъун.

1996 ибил дуслизиб «Гѐямрула някъиш», 1997 ибил дуслизиб М. А. Мутѐалимовличил барх «Хъярбукла шила тарих ва культура» бикѐуси монография, (Ил жуз белкѐес 3 дус бузиб, 1994-1996), 1998- ибил дуслизиб «Дунъяла тѐм», 2000-лизиб «Авкѐапѐи» жузи дурадухъун.

2000-2004 ибти дусмазив даргала радиовещаниела корреспондентли, переводчикли, дикторли узиб. 2004-2007- ибти дусмазив Хизри Юсупов «Гъалмагъдеш» журналла редакторли узиб.

1992 ибил дусличивад журналистунала Союзла, 2009-ибил дуслизив писательтала Союзла член ветаур.

Хизрила 2003 ибил дуслизиб «Далуйтала духем», 2004 ибил дуслизиб «Шала ва дяхѐици», 2006-ибил дуслизиб «Зурхѐябла верхѐел ранг» ва урус мезли «Вечность мгновения», 2008 ибил дуслизиб «Цайдешла макъам», 2011 ибил дуслизиб «Даршал далай», 2008 ибил дуслизиб «Даргантала гѐядатунала поэзия» жузи дурадухъун. 2011 ибил дуслизиб Къурбанов Хѐябибличил барх «Дарган мезла орфографияла словарь» цалабахъиб.

2006 ибил дуслизиб «Даргантала гѐядатунала поэзия» темаличил диссер-



тация защититъбарили, филологический гИлмуртала кандидат ветаур.

Хизри ГЯбдулмажидович 2008-ибил дусла февральличивад вехИхъили ишбарХиличи бикайчи РАН-на ДНЦ-ла XI. ЦАдасала уличилси мезла, литературала институтлизив гИлмула бекИливиубси хЯнчизарли узули сай.

2009 ибил дуслизиб «Дахадаевла районна тарих ва ишхИелла замана» (Дахадаевла район: история, ишбарХила замана) жуз «Лотос» издательстволизиб дурабухъун. Илизирра Хизри Юсуповли бутАкьяндеш дариб.

2016 ибил дуслизиб «Алеф» издательстволи Хизрила «ВерхИел кIапИ» бикIуси назмуртала жуз дураиб.

2017 ибил дуслизиб Москвализиб бетаурси естествознаниела Россияла Академияла конференцияличив Юсупов Хизри хIурматла докторли викиб.

2018 ибил дуслизив XI. ЦАдасала уличилси ДНЦ-ла ученый Советла членни викиб.

Хизри Юсуповли гИлмула 70 хЯнчи делкИ сай, илдала бухИнабуц, бяхИ-чибиз саби гИлмула хЯлумцIнила бетуц. Назмуртала 12 жуз дураили сай, царХилтачил дархра 5 жуз дураили сай.

Филологияла гИлмуртала кандидат ветаэс Хизри Юсуповли мекелли халаси гИлмула хЯнчи бариб даргала литературала мез ва илала разделти-бутИни лексикология ва лексикография гьаладяхИ ардукес, давлачердиахъес, чеункъ-диахъес, чедиЦахъес.

Дарган мезла лексика гьалабяхИ арбукес, чебиЦахъес гИлмула 15 хЯнчи делкIун студентунас, учительтас, преподавательтас багаладиэсти.

Хизри Юсуповли бурес агарли халаси хЯнчи бариб лексикографиялизибра. Илис багъишладарибти гИлмула 15 хЯнчи делкIун, 5 словарь цаладяхъиб:

Урусла – даргала словарь – 2005 д.

Школабас урусла-даргала словарь – 2009 д.

Литературала терминтала словарь – 2014 д.

Дарган мезла орфографияла словарь – 2011д.

Дарган-урусла словарь 40000 девличилси – 2017 д.

«Дарган-урусла ловарь» даргантала тарихлизиб разидешла анЦIбукъ саби.

Юсупов Хизрила бузерилис, творчестволис поэтунани, писательтани, гИлмуртала кандидатунани, доктортани, журналистунани кьимат бедиб.

Цачумалла у гьандуршис: ВяХидов ГЯбдулла, –литературала критик, гИлмуртала доктор, профессор. Илини Хизрила назмуртала жузас мурхъси кьимат бедили сай, Ибрагъимов Ибрагъим – учитель, журналист, писатель. Чула гИямуричила гьанбикуни лукIули сай.

МутIалим МутIалимовли – сабухъчевси гИялим-фольклорист, Хизри поэт сайливан гапирули сай.

Ильяс ХИясановли, МяхИяммад Рабадановли, ХИябиб Къурбановли, ПатИмат Къурбановани, МяхИяммадшапиГ БяхИямГИялиевли, Рабадан ТаГиновли ва царХилтани Хизри Юсуповла творчестволис ахъси кьимат бедиб.

ВерхИел диссертация делчИ, Хизрини илдас чебетаибси кьимат бедибтала уми гьандуршулра: ШяхИбанова ПатИмат МяхИяммадова, Наида ШяхИбанова, Зулмира Ражабова, ГЯбдулабекова СаГИда, МяхИяммадаминова СалихИят, ШяхИбанова ПатИмат.

Гуррара урчЕмал рефератра авторефератра делчи, илдас чебетаибси кымат бедили сай гЯлимли:

Илди саби: Эльмира ГЯмарова, З.И. ШяхИбанова, Н. М. МяхИямадова, П. А Халипаева, З. К. МяхИямадова, П. Н. ГЯхИмадова, З. М. ГЯбдуллаева, М. А. МутИаллимов, А. ХИябибова.

Илди 16 адам гИлмуртала кандидатуни бетаурли саби. Сегъунси сабухъ-чебси бузери сабил Хизрила!

ГЯкьлу, гьунар, багъуди лерли хьалли, Хизри Юсупов халадеш, хамдеш агарси, гЯдатла, адамтас икьалабарес хИядурси гьабза сай. «ХалахIерхни адамдеш сари» (Л. Толстой)

Хизри сагали назмурти лукIес бехIбихьибтала марси насихIятчи, хьарихъ сай. Ца чумал адамла уми гьандуршулра:

ГЯлижанова ГЯжа, Къаратова Раисат, МяхИямадова ПатИмат, Юсупов РабаданхИяжи, ва цархИилти.

Хизри Юсупов бахъал адамтас багалачевси адам сай. Иличи дугьабилзан гьар журала санигIятла бучIанти, учительти, студентуни, преподавательти ва гИлмула хИянчизарти. Чи сегъуна суайчил дугьаизалра – лебтасалра кумекбиру.

Илгъуна сабухъчевси лукIан мажахIят лев виэс ишбархИила даргантала лукIантазив. БусягIят Хизри ГЯбдулмажидович филологияла гИлмуртала доктор ветаэс узули сай иш темаличил. «Даргала литературала мез акIни, кадизни ва гьаладяхI ардукъни».

Хизри, гьарбизаб хIела, Аллагъли вархьяаби хIу.

Адамтала бегIлара халаси хазна – бузери саби. ХИянчи чебетаахъили бирадли, ил хИянчи хIед гIергъи башар, чедихIяртли бирадли – хIезибад гьаббулхъан. Илбагъандан сари хИянчи Хизрис гIергъи дашути ва илини чедетаахъили дирути.

ГьатIира дахъал хИянчи дирахъес Аллагъли хIед арадеш габ, Хизри, берхИила нурван лямцIбикIуси талихIра габ, хIела гЯкьлу халабааб, пагъму мурхъбиаб, жуза адамти разибараб. ХIела ПатИматра атхIебла вава-къарван разили, ара-сагъли, хIед кьуллукъбирули калаб.





Дагъиста халкъла поэт  
**Аминат ГИЯБДУЛМАНАПОВА**

### **МЕЗ ДЯРКЪЯХЪЕС БАЖАРДИ**

Мез – халкъла историялизи халдирути сари. Мез – адамти культурала гъа-лабяхI арбукънила лишан сари. ВеГIла мез дяркъни – ца иткъи илди багъаналис сен-биалра кам-хъяшли дагъниун ахIенну, илдала къадри аргъили, мурхъли дяркъурли диэс гIягIнити сари гъарилли ва дурхIнази илди дагъахъес чебла саби бегIтала, школала ва учительтала.

Паргъатдеш хIебалуси, тамашала дарган хъунул адам рузули сари МяхIячкъала шагъарла багъудила Управлениелизир. Ил сари Рамазанова Рукъият АбакархIяжиевна. Илала зангъли ну гъалаксаахъурра.

– Лерилра миллатунала писательтазира багъахъурли, илдира бучили хIура раКIи нушала балбуцличичи, – рикIар. Ил балбуц шагъарла миллатунала назмурта ва хабурта лукIути учительтазибад цалабикибси къукъяла сабри.

Чумал дус ну Рукъиятличил гъалмагърикибсира. Илала цапра зангъ нуни бацIли батурси ахIен. Илала гъарил жилис гъаларашусира.

Марлира шагъарла жура-журала школабала гIяхIцад учительти цалабикилри. Илди декIар-декIарти миллатунала лукIантира сабри.

«Поэзияла зайдикIути гимии» – илгъуна у бедили, илдала цахIнабси жузра дураилри. Ил балбуцличичи чумал поэт даякунра. Ярга-яргали учительта чула назмурти, хабурти, очеркуни лехIихъутас делчIун. Школабала директорти, миллатунала газетабала хIянчизарти гъайбухъун, лебтанилра чула пикруми дуриб.

17 ибил школала дарган мезла учительница Хамисла ва 42 ибил школала учительница Зубайдатла назмурти гIяхIил чедетаахъили делКIири. Илдас ва цархIилти миллатунала учительтас дипломти дедиб.

Гъайгъайра, нушала «Лачиннизи» назмурти дихути учительтира леб. Илдазибад саби Хамис ва Зубайдат, леб цархIилтира. Илра веГIла мез дигахънила лишан саби. ДГУ- лизи цалабикиб миллатунала мезла дурсри кадирхъути преподавательти – гIялимти, студентуни ва шагъарла школабала учительти. Халкъани-ургабси мезла бархIила шадлихълис хасбарисси балбуц сабри илра.



Мезла къадриличила гІяхІцад гъай детаур иларра студентунала ва учительтала ургар. Жузала ва вегІ-веГІла миллатунала культуралис хасдарибти майдунти декІар-декІарли чедаахъиб, берклуми, палтурти хъалицІала ваяхІ, викторинаби. Илгъуна балбуц дураберкІахъесра халаси къайгъи ва гІяхІцад хІянчи барибси Рукъият сарри.

– Илдигъунти далдуцунани адамти-ургарти уржибдеш, узидеш ва миллатунала мезличи диги имцІадирахъули сари, – рикІар Рукъият Рамазанова. – Дагъиста миллатунала мезла дурсри кадирхъути учительтала архІяби-гъунибаъниби лергІер дахъал сари. ХІера март базлизиб Ханты-Мантыйсклизиб Халкъани-ургабси «Россияла дахъхІила миллатунала халкъанала мез руркънила шайчибси форум» бетерхур. Ил форумличиб докладунала чебкад гъайбухъун МяхІячкъалала школабала учительтира. Дигеси сабри, 53 ибил школала ва 9-ибил лицейла дарган мезла учительница Ибрагъимова Нарижат ХІяжиевна хІянчи чихъли къиматлабарни. Илини цаибил даражала диплом сархиб.

Дагъиста Огнлизирра мезла учительтани бутІакъяндеш дариб. Илаб пикрибарибсири мез руркънила центр акІахъес ва атра акІахъуб, ил бузули саби бусагІятра шагъарла Ббъудила Управлениелизиб.

Рукъият Рамазановала къайгъначибли учительти-ургар тотальный диктантунни, дурхІни-ургар конкурсуни дурадуркІули сари. Шагъарла школабазир мез руркънила кабинетуни акІахъесра директортачил хІянчи дурабуркІули сари. Мез гъаладяхІ дашахъес дирути къайгънала сархибдешунира лер. Лебил Россияла олимпиадабачир ученикунани чуйнара гъаларти мерани сархиб. Цаибил даражала дипломти сархиб кІарахъала мезла назмурти делчІунти авал дурхІяли, кІел дарган дурхІяли, къумукъла, булугунала ва лезгибала дурхІнани.

Миллатла политикала министрла хъарбаркъ хІясибли «Мез руркънила асарли этнокультурала давла имцІабикІахъу» бикІуси темала чебкадра мезанала учительтани докладуни хІядурдариб ва гІялимти, писательти илдачил тянишбариб.

Дагъиста халкъла поэт Расул ХІямзатовли гІуррара гІяхІил бурибсири.

«ЖагІял дила мез дубкІни баласри, ну ишбархІи вебкІес хІудурлира».

Бахъал гІялимтани, машгурти писательтани мез мяхІкамдирниличила чула пикруми ункъли делкІун. Республикализир дахъал мезани лерни – ил миллатунала халаси давла саби. Дагъиста халкъанала мез хІедебкІахъес, илди давлачердикІахъес, халатазирад дурхъаси аманатван гІур алкІутачи даахъес ва гъарил миллатла адам сай вегІти мезли гъайикІахъес Рукъиятгъунти паргъатдеш хІебалути, ил къайгъилис чула заманара, гІямрура, цІакъра харждирути лебти биалри ишбархІи, нуша ишцадра цІумхІедикІира. Хаслира гІялимти, писательти.

– Библиотекабазир жузи бекІнадли кадихъили, садирхъусилра агарли, хъасали кІапІдарили сари, – рикІар ца нуни ралуси гІялим. – Мез детихъни-

ла урехи халабикѹли саби гѳергъиси замана, сенкѹн школабала дурхѳни бучѳахъес чумал дус жузи дураили ахѳен. Учителътанира мягѳничерти дурсри кадирхъули ахѳен, цацадехѳти школабазир дурсри лерни расписаниелизи делкѳи, дурхѳни дурсрачибад хъайгѳи бурхъули саби.

Мез дагъахъес къайгъни камли сари. Нура илди анѳѳбукълумала бикъри ретаурлира. Сенкѹн нушала журналти къулбасдарахъес мурталра учительтаци, дурхѳначи дугъарилзусира. Илгъуна хѳянчи дураберкѳесра гъамадли ахѳен. Лебгѳеб камкабиубли саби мез дагъахъес дигути. Хъулиб бегѳтира хала нешанира дурхѳнази урус мезли гъайбикѹли саби. Ца ишгъуна бетаурсиличилара белкѳес дигулра. Хала бархѳила байрамла замана дила дурхѳяла дурхѳяли сунечил барх чумал гъалмагъ хъули киб. Нуни илди савгъатунира дедили, кухнялизи букахъес кабатурра. Чиди миллатла сабил илди, чула мез далулил багъес хъулриубра. Жура-журала миллатунала дурхѳнири илди, амма цалинилра нешла мез далули ахѳенри. Кѳел урши къумукъланти узби сабри.

– Хѳушаникѹн мез дагъес гѳягѳнилигу, – рикѳулра, – къумукъла (туркла) мезли байхъалара-сера дунъя гъайбикѳухѳели, хѳушанира дагъес чебиркур, нуни илдас чула мезла «Лачин» журналтира дедес дигусири, амма, сепайда...

## **РУКЪИЯТЛА ДУРХѳЯДЕШ ВА БАГЪУДѳУМАЗИ АРАЦѳНИ**

Ил акѳубси сари Сергокъалала районна Мургукла шилизир.

Дудеш Абакархѳяжиев Рамазан «Рубас» турбазализив завхозли гѳяхѳцад замунтазив узиб. Неш Къагъирова Салимат туке заведующая сайри. Илдала бахъал дурхѳни акѳуб: урегал рурсира ца уршира. Итди замунтазиб бегѳлара къиматлабируси давла – багъуди сабри. Дурхѳнас багъуди бедес гѳяхѳцад къайгъни дакѳудариб бегѳтанира. Рамазайчи сунела хѳянчи хѳясибли, дурабад, шимазибад, районтазибад гѳяхѳцад адамти – гѳяхѳли башутири. Илдас гъалабра уржибси, гъарил секѳайзиб ункъли балкъаурси кулпет биэс гѳягѳнилири.

Сарерхурси ва багъуддумачи регѳриэс къайгъичерси Рукъият школализир «шула» къиматуначил ручѳусири ва илис Огнила «Дубурлн рурсбала интернат» таманаэс къадарбиуб.

Илала гѳяхѳцад гъанбикуни лер ил интернатличила. Бурули сари, Малкин Георгий Алексеевич – чевяхѳси учитель сайри или, илала астрономияла ва физикала дурсрас шулаби кайсули рираси или. Ил сайри школала гъарра шайзивадси организатор сайри. Ил сайри халкъла учитель, ТОКС-ла хѳянчи бузахъи, пергер педагог ва вегѳла мер-муса руркъяхъуси дурхѳнази. Булач Хѳяжиевла гъалмагъ вирусире ил. Нушала дурхѳнази гъарра шайчирти багъуддуми касахъес къайгънази гѳелайкибсири ил. Интернатли набзирра спортличи диги акѳахъуб. Дила гѳямрулизиб ил школа гъарли-марли ну чѳумарарибси, мезличи дигили риѳѳахъибси школа бирусире. «Шула» къиматуначил нуни таманаира ил. Илар касибти багъуддуми бусагѳятра наб пайдалатили детаурли сари. Итди замунтазиб багъудила къалри халасири. Дила рузби Раисатли ДѳѳИИ-ла филологияла факультет таманаиб ва ил Хайдакъла районна Маллакентла школала организатор сари.

Патиматли отличнали школара ДГПИ-ла химико-биологияла факультетра делчи, гъанна илар кафедра доцент сари. Сягидат ва Максалина тухтурти саби. Узи – Мяхяммад ДГПИ таманаили, Мяхячкъалала вазала комитетлизив узули сай.

Нунира ДГПИ-ла филологияла факультет «шула» къиматуначил таманаира. Лавашала районна Къакъамахъилизир завучли рузира. Гямрули ну Днепрпетровсклизир ретаахъира. Украинала халкъли чула адамтазира деклархерираси. Илдачил дила гяхити гъалмагъдеш детаур. Школализир рузес рехрихъира урус мезла ва литературала дурсри кадирхъули. Гъал дусра-сера рузира илар. Дяркъурра украиналан мезра. Бусагъатра илдала мезра далуйтира далас. Чарухъунра ахирра Мяхячкъалализи. Ишаб наб багъудила отделли миллатунала мезла методистла хянчи хъарбариб. Ну лергер тамашариубра чула мез дяркъяхъес дурхнази сегъуналра къайгъни дакъудидирухели, методикала пособиеби, жузи, дурсри кадирхъути специалистуни аги. Илгъуна бурес хейэсли къиянси хянчи набчи хъарбариб. Илхели ил лайкъси даражачиб тлашбахъес чедибти хякимтала кумек хяжатлири, илбагъандан ну шагъарла халал Сягид Амировличи арацира жура-журала масъулти арзахъес кумекбарахъес. Ил адамли дила уркиличи тамашала асар бариб.

– Хугъунти адамти нушаб гягъинти саби, ну вирхула хуницун рируд ил хянчи лайкъси тяхярли бузахъес, хед кумекбарес нура хядурлира, – иб илини.

Гърли-марли, шагъарла школабази рухнаихъули, тянишрирули директортачил, тлабдирули мезла дурсрас хяжатти кабинетунира гягънихълумира, гъаннара ил хянчи бузахъес дила гямру харждирула.

Амма Сягид Амировли набчи барибси асар гямрулис хъумхертис. Илцадра сунела миллатла халкъала культура мезара мяхкамдируси адам сайри ил.

Итхели Мяхяммадмирза Хямзаевич сайри нушала багъудила управле ниела начальник, илинира ну герруцира.

Марлира, Рукъият Абакархяжиевна сунела Ватанра, мезра, культура держбахъес гямрубулан харждарес хядурси адам сари.

Илала бузери нушала хукуматлира къиматлабариб.

Школализир, институтуназир ручухейчирад касибти грамотаби, дипломти дахъал сари. Беглара дурхъаси шабагъат «Почетый работник образования РФ» саби.

Наб бурес дигула, халалгъуна шабагъат илала, мезла учительтала, илдачи диги адилкъули, сай вегити нешла мез руркъути дурхнала шайзибад халаси баркаллала дугъби, урки-уркиларад илис дурути балгни сари.

Амма Рукъиятла гямрулизир пашманти анцбукълумира кадикиб. Илала къакъбахъ отличнали ручуси, лергер жагаси рурси лерсири, сунесра Гяйшат бикуси. Ил изесряхили, Рукъият хераибси больница ва тухтурти кахелун, амма рурси гямрулизирад шалгеррухъун. Илгъуна агрили Рукъиятличи хъумхертеси асар бариб, амма сунела бузери даимбариб ва хянчилилизир чумариуб.

## ГЪАР-УРЛА ГІЯМРУЛА БИКЪРУМИ

ГІямрулизир адам тамашавиэсти баркъудлуми дарес бекІбиубтира гІяхІ-цад хІебургар. Леб биаллира, илдазивад нуни валуси ца сай. Ил сай пергер дубурлан, духути дурхІнала дудеш, дурхІначибад акІубтала дигуси хала дудеш, Россияла писательтала ва журналистунала Союзунала член, къуппакан багъадур ГІиса ГІямаров. Нуни ил вахъхІи даргала фольклор бурчан сайливан валусири. Ил нушала «Лачин» журналла гъарли-марси гъалмагъра сай. ДГУ-лизив учІухІейчивадал даргала культура, фольклор халкълизи дагъахъес, тамашала хабурти дурхІнази дучІахъес мурталра къайгъилизив вири. ГІилмулизи кабихъибси илала лебГІеб халаси пайличила гъайикІули, ДГУ-ла преподаватель А.Назаревичли ГІ.ГІямаровлис чихъси кымат кабатурсири. Варх учІуси Расул БяхІяммадовличил ГІиса ГІямаровли камси заманала бухІнаб, халкъла мухІлила пугъмула шайчир гІяхІцад умцІлаби дурадерили, даргала фольклор бучиб. ГІ.ГІямаровли, даргала шимази ва районтази вашули, халкъла 700-цад хабар дучиб. ДГУ таманбарибХІели, сай акІубси Къуппала шилизи чарухъун ва фольклор бурчантала филиал акІахъуб. Илабра сунела хІянчи даимбариб. 1977 ибил дуслизиб Москвализиб ВДНХ-лизиб ДГУ-ла стенд акІахъубсири. Илаб ГІ.ГІямаровла «Хала нешла хабурти» бикІуси сурагунала стенд гъалабихъибсири. Илала хІянчили ВДНХ-ла арцла медаль бедибсири. ИлхІейчирад ГІ.ГІямаровли чумра сай вегІти назмуртала ва хабуртала жуз дураиб. Чумра даргала бучІантала уркіби разидариб илини. Гъаннара ил лукІули сай. Иш гъакІлизиб ГІ.ГІямаровли даргалацун ахІенну, Дагъиста ва Россияла адамти тамашабиахъуб. Сунела юртлизиб тамашала экспонатунала музей акІахъуб. Нура ила рукъес чуйнара хъулриубсири. Ахирра рукъес имканбакІиб. Марлирагу, «ВецІна бакъибсиличиб, цайна чебаибси гъалаб саби» бикІар халкълизиб. Нура художник, дила рурси Альбинара ГІ.ГІямаровла тамашала юртлизи гІяхІлад дякъунра. Ил, сунела урши Шамилличил разили гъунивайиб. Гъаргалаб урхънала дублартигъунти къаркъубала духем чебаэслири. Илала музейла гъарил къаси дебали тамашалати, даршани азирти дусмас гъалар адамтани пайдаладирули калунти ваяхІли баршилри. ДелкІири гъарил ваяхІла ура тарихра. Илди гІяламатла секІай хІерикІухІели, адам гъар-урла замунтази виахъули сай. Къуппакунтли жявхІелла замунтазир пайдаладарибти ваяхІра лерри. Миллионти дусмас гъалар ванзаличир, урхъназир хІердирули калунти жура-журала мицІирагла скелетунни чедиухІели тамашахІейэсли ахІенри (ихтозавр, динозавр ва цархІилти). Ил музейли ишбархІила гІялимтас ва гІядатла адамтас, челябкъалала адамтас сагадешуни гъаладихъили сари. Дубурла бекІличиб ванза укъухІели, 14 азир дус диубти, гъаб-убла адамтани пайдаладирули калунти, берхІила календарь ва сягІят гъаргдиубли сари. Илдира лер музейлизир. Нушала дубурти къадри-къимат кабатес хІейэси давла саби. Илгъуна хІянчи барес ахъри баргибси ва къуват дакІубарибси ГІиса ГІямаров, нушала гъалав писательлицун кахІели, халкъла игитлизи вейГес гІягІнисилизи халбирулра нуни. Иларти тамашала секІулти чедиухІели, вегІла дубурлан, бузерила зяхІматчи, гІяхІгъабза ГІисачи пахру хІебаресли ахІен. Ну дахъал мераначи раира, музейти чедаира. Санкт-Петербурглизибси музей чебаэс хІябал бархІи рашули калунра. Амма, илдигъунти

экспонатунала музей дубуртазиб бирар ибси пикри чилалра хЛебири. Ге, ил хЛеكلي кабизурси бархъдеш саби. Ила чи укъялра, пашманхЕйрар. Сецад суалти акЛалра, ГПисани жагали, гъалакхЕйкЛули гъар секЛал иргъахъу. Илала пергер урши Шамиллира дудешлис гъар секЛайзиб кумекбирули сай ва иргъахънила хЯнчи дурабуркЛули сай. Ил музейлизи башути гЛядатла адамтала, художникунала, писательтала, музейла хЯнчизартала ва театрла гЛяртистунала, хала хЯкимтала гЛяхЦад белКани лерси жузра сабирхъулра. Лебталалра пикри саби – музей гЛуррара экспонатуначил берхъили, илала дурхъаси хазна халабикЛниличила. Москвализибад бакЛибти Марина ва илала мурул Ильяни чула саркъибти пикруми каргъахъурли белКунси назмура леб. ИмцЛатигъунти гЛягЛниахълуми гъаргалар сари. Ил багъандан музейлис сагаси юрт гЛягЛниса саби. Ил музей Дагъиста ва Россияла хазна биалли, илала даражаличилара улкала хЯкимти пикрибухъес хЯжатлигу. Россияла Академияла палеонтологияла гЛилмула хЯнчизартани ишкъяйда белКли саби: «ГПисани бучибси экспонатунала музей хЛербирухЕли, илцадра халаси къадрила хЯнчи барес илала пикри акЛнилича ва имканбакЛнилича нуша дебали тамашадиублира. ГЛилмула ва культурала мекелли халаси къадрила секЛулти лер ишар».

**УмцЛули ва умсули  
Миллионти дусмала  
Тарихлизи ухЛнавхъи,  
Гъаргдарри нушаб гЛилму.**

**ХЕла музейла хазна  
ХЛерлизиб азиртала,  
Гъарилра мицЛир жанни  
Бурусиван саб мягЛна.**

**ГъигъбикЛусин гъанарар  
Урхънала динозавра,  
Сегъунарил уб дунъя  
ГъайкадикЛар къаркъара.**

**Тамашала гЛяламат  
Буру гЛялимтанира,**

**Калигу дубуртира  
ЛутЛилиур урхънала.**

**Гъала кайхъири, ГЛиса,  
Нушаб хЛисаб-суалти,  
Илди гЛилмула дурсри  
Гъанна севан ирзути?**

**Гъар-урла замунтани  
Датур нушаб къел-хЛерзи,  
Се далтехЕ нушани  
Муснау аркъухЕли?**


**СихЛру лер, ГЛиса, хЛезир  
УмцЛурси Къяба-Дарга,  
Дунъяла лутЛи булан  
Кабихъес нушаб гъала.**



## КАМИУБ ЖУРНАЛЛА ГЪАЛМАГЪ

Нушала журналла «Фольклор» бикIуси рубрикализир чумилра дус даргала халкъла булабала подборкаби кадирхъулра. Буралаби дурчан сайлин хаслира декIарулхъусири Дахадаевла районна Гъулатдила шилизивадси нешла мезла пергер учитель ШяхI МяхIяммадсягIидов. ШяхIли нуша буралабачил гIердурцниличи бурсикадиублири.

Журналла иш номер балкъарахъуIелира илала багъираби кадихъес къас сабри. Илди нушала папкализир агарли урдухъун. Ш. МяхIяммадсягIидовличи се бетаурлил дугъадизес далдизурхIели, багъурра нушала юлдаш ахиратла хъули арякъи виъниличила.



Ил хабарли, гъайгъай, нушара пашмандиахъубра. Илала хъалибарглизи ва узи-уршилизи халаси децIра балахъулра.

ШяхI нушала редакциялизи гъачамалра дацI някъбачил вашули хIейри, гъарил яргализир багъираби, сунела шила адамтала гIямруличила ва бузериличила, халкълис челукъути масултачила бурнилис багъишладарибти белкIани дихусири.

Ил гIяхIцад дусмазив парти-яла Дахадаевла райкомлизивра

узули калунсири. Кайзурси коммунист сайри. Иллини сунела гIямрула бетуц барсбаресра къасхIебариб, сенкIун илини сунела уркIили къубулдарибти дурхъадешуни мяхIкамли дихIусири. Къалабали барсебиубти ялгъан коммунистунас ил «базарла коммунистунни» викIусири.

Нушала журналла бучIантас дебали гIяхIдилзутири дубурлантала гъар-урла гIямруличила, илдани дузахъули калунти гIядатуначила буррути илала белкIани. Бузерила адамти бири илала имцIатигъунти белкIанала игитунни. МицIираг шинни далхути шаруби ремонтдирутачила, шилизи аркъуси гъуни къулайси агиличи буршутачила лукIули вири.

ГIергъити дусмазив ил газетализир ва журналлизир дурадулхъути сунела белкIназив зигарикIули вири районнизивад жавабла къулукъуначибти хIякимти камли шимази башниличи, илди халкъличил камли къаршибиркниличи, хаслира гIергъити дусмазиб шимазибад бахъал адамти хIербирес шагъуртази гечбирниличи.

Иличил ихтилатдикIесра нушаб дигахъира. Илизи нушани аргъахъира, сен районна хIякимти гъанна шимази камли башутил. Шимази башес илдас дигули ахIен, шимала халкълис селрацад гIяхIдеш барес чула имкан агархIели. ХIякимта шимази аркъути гъундурира ремонтхIедиру, шимазиб умудеш баресра илдани хIебирар. ИшбархIи шимазибси аги

илаб хІербирути адамтала жигарчебдешлизибад дигахъуси саби. Илбагъандан саби хІякимти халкъличил камли гъунибиутира. Аги-къяйда илдигъунти диъниличи ил нушачи къабулра икиб.

ШяхІ дебали разиси адам сайри. Илис музыка дигахъи. Чугур-чянгла сайра уста сайри. Гъалмагъунала урга кайибхІели, илини далайра батиули вири.

ШяхІ МяхІяммадсягІидов гІямрулизивад арукъни сунела хъалибарглисра, узи-уршилисра, гъалмагъ-хъилантасра биубси бетахърицун ахІен. Ши булан цІаръабарили сай илини...

ШяхІлис литература дебали дигахъи. ДурхІнази дарган мез ункъли дагъахъес гъазализив вири. Нушала журналла номерти шимази къанни дихъули сари яра гъуйчир деткайхъахъули сари или зигарикІули вири. Сунела урши редакциялизи вашахъи журналти касахъес, сунела белкІа-нира нушачи заманаличир дихъес гъазализив вири.

ДецІдикІулра нушара илгъуна гъалмагълизирад мяхІрумдиубхІели.

ШяхІ МяхІяммадсягІидовли дучибти ва нушала журналлизир дурадухъунти лерилра багъираби дархдяхъялли, мар-марли гІяхІси жуз бетарар. Иличи хІяжатдешра леб. Халаси хІянчи сабри илини барисси. Нуша дирхулра, илала хъалибаргли Ш.МяхІяммадсягІидовли дучибти даргала халкъала буралабала жуз дурайниличи. Ил ШяхІли халкълис батурси сунела къимат дусличи дус имцІабикІуси давла саби.

Халкъличи имцІали пикриикІуси адам сайри нушала ШяхІ. Ил гІямрулизивад арукъни нушала журналлис биубси бетахърилизира халбирулра. Ил адамтала уркІбазив кавлан.

Нушанира ШяхІ МяхІяммадсягІидовла хъалибарглизира, узи-уршилизира, лебилра гъулатдилантазира халаси пашмандеш балахъулра.


*«Гъалмагъдеш», «Лачин» журналтала агълу.*



## ТУХТУРТАЛА ВА ПИСАТЕЛЪТАЛА ТЯМАДА

ВахъИи деклар зягИпли кахЕли, камси гъалавван нушазивад декларикиб Дагъистайзив лебилра халкъли ункъли валуси ва халаси хИурмат бируси адам – Ибрагъим ГЯхИмадханович Шамов. Ил – машгъурси тухтур, гЯлим, республикала жамигЯтла хЯракатчицун ахИенрину, пергер писательра сайри.

Ибрагъим ГЯхИмадхановичла къуллукъла даражаличилара, жамигЯтла гЯмрулизир илини жигарла бутАкьяндеш дирниличилара, медициналала гИлмулизи илини кабихъибси халаси пайличилара вахъИи гъайикЕс виарар. Илини сархибти хИурматла умира наградабира гъандушесцун арагЕб журнал-



ла абзур бяхИ декларбарес хИяжатбиркур.

Машгъурси тухтур-терапевт лебилра улкализив машгъурси сайри дигалли гЯлимван, дигалли тухтурван, дигалли педагогван. Илини медицинала вузанас хасдарибти гИлмула жузи делкIун ва илди хИясибли специалистуни хИядурбирули саби. ЦархИилван буралли, ил Дагъиста литературализив тухтур-писатель сайливан А. П. Чеховличил цугуцес виарар. Илала жузи медицинализивад гъарахъти адимтанира иштяхИличил дучIули сари.

Ибрагъим ГЯхИмадханович хабарла мургъи-арцла устнала шилизив – Дахадаевла районна ГЯрбукIла шилизив акIубси сайри. Илала гЯмруличила ва бузериличила бурнилис багъишлабарисси пергер жуз белкIун илала шилизивадси илала

тухум, Дагъиста халкъла писатель МяхИяммад-Расул Расуловли. Илизивад багъес вирули сай, секъяйдали давлачебси рухIла бухIна дунъяла вегI адам сайрил хабарла тухтур. Чи зягИпикаллира, илала гъамти, чула тухумла се изулил багъес аварахЕбирину, «Шамовличи вякъунрив?» или хъарбикIутири, ил лерилра излуми сагъдируси сихIрула тухтур сайхЕливан. Илала сунела зягИпикесра замана хЕбири, мурталра цархИилтала арадешлис къуллукъличив вирусире. Илала малхИямси девли булан адамти сагъбирахъутири.

ЛевГев тамашала адам сайри Ибрагъим ГЯхИмадханович. ГИлмулизи имцIали мурхъикибси гЯлимла, хаслира тухтурла, зягИптазив виркъес замана кавлули хЕбирар биклар, амма илини зягИптас къулукъбирес имцIаси замана харжбурсири. Дубурла гъарахъти шимазиб хИербирути гъести гЯмрула зягИптаци хИеруди барес булан вашули вири ил багъадур адам. Ил гЯмрулизивад арукъни нушаб биубси халаси бетяхъри саби.

Машгъурси гЯлим сайливан ил халкъани-ургарти машгъурти тухтуртала гъунибаънибачи ва медицинала шайчирти далдуцуназир бутАкьяндеш дарес дахъал дурала улкнази вякъун. Илар сунени чедаибтачила ва илаб хИербирути халкъла гЯмруличила сунела пикруми дурибти жузи дураиб. Илини илдигъунти архИябачир дахъал суратуни кайсусири ва илди илала жузазир чедаэс виарар.



Машгърси гЯлимли мурталра бурули вири, сай кайзурси атеист виънили-чила. Халкъани-ургарбси медицинала этикала шайчивси эксперт сайливан ил Израиллизи вякъунсири. «Илав ну Писа идбаг акIубси тIени чебаэс вякъунра. Илабад гъарахъли ахIи мерлабиубси бусурмантала хIябъибил дурхъаси мер – «Аль-Акъса» мижит чебаэс вякъунрагу, наб илаб мижитла унзала гъалаб някълизиб ярагъличилси къарауй гъуни буциб. «Наб Ибрагъим бикIар, Дагъистайзивадси бусурман сайра» или бурира. Селра аргъес къабулхIейкиб ва мижитлизи ацIахъес хIетурра. «Ягъари, ну Истамбуллизибси «Ас-Сафиялизи» булан ацIибсира» виIули калунра, амма илинира къарауйчи сегъуналра асар хIебариб. ИлхIели нуни «АлхIям» белчIунра. ИлхIели наб разили мижитла унза абхъиб ва ухIнавхъахъес пурбанбариб. Амма мижитлизиwad дураулхъ-ухIели, экскурсовод сайливан саби или, набзибад багъа сасес хъумхIертур», – хабар бурули вири илини.

Пядатла адамтаницун ахIенну, саби тухтуртанира халаси иштяхIличил дучIули бирар Ибрагъим гIяхIмадхановичли делкIунти турхтурлара зягIип-силара ургарти бархбасуни сегъунти дирутил бурути жузи. Илди сунени урус мезли делкIунтири, амма Дагъиста миллатунала мезаначилра дурадухъун. Илала жуз белчIунси пашманхIейрар, сенкIун илизир дахъал пергер насихIятуни даргес вирар. Илала дурабад, Ибрагъим гIяхIмадхановичли гIярбукIантала масхуртала жузра цалабяхъиб ва дураиб. Илини делкIунти жузала ургар гъачамлис дарган мезли дурахIедухъунтира лер. И.Г. Шамов Россияла писательгала Союзла членра сайри.

Ил гъарли-марси халкъла тухтур сайри. Машгърси адам сайлихъалли, илизир бекIлил хамдеш хIедири. ПIабигIятли сахаватли пагъмурти дедибси адам сайри, ва илди илини халати устадешличил пайдалара дирусири, халкъла арадешлис къулулъличи кайусири.

Жагати гIямру деркIиб ил пергер адамли. Нушала журналлизирра илала белкIани дурадухъунтири. Лебилра дагъистанлантаниван, нушанира ил хъумхIетехIе. Илала хъалибарглизира узи-уршилизира халаси пашмандешра балахъулра. Медицинала бегIлара гIяхIти хIянчизартас лугуси илала уличилси премия кабизахъес биалри, хIябилра гIяхIси биши, илхIеликIун илала у гIурра адамтас къуллукъличиб кавли.

*«Гьалмагъдеш» ва «Лачин» журналтала агълу.*



# Фольклор

---

Гяйша  
КЪУРБАНОВА

## БАГЪИРАБИ

Алавла диъла, дай – урца, къуйрукъ мегъла.  
Дай диъла, кам читла, алавси хъали саб урца.  
Кел узи бургъули, узикъар ургавашули, музабухъунти кабуршули.  
Маймайбаралли, бубшан, лявбаралли, чарбулхъан.  
Гъавала пагъливанван сакъубли жургъбикъан.  
Дудешла хъуцIрумачиб вецI-вечIал дурхIя лехIли.  
Ласбикъули, гербикъан, убикити чIинтIиан.  
Къяшмачиб тIашси, лебгIеб журуга, кIибайра биркуси, цахIнара биркуси.

Къяшми лер – някъби агара, бекI леб – чарх агара, цIализира бетулхъан, халтIбухъи, чарра булхъан.

ЦIудара хъулиб хIербиран, цIаличиб ванабиран, сунес някъ гъабатурил гъаваличиб тIашиан.

Ахъси тIярхъилаб нукъунна къялши: шадибра башар, чарбухъи, бусра бусар.

Мургъи-ранг къапIалиур азир узи дусули.

Удиб – ца, чедиб – ца, цIализиб – мегъ, мегъла бухIнаб гъудурмай, шинкIали лебай – хIебукуси, беръубли хIядурхIели – букуси.


КъантIа нешла бухъяна дурхIя, нешлис гIелабад башар, илини чебаахъибси гъуни сунени къяпIбиру.

КIилизан узби сари: ца бузалли, дузути, ца бирцIалли дирцIути, шадир дукъес дигалли, мурдали гъайдирути.

Урца кел дузи сари: хъусдяхъялли, дашути, канили къисдикIути, къакъличиб дех бихути.

### Багъирабас жавабти:

1) Унци, дукI, гутан. 2) Сирилавси дурхIя. 3) Урхамти, някъла шинкъан. 4) Бала лукIуси дуруг. 5) Зехни ва духъби. 6) Гермукъа. 7) УтIмала бегI, гIямузган журуга шанг. 8) КъямцIа. 9) КъяпIилабси рахаж. 10) Чяка. 11) ХIентIа. 12) Анкъилаб цIегъала ягълавтазиб буцIуси къацI. 13) Буреба ва ги. 14) хунжи. 15) Иргми. 16) Урунжуни ва хIеркI.



ISSN 0235 - 0149

Индекс годовой 31176  
Индекс полугодовой 73892

